



UNIVERSITÄTS-
BIBLIOTHEK
PADERBORN

Universitätsbibliothek Paderborn

Theologia Moralis

Antehac ex probatis Auctoribus breviter concinnata

Busenbaum, Hermann

Coloniae Agrippinae, 1707

Tractatus I. De 1. Præcepto Decalogi.

urn:nbn:de:hbz:466:1-42515

TRACTATUS I.

De primo Præcepto Decalogi.

Ujus Præcepti, prout est affirmativum, materia propria sunt Actus Virtutis Religionis. Est autem hæc virtus moralis, quâ interior & exterior Cultus Deo debitus exhibetur. Actus ejus internus est animi submissio, quâ infinitam Dei excellentiam veneramur : Externus est, quo internum testamur, ut Oratio, Sacrificium, &c. de quibus v. Schol. 1. 2. & 3. parte. Prout verò est negativum, prohibet vitia Religioni opposita, quæ quia opponuntur virtuti inter morales præcipiæ, sunt peccata, post ea, quæ contra Virtutes Theologicas committuntur, gravissima, & ex genere suo mortalia. Sunt autem duplicita: alia, quæ opponuntur per excessum, ut superstitione cum suis speciebus; alia per defectum, ut irreligiositas cum suis.

C A P U T I.

De Superstitione & speciebus ejus.

D U B I U M I.

Quid sit & quotuplex.

RESP. I. Superstitione est falsa religio, seu Cultus vitiosus veri vel falsi Numinis, Less. Et convenit cum definitione communi ex S. Thom. quâ dicit, esse vitium, quod Religioni opponitur secundum excessum. Dicit: per excessum: non quod Deus nimium coli possit, aut majore honore quam

quam dignus sit; sed intelligitur secundum circumstantias, eò quod exhibeat Cultum, vel quem non debet; vel eo modo, quo non debet; vel illi, cui non debet.

R. 2. Superstitione est duplex: alia cultus indebiti, sive incongrui, quo verus Deus, sed modo indebito colitur, tribuendo ei cultum falsum & perniciosum vel superfluum, qui nimis sit contra vel præter Ecclesiæ consuetudinem ac præscriptum. Alia est ratione rei cultæ, cum scilicet Cultus Deo debitus falso Deo, vel Creaturæ defertur. Et hæc subdividitur in Idololatriam, Divinationem & vanam observantiam; ad quam Magia vel revocatur, vel potius quartam speciem constituit. Laym. L. 4. t. 10. c. 1. ex S. Th. 2. 2. q. 92. a. 2. Ex quibus resolves.

I. Superstitionem cultus falsi committit. 1. Qui Deo nunc offert cultum per ceremonias veteris Legis, v.g. Circumcisionem, immolationem Agni, &c. quia significant Christum adhuc venturum, & nondum venisse. 2. Laicus, qui DEUM colit tanquam publicus Minister Ecclesiæ, v. g. sacrificando, absolvendo; quod semper esse mortale, docet Suar. de Rel. L. 2. de superstitione. 3. Is qui suâ autoritate proponit aliqua facienda, tanquam ordinata ab Ecclesia ad Dei cultum. 4. Qui falsas reliquias proponit, vel miraculum factum esse per aliquam imaginem, vel se habuisse has vel illas revelationes fingit, sive ad faciendum lucrum sive ad devotionem augendam. 5. Qui, ut populum moveat, fingit miraculum aliquod, vel historiam reperiiri in Scriptura Sacra, &c. Et hæc superstitione, et si ex genere suo mortaliter, quia prima Veritati injuriam irrogat, & religionem fundat in mendaciis, saepè tamen excusat ignorantiā, vel simplicitate, Leß. L. 2. c. 43. dub. 1. Sancb. 2. mor. c. 37. 1.

et Navar. Man. c. 12. Laym. l.c. Bon. Tom. 2. d. 3. q. 5. p. 1.
 & II. Supersticio cultus superflui est v.g. 1. Cerimonia audiendi Missam ante ortum Solis, cum certo numero, situ, ordine cereorum ; vel Sacerdotis, qui dicatur Joannes ; vel qui habet Staturam Christi, &c. quia hic cultus est ex se ipso inanis, & ad spiritum excitandum inutilis. 2. Jejunare die Dominico, cum non jejunas aliis diebus. Item in Missa contra Rubricam plures formare cruces, pluries dicere *Alleluja*, dicere *Gloria* vel *Credo* contra Rubricas, aliasve ceremonias demere vel addere (etsi fiant ex devotione ; haec enim corrugenda est) quia sunt praeter Ecclesiarum consuetudinem. Haec tamen & similia bona intentione facta, venialia tantum sunt ordinari, ut docet Tol. Less. l.c. Navar. & Laym. quia est materia levis, & actio ex se non mala ; & multa excusat simplicitas. Quod si tamen ex se mala esset, ut si rom furtivam offeras, turpia verba in templo canas, ore vel organo notabiliter lascivam vel ad impuritatem provocantem vocem edas , est supersticio vere mortaliss, ut Laym. l. c. ex commun.

DUBIUM II.

De Divinatione.

Quid est quatuorplex sit divinatio.

Resp. I. Divinatio est, cum quis operi dæmonis tacite vel expressè invocat, ut noscat res contingentes, & liberè futuras, aliterve occultas, & naturaliter incognoscibiles. Quæ si sunt tales, quas solus Deus scire potest, involvitur tacita Idolatria, quod dæmoni tribuatur Cultus divinus :

Si

Si verò sint tales, quas dæmon naturaliter scire^{cc}
potest (nam ex signis, aliisque modis occultis-^{cc}
fima quæque cognoscere potest, etiam plurimas^{cc}
hominum cogitationes & res futuras, ut v. Delr.^{cc}
L.4.c.2.q.2.Sanch.2.mor.c.38.) Nihilominus illicita^{cc}
est ; eò quod commercium habeatur cum Dei^{cc}
jurato hoste, quod importat quandam proditio-^{cc}
nem, & apostasiam à Deo ; ac fortè etiam, ut vult^{cc}
Suar.contra Valent. superstitionem. v.Laym.L.4.^{cc}
T.10.c.3. Bon.T.2.d.3.q.5.p.3. S.Th.2.2.q.5.a.1. " "

R. 2. Divinatio est duplex : una, in qua est invo-^{cc}
catio vel pactum expressū cum dæmonе, & gene-^{cc}
rali nomine dicitur *Neoromantia* : ut, cùm dæmon^{cc}
occulta docet per pythones, arreptitos, præstigias,^{cc}
per personas mortuorum vel vivorum apparen-^{cc}
tium, aliáve signa in aëre, aqua, igne, speculis.^{cc}
Alia est, in qua tantum est invocatio vel pactum^{cc}
tacitum, seu interpretativum ; ut cùm ex lineamen-^{cc}
tis corporis, vocibus, garritu avium, & similibus,^{cc}
quibus se dæmon immiscere solet, quæritur^{cc}
cognitio, ad quam ea sunt improportionata. S.Th.^{cc}
q. 95. Cùm verò utriusque speciei variæ rursus sint^{cc}
species, eas hic omitto, eò quod secundum Senten-^{cc}
tiam communiorē, in genere moris non differant,^{cc}
nec speciale habent malitiam, idéoque in Con-^{cc}
fessione non sit opus explicare, an V.G. facta sit^{cc}
divinatio ex speculis, aëre, mortuo. &c. Experi-^{cc}
mendum tamen necessariò est, utrum invocatio
sive pactio expressa, an tacita intervenerit, quia^{cc}
sive hæ moraliter inter se specie differant, sive non,^{cc}
notabiliter tamen mutant judicium Confessarii.^{cc}
V.Laym.l.c.Sanch.l.c.Leß.L.2.c.43.d.5. Delrium q.6.^{cc}
& seq. Bonac.l.c. " "

R.3. Divinatio, quæ fit per pactum expressū, & quā^{cc}
dæmon expressè invocatur, excusari non potest^{cc}

“à mortali; eam verò, quæ sit per pactum tantum
“implicitum, aliquando excusari à mortali, quidam
“asserunt, videlicet tunc, cùm vel intercedit simpli-
“citas & ignorantia non crasfa, nec affectata, vel
“fides certa non adhibetur; sed tantum timor quidā,
“aut suspicio suscipitur eventū futuri, Laym. l. c.
“Sanch. Less. Suar. Cajet. Baldel, Tom. 2. l. 4. d. 3. n. 22. &c.
“ed quod tunc superstitionis verè non sit, cùm inten-
“tio non sit talis. V. Suar. Less. Sanch. Laym. Cajet.
“Navar. Sayr. Valent. & Tannerum d. 5. de rel. q. 7. d. 1.
“num. 21. & Dub. 2. num. 23. Ex dictis resolvuntur
“sequentes Casus.

“ I. Expressè censetur invocare, seu convenire,
“& pactum facere cum dæmonе, qui vel verbis
“dæmonem invocat, vel saltem facto aliquid usur-
“pat, per quod scit aut putat dæmonem cooperari.

“ II. Is verò tacitè paciscitur, qui vanis & natura-
“liter improportionatis utitur ad aliquid cognos-
“cendum vel efficiendum. Neque requiritur, ut dæ-
“mon aliquando pactus sit, se ad talis vani medii
“adhibitionem concursurum, eo enim ipso, quo
“quis vanitatibus iis utitur, dæmon se immiscat,
“licet præter intentionem utentis sit eum invocare,
“ut docet Suar. Less. & Sanch. l. l. c. c.

“ III. Non excusatūr à peccato, qui utendo talibus
“rebus, de quibus constat esse naturaliter impro-
“portionatas, protestatur se nullum cum dæmonе
“commercium intendere, quia re ipsa facit contra
“suam protestationem: Cùm enim nec D E U S,
“nec Angeli boni talibus semisceant, dæmon impli-
“citè iis invocatur, uti præter citatos docet Laym.
“& Bon. ll. cc.

“ IV. Neque is excusatūr, qui talia Media utilia
“cedit propter experientias, quia has dæmon pro-
“curat, ut homines paulatim illaqueat, & ad similia
“usur-

ufurpanda inducat. *Vid. Sanchez 2. mor. c. 38.*

V. Si quis ab astris, somniis, similibusve ita^{cc}
dependeat, ut omnes pene actiones suas & vitam^{cc}
juxta ea regulare velit , eum mortaliter peccare^{cc}
docet Less. Suar. Sanch. l.c.

VI. Ex talium observatione semel atque iterum^{cc}
aliquid omittere , ad quod alioqui sub mortali^{cc}
non teneris, veniale tantum esse censem^{cc} *Cajet. &*
Armilla V. Somnium. Ut & subinde timere leviter,^{cc}
ne ita sit, aut eveniat, quod portendunt, ut notat^{cc}
Suar.

VII. Communiter & ut plurimum,in similibus,^{cc}
in quibus tacitum tantum est Pactum, venialiter^{cc}
tantum peccari, docent consequenter Doctores^{cc}
suprà citati & mox citandi, quia communiter ferè^{cc}
aliquid istorum intervenit, quæ à mortali excusare^{cc}
dicunt, ut v.g. quod Fides integra non adhibeatur,^{cc}
Sanch. n. 21. Cajet. in summa, Armilla, &c. Rectè^{cc}
tamen notat *Delrio*, esse semper rem valde pericu-^{cc}
losam, juxta illa suas actiones dirigere , etiam^{cc}
non credendo. *V. Sanch. l.c.*

VIII. Licta est 1. Physiognomia, quæ ex vultu,^{cc}
dispositione & habitudine corporis & membro-^{cc}
rum. 2. Chiromantia, si ex lineis & partibus^{cc}
manuum consideret temperiem corporis , imò^{cc}
etiam animi propensiones & affectus probabiliter^{cc}
conjectet. 3. Item divinatio, quæ ex somniis con-^{cc}
jectat hominis complexionem, & hinc affectiones^{cc}
animi diurnas. 4. Item illa, quæ ex avium, piscium,^{cc}
aliorumve animalium voce, motu, aliisve actio-^{cc}
ribus naturales aliqui effectus pronunciantur^{cc}
futuri ut plurimum, v.g. serenitas, pluvia, &c.^{cc}
5. Astrologia naturalis, quæ effectus corporeos &^{cc}
naturales, ut ventos, eclipsin, fertilitatem, salubrita-^{cc}
tem, morbos & similia prædicti, quæ ad medicinā^{cc}

“vel agriculturam conducunt : imò etiam, cùm
“ex punto nativitatis sive horoscopo, probabiliter
“prædicti complexionem corporis & affectiones
“animi: Quia hæc divinationes omnes naturales sunt
“& mediis proportionatis utuntur. *Leß. d. 7.*

“IX. Illicitæ verò sunt omnes prædictæ divina-
“tiones, si ex iis aliquid nosci aut pronunciari inten-
“datur circa ea, ad quæ proportionata non sunt ; ut
“circa effectus contingentes & liberos , aut quæ
“a Deo pendent, ut circa statum animæ, dona gra-
“tiæ, divitias, honores, fortunam, nuptias, statum
“vitæ, & similia, quorum electio voluntaria est, &
“a libera hominum voluntate pendet : itemque
“de rebus occultis, ut furto, thesauro abscondito.
“V. *Leß. l.c. Bon. n. 11. Suar. Sanch. l. c.*

“X. Peccant, qui Ægyptios de fortuna consulunt,
“& quidem (si fiat cum firma Fide vel scandalo, &c.)
“mortaliter; si verò causâ curiositatis vel risus, ut fit
“communiter, venialiter tantum. *Fili. tract. 24. n. 135.*
“*Sanch.*

“XI. Superstitiosa est divinatio, quæ fit per sortes
“divinatorias, ad futurum vel occultum aliquid
“cognoscendum, quasi sortibus Vis aliqua divina
“insit ; ut si quis v.g. ex taxillorum projectione &
“dispositione divinet , quis sit obtenturus victo-
“riam, beneficium, &c. Idem ferè est de sortibus
“consultoriis, quibus inquiritur, quid in hac vel
“illa re sit agendum. Dixi : ferè : quia aliquando hæ-
“licitæ sunt, quando causæ necessitas & honestas
“exigit, aptiorque modus dubium vincendi non
“apparet , dummodo fiant præmissâ Oratione,
“cum debita reverentia ; & indicium non exspecte-
“tur nisi à solo Deo, ut v.g. si quis hærens in bivio
“aliter quoad viam se determinare non possit ; vel
“si divino instinctu aut jussu fiant, ut *1. Reg. 10.*

in electione Saülis contigit. *Fill. n. 106. Sanch. Bon. l.c.*

XII. Sortes divisoriae sinè superstitione, & plerumque licet fieri possunt, sive ad honestum ludum, sive ad hæreditatis divisionem, sive ad litis compositionem, dummodo litigantes, qui æquale Jus habent, consentiant, quia nihil aliud continent, quam contractum inter eos, qui ad aliquam rem jus habent, ut illius sit, cui sors obtigerit. Sic etiam si plures mortem sint meriti, nec expediatur omnes puniri, sorte definiri potest, quis ex iis sit occidendum. *Dixi: plerumque: tum quia in electionibus Ecclesiasticis sunt illicita, ut Laym. L. 4. t. 10. c. 3. n. 8. & Bon.* Tum quia officia secularia, non forte, sed secundum personarum aptitudinem sunt dividenda, et si inter plures æquè a pros & dignos forte agi possit. *v. Lef. l.c.*

XIII. Potest excusari à superstitione, qui modo illico futura se velle divinare ostendit joci causâ: Ratio; quia non est actus superstitionis, nec affectatio cognitionis Dei propriæ, sed tantum vanitas aliqua. *Suar. Sanch. Regin. l. 17. n. 170.*

A D D E N D A.

Q. 2. Quanam hic præterea censi debant licita vel illicita. R. Constat ex seqq. §. I. Non est peccatum, saltem mortale, per Astrologiam velle cognoscere aliquid contingens liberum, judicande illam cognitionem esse incertam & tantum conjecturalem. Ita Cajet. Tol. Vat. Delr. Castrop. Tamb. hic l. 2. c. 6. §. 1. n. 14. contra Sanch. & alios. Ratio est, quia revera astra inclinant. Nec refert, quod Sixtus V. videatur hoc prohibuisse: Nam Suar. aliquique cum Sporer T. 2. c. 9. n. 16. dicunt eam prohibitionem rostringi ad solum Forum externum, ob præsumptionem divinationis internæ: aut saltem

Saltem dici potest, quod prohibeat ea, quae alioquin jure naturae sunt illicita, quale quid non est conjecturalis ejusmodi praedictio, quae in natura sufficiens habet fundamentum, ob dictam inclinationem, quam astra afferunt. Quod si ad conjecturam ex astris etiam accederet ratio ex temperamento personae, aut ex consuetudine vivendi, aut aliqui circumstantia, non esset divinatio etiam probabiliter talia praedicere, unde & se regulan secundum tales praedictiones, dummodo non haberet certam credulitatem, excusaretur saltem a mortali, uti cum Tamb. censet Arcd. hic §. 2. n. 4.

§. 2. Crederet somniis, non est mortale, quando quis non omnino credit rem in somno ostensam esse veram seu futuram, sed tantum propter tal somnium aliquid de se non malum operatur, ueritatem malum, quod somnium minatur, tunc enim quamvis sit aliqua levitas vel simplicitas aut nimis timiditas, tamen non appetet gravis malitia, qui non tam credit illud esse a Deo, aut ideo esse verum quam posse aliunde esse verum, ita Suar. de Relig T. 1. T. 3. L. 2. c. 13. n. 25. Ex quo infert Tamb. n. 22.

hominem in somno saepius admonitum, ut certo loco terram effoderet, sicque reperiret ollam auro plenam, non peccasse graviter, quamvis deceptus sit & invenierit ollam plenam nigris carbonibus. Similiter Leander & Tamb. apud Gab. in Exp. T. 11. n. 913. negant te peccare mortaliter si paucas actiones modereris secundum praedictionem Astrologi, v.g. Si navem non consendas eo die, quo praedixit te submerendum.

§. 3. Si quis mediis vanis utatur joci causâ, aut experiatur, quid casu accidat, aut quid tale signum designet, credens totum esse futile & inane, Vah Suar. Sanch. Bonac. Delr. Gobat n. 937. & alii putant

non

R

non esse nisi veniale ob imperfectionem actus,
quia non videtur plenè consentire in divinatio-
nem ; sed *Castrop.* T. 17. d. 1. p. 3. n. 6. meritò dieit
raro excusari posse à mortali , quia quando ex
mediis talibus , quæ scis esse improportionata
tentas videre, quid accidat, tentas experiri, an
dæmon de facto se illis immisceat ; ergo tentas
cum dæmone societatem habere , quod videtur
semper esse mortale, licet ex joco fiat, secundum
illud i.ad Corinth. 10. v. 20. *Nolo autem vos socios fieri*
demoniorum. Idem tenet *Lef. in Auct. v. Magia. c. 3.*
quia hoc est advocare dæmonem, sub conditione,
dicendo æquivalenter , Si pactus es te ad futurum
ponenti tale signum, ad sis, ut sciam, an pactus sis.
Vide dicenda n. 35.

§. 4. Graviter peccat, qui coquit partem aliquam
animalis veneficio interficti, v.g. cor vel ungulam
equi, ut sic cognoscatur veneficum : *Ratio* est, quia
utitur pacto cum dæmone, qui promisit se posito
tali signo nocitum Venefico, vel se proditum
illum, ita Lef. c. 2. Gob. n. 942.

§. 5. Non peccat graviter, qui cum altero pactum
certo finit, ut præmoriens appareat superstiti, Deo id
permittente, moniturus alterum de rebus ad salu-
m vi tem spectantibus , in hoc enim nihil intendit
cognoscere ope dæmonis : poterit tamen aesse
veniale peccatum ob curiositatem vel periculum
deceptionis, ita cum aliis *Castrop. n. 8.*

D U B I U M III.

Quid & quotuplex sit Idololatria.

R Ef. 1. Ea est, quando tribuitur honor Crea-
turæ sicut Deo, D.Th. 2. 2. q. 94. art. 1. Id vero fit, et
ut docet *Lef. l. 2. c. 43. d. 2.* non tantum sacrificio,
sed etiam quovis signo honoris , quo quis-
Crea-

“Creaturæ tanquam Deo se submittere intendi
„v.g. genuflexione, suffitu, detectione capit
“ad Statuam Jovis.

“¶. 2. Idololatria est duplex: alia materialis, si-
“simulata, ut cum quis sine interno affectu, ex men-
“mortis, cultum idolo exhibet. Alia formalis,
“propria; eaque perfecta, ut cum quis adorat idolum
“quod ex infidelitate putat esse Deum; vel imper-
“fecta, cum quis vel ex odio Dei, vel ex affectu
“aliquid a dæmone aliave creatura obtainendi, ip-
“qua si Deo cultum defert. Laym. l. 4. t. 10. c. 2. ex S. Aug.
“& S. Th. Unde resolvetur.

“I. Idololatria aliquando conjungitur cum infi-
“delitate vel hæresi, cum scilicet Creatura adorat
“in intellectu habetur pro Deo, aliquando non.

“II. Idololatria, etiam materialis & facta, ei-
“grave & mortale peccatum, quia est saltem menda
“cium perniciosum & contra Religionem: sæpi
“etiam contra confessionem Fidei externam. Sanch.
“L. 2. mor. c. 37. n. 21. Azor. 1. p. l. 9. c. 11.

“III. Idololatria imperfecta, ob malitiam volun-
“tatis, est peccatum gravius, quam perfecta. v. Laym.
“& Sanch. II. cc.

A D D E N D A.

15 Q[uæ]st. 3. Quid notandum sit circa imagines &
“circa cultus varios hominum vel rerum sacrarum.

§. I. Inter Prop. ab Alex. VIII. damnatas est hæc: 25
“Dei Patris Simulacrum nefas est Christiano in templi
“collocare. Hanc Prop. docuit Calvinus, item Joannes
Hesselius Doctor Lovaniensis, citans pro se S. Aug.
“L. de Fide & Symb. Sed perperam: nam S. Doctor
tantum agit contra illos, qui putabant perfectam
Dei similitudinem & formam posse figuram &
coloribus exprimi: nos autem dicimus esse tantum
metaphoricam: nunc ex damnatione propositionis
alla-

allatæ certum est licere tales imagines pōnere in templis, & ratio est, quia per hoc non significamus Deum esse corporeum, sed exprimimus illum more humano, ut ipse apparuit aut se ipsum expressit in Scriptura, in qua dicitur stare, sedere, ambulare, habere caput, manus, pedes, &c. Ergo nec illicitum erit in pictura talem exhibere, qualis in Scriptura depingitur. Sic in Symbolo de Christo dicitur: *Sedet ad dexteram Patris.* Ergo sicuti ibi exprimitur verbis; ita licitum erit exprimere coloribus, præsertim cùm nunc non sit periculum erroris in Fide, quia hac de re sufficienter instruuntur imperiti secundūm expressum Decretum Trid. Sess. 25.

§. 2. Inter Propositiones ab eodem Alex. VIII. damnatas hæc est 26. *Laus quæ defertur MARIÆ* ut MARIÆ, *vana est.* Huic Propositioni videtur occasionem dedisse libellus inscriptus: *Monita salutaria B. Mariae Virginis ad cultores suos indiscretos.* Ubi Monito 6. sic inducitur loquens B. Virgo: *Laus, quæ mihi defertur ut mihi, vana est.* Quod verò attinet ad sensum propositionis damnatae, hic valde obscurus est: Si sensus esset, quod specialis laus non debeatur Mariæ, præcisè ut persona humana est, ibi sistendo, hoc non foret falsum, cùm enim etiam improbissimi homines sint personæ humanae, si hæc præcisè ratio postularet sibi laudem, etiam hi, prout sunt persona humana, essent laude speciali digni. Si autem sensus sit, quod non debeatur ei laus, in quantum est affecta specialibus prærogativis à Deo, patet falsitas, quam etiam agnovit author libelli; subdit enim: *Quæ verò mihi defertur ut matri & ancilla Domini, sancta est.* Si autem sensus sit, quod non debeatur illi laus, nisi in quantum est Dei Mater, etiam patet falsitas, alioquin nullus

nullus alius Sanctus eset laudandus. Denique si sensus sit, quod omnis laus illius sit vana, nisi illi formaliter deferatur propter Deum, uti imaginibus non debetur ullus honor, nisi praeceps propter Sanctos, quos repræsentant, etiam hic sensus est falsus & damnari potuit, quia persona B. Virginis, in quantum est bene agens, habet excellentiam præ aliis Creaturis, estque hoc ipso per se digna laude, uti docet S. Th. in 3. dist. 9. q. 1. his verbis: *Quod B. Virgo sit persona quædam per se agens, ei debetur honor per se.* In quoconque autem sensu intelligatur propositio, est ad minimum scandalosa, quia sic crudè prolata est apta offendere pias aures populi & imminuere cultum Hyperdulie B. Virginis debitum. Nec obstat, quod 1. ad Timoth. 1. dicatur: *Soli Deo honor & gloria.* Nam vel dicendum est cum S. Aug. L. 2. de Trin. c. 8. § 17. quod Tò soli non cadat super Tò debetur, sed super Tò Deo, ita ut sensus sit: illi, qui solus est Deus, honor & gloria; vel intelligi sic debet, quod soli Deo principaliter debeatur omnis honor & suprema gloria.

§. 3. Circa imagines notandum, quod Tom. 4.

¹⁷ Bullarii apud Cherubinum p. 54. in Decreto, quod à S. Congreg. 13. Martii 1625. approbante Urb. VIII. inter ejus Bullas n. 37. emanavit, sic statuatur: Sanctissimus re etiam cum Cardinalibus Inquisitoribus communicatâ & mature considerata declaravit, statuit & decrevit, ne quorumvis hominum cum sanctitatis seu Martyrii fama (quantacunque illa sit) defunctorum imagines & quocunque aliud venerationem & cultum præferens & indicans, in Oratoriis aut locis publicis seu privatis vel Ecclesiis tam secularibus, quam Regularibus apponantur, antequam ab Apostolica Sede canonizentur aut Beati declarentur; &

Si quæ appositæ sunt , amoveantur , prout eas statim amoveri mandavit : ac pariter imprimi de cætero inhibuit libros eorundem hominum gesta , miracula vel revelationes seu quæcunque beneficia tanquam eorum intercessionibus à Deo accepta continentes sinè approbatione Ordinarii , qui in eis recognoscendis Theologos aliósque pios ac doctos viros in consilium adhibeat , & ne deinceps aliquid novum ac inordinatum committatur , negotium instructum ad Sedem Apostolicam transmittat , ejusque Responsum exspectet . Ad horum hominum sepulchra vetuit tabellas atque imagines ex quacunque materia pictas , factas vel exsculptas appendi , & lampades sive alia quæcunque lumina accendi sinè recognitione ab Ordinario , omnino ut supra facienda , Sedique Apostolicæ referenda ac probanda declarans , quod per supradicta præjudicare in aliquo non velit iis , qui aut per communem Ecclesiæ consensum , vel immemorialem temporis cursum , aut per Patroni virorumque SS. Scripta , vel longissimi temporis scientiâ ac tolerantiâ Sedis Apostolicæ vel Ordinarii coluntur . Denique peccatas injungit transgressoribus hujus Decreti . Sed advertendum est , quod ibidem pag . 55. habeatur declaratio ejusdem Urb . VIII . data 4 . April . 1625 . quæ fusiūs repetitur in Append . Tom . 4 . pag . 38 . in Constit . 22 . alias 132 . data 5 . Jul . 1634 . in qua permittite jussi modi imagines separato ab Ecclesia loco custodiri , si approbantibus Ordinariis facere possint ad qualemque suo tempore probationem sanctitatis .

§ . 4 . Quod attinet ad Cultum Beatorum necdum Canonizatorum , S . Congregatio 27 . Sept . 1659 . præsente & approbante Alexandre VII . edidit , & 3 . Febr . 1660 . publicavit Decretum ,

in quo hæc statuuntur, 1. Quod eorundem Beatorum imagines, etiam non principaliter & uti supplices appositæ, simulacra, picturæ, tabellæ aut Scripturæ eorum præclara gesta repræsentantes, aut referentes, in Ecclesiis, Sacrariis & Oratoriis quibuscumque, & præsertim in quibus Missæ Sacrificium vel alia Divina Officia peraguntur, inconsultâ Sede Apostolicâ nullo pacto exponantur. 2. Quod ubi indulatum fuerit per Sedem Apostolicam imagines, simulacra pictasque tabellas in Ecclesiis poni & colli posse, in pariete tantum, non autem super altari collocandi facultas tributa censeatur. 3. Quod si concessa fuerit per eandem Sedem Apostolicam altarium erectio, non tamen ob id Missam & Officium de prædictis Beatis celebrandi vel recitandi facultas tradita præsumatur, etenim specifica & expressa concessio super his præcedere debet. 4. Ubi in loco Cultus fuerit concessus, non extendatur inconsulto Pontifica ad alium locum quavis aliâ concurrente auctoritate. 5. In locis, ubi Beatos prædictos ab omnibus colli permisum fuit, non inde publica Officii recitatio permissa censeatur, sed tantummodo privata nec satisfactoria Præcepto recitationis, nisi quoad illos, quibus Sedes Apostolica de hoc indulserit. 6. Missæ pariter, quæ fuerint indulta certis personis alicujus loci vel Monasterii, seu Presbyteris alicujus Ecclesiæ, à confluentibus Sacerdotibus quavis dignitate etiam Cardinalatissimis insignitis minime celebrentur. 7. Dies festi in Beatorum eorundem memoriam non celebrentur, nisi speciali Indulso Apostolico provisum fuerit. 8. Eorundem nomina in Calendariis non apponantur, nisi illius tantum loci earumque personarum, in quo & à quibus Cultus cum Officio & Missa

Missa celebratur. 9. In quibusvis Ecclesiasticis
precibus, etiam in Oratoriis privatis, recitandis
particularia eorundem suffragia non apponantur
vel recitentur. 10. Publicis in precibus præter
indultas & à Sede Apostolica approbatas iidem
Beati non invocentur. 11. Eorundem Reliquiæ
in processionibus minimè circumferantur.
S. tamen Congregatio removere non intendit
Cultum Beatis per communem Ecclesiæ con-
sensum, vel per immemorialem temporis cursum,
aut per Patrum virorumque sanctorum Scripta,
vel temporis centum annorum metam excedentis
scientiam ac tolerantiam Sedis Apostolicæ aut
Ordinariorum hactenus præstitum, accerto modo
& formâ ab eo tempore eis exhibitum : verùm
si à centum annis citrà, Cultus hujusmodi aliqua
ex parte constiterit auctus & extensus , eo casu
S. Congregatio eundem in pristinum reduci jubet,
prout quemvis Cultum extra casus prædictos
ad expressa tantùm verbaliter in Apostolicis
Indultis omnino revocari mandat, sub pœnis. &c.
Firmis quoque remanentibus Decretis , nempe
ne Beati in Patronos elegantur, ne eorum Natali-
tia cum Octavis celebrentur, & aliis quibuscumque
à Sacra Congregatione hactenus emanatis, quæ
præsenti Decreto renovantur.

19

Postmodum allatis ad S. Congregationem
dubiis circa observationem & intelligentiam
illius Decreti, 1. An ubi indultum fuerit, ut Missa
de aliquo Beato celebretur, liceat ejus imaginem
& simulacrum super altari exponere , nec non
votivas tabellas ibidem appendere. 2. An si dies festi
in Beatorum honorem non celebrentur, extenda-
tur ad Festa devotionis. 3. An Indulta recitandi
Officium cum Octava vel finè Octava , &

B2

cele-

celebrandi Missam de Beatis, fuerint revocata per dictum Decretum. 4. An in Ecclesiis, in quibus Officium & Missa de Beatis recitari ac respectivē celebrari possunt, liceat eorum Reliquias expōnere. 5. An Episcopi Regulares, qui ex Indulto Sedis Apostolicæ gaudent privilegiis suæ Religionis, de quibus sunt capaces pro eorum conditione, possint de Beatis suæ Religionis recitare officium, & in propriis Cathedralibus Missam celebrare, & altare Beatis prædictis erigere. *Sacra Congregatio* 17. Aprilis 1660. respondit, ad 1. affirmativè. Ad 2. negative. Ad 3. negative. Ad 4. affirmativè. Ad 5. negative.

§. 5. Suppositis illis proponebatur nuper hic casus : Titius, quia obtinuit à Deo gratiam per preces *Thomæ Mori* in necessitate invocati, quem omnino putat Martyrem esse, vovet se ejus picturam, attamen finè radiis, appensurum in ecclesia. *Quaritur*, an id possit, adeoque teneatur hoc Voto : *Ratio* pro parte affirmativa est, quia non vult picturam illam exponere ad publicum cultum, sed ad ornatum templi, & quidem extra altare ad parietem, ergo sicuti licitum est ibi appendere picturam quamcunque alias honestam, v.g. ejus, qui templum ædificavit vel altare fundavit, ita & *Thomæ Mori*. Nihilominus ex iudicio virorum doctorum, quos consului, respondi non posse, ob illa Decreta n. 17. & 18. relata, nam non licet exponere imaginem non Beatificati, immo nequidem Beatificati, in Ecclesia, in qua non est licitum de eo celebrare Missam, ergo multò minus *Thomæ Mori*, qui non est beatificatus. Ad rationem oppositam, disparitas est, quia scitur, quod pictura Fundatoris non exponatur propter venerationem & cultum ratione sanctitatis vel martyrii, hinc non

non comprehenditur prohibitione Pontificum, ècontrà cùm populo alia non possit occurrere causa, cur exponatur pictura *Thomæ Mori* in ecclesia, nisì ad aliquam contestationem sanctitatis vel martyrii, reipsa prout exposita in istis circumstan- tiis præsefert venerationem & cultum, ergo comprehenditur prohibitione Pontificum.

§. 6. S. Congregatio 26. Junii 1642. approbante ²¹ *Urb. VIII.* inhibuit, ne imagines Christi, Deiparæ, Angelorum, Sanctorumque aliorum pingantur vel exponantur cum habitu certorum Ordinum, aut aliter, quām in Ecclesia hactenus fuit usus: ibidem prohibet, ne in Ecclesiis vel earum frontispiciis aut atriis exponantur imagines profanæ vel aliás indecentiam & inhonestatem præferentes, uti refert *Manigart* in praxi Pastor. p. g. c. 8.

§. 7. Reliquiæ Sanctorum honorari possunt ²² eodem cultu, quo persona cuius sunt reliquiæ; & quamvis per se coli nequeant, cùm sint irrationales, possunt tamen coli respectivè propter excellentiam & sanctitatem personæ, cuius sunt: ad honorandas autem privatim tantum reliquias sufficit privatum testimonium sanctitatis ab una persona fide digna aut ex alia probabili ratione, uti rectè *Manig.* suprà: notat autem *Loth* in resol. Theol. I. 24. a. 3. ex *Gavanto*, S. Congregationem Episcoporum & Regularium declarâsse, reliquias Sanctorum non posse radi, ut rasuræ dentur infirmis in potum. De cultu aliarum rerum benedictarum vel consecratarum dicetur L. 6. T. I. ad c. 4.

§. 8. Probat *Manig.* pag. 904. ex Decretis Pontificum, Cæsarum sanctorumque virorum, illicitum esse imaginem Crucis in pavimento vel lapide humi pingere vel effingere, Crux enim coli debet cultu latræ, ergo irreligiosum est calcare pedibus: ²³

recte tamen addit illam solam calcationem Crucis esse peccatum, quæ sit animo injuriandi aut irreverenter tractandi, de cetero passim videntur cruces sculptæ in ære vel lapide, quas sine scrupulo omnes prudentes calcant.

24 Quæst. 4. *An sit Idololatria credere dæmoni, aut eum interrogare, si loquatur in obsesso.* R. §. 1. Propriè non est Idololatria, ad eam tamen reducitur, si credatur dæmoni suâ sponte aliquid dicenti, quia sic mendaciorum pater plus honoratur, quam mereatur, ob revelationem rei naturaliter incognitæ, quæ revelatio à solo Deo petenda eset. *Dixi, suâ sponte dicenti,* quia si dicat aliquid coactus vi exorcismi, credi potest, quia Deus non potest cogere ad mendacium: attamen non facilè ei fides indubitata est adhibenda, quia incertum est, an fiat vi exorcismi, ita *Leß.* in *Auct. V. Magia.* c. 6.

25 §. 2. Haberi potest ratio aliqua eorum, quæ dæmon ex obsesso dicit, non ut ideo credatur vel feratur sententia, sed ut inquiratur vel caveatur; & sic potest quis fodere, si dicat alicubi esse thesaurum, ita *Leß.* suprà. Quod si dicat aliquem esse maleficum, recte docet *Gob.* T. II. n. 794. Si defint alia indicia, non ideo licere apprehendere accusatum; multò minus ei credendum erit, si dicat se à Deo missum ad populi instructionem, ut qui non credunt Concionatoribus & Parochis, saltem credant diabolo, idque esse extrellum remedium, quo Deus utitur ad conversionem hominum, nam hoc prorsus vanum est, & fraus dæmonis volentis errores cum vera doctrina insinuare, ut probat *Ibidem Leßius.*

26 §. 3. Veniale tantum est, si quis ex levitate vel curiositate dæmonem in obsesso loquentem uno aut altero verbo imperativè interroget rem vanam

vanam & inutilem , dummodo non fiat animo
descendi aliquid ab ipso, nam hoc esset exspectare
beneficium, & communicare cum illo : nec firma
fides adhibenda est , nam sic valde honoraretur
dæmon, ita cum multis, quos refert, *Sanch.* h̄c L.2.
c. 42. ubi latè tradit, quid liceat interrogare vel
facere illi, qui exorcizat dæmonem in obsesso ;
de quo etiam videri potest *Tamb.* L. 3. c. 8. §. 2. &
præcipuè *Leß.* suprà cas. 4. 5. 6. ubi dicit licitum esse
personam aliunde accusatam vel infamatam sistere
coram dæmone in obsesso, ut si velit, eam con-
frontet ac convincat de criminе : vide tamen
dicenda infrà n. 44. nam in hoc videtur esse
aliqua communicatio cum dæmone.

D U B I U M IV.

*Quid & quotuplex sit vana observantia,
& unde colligatur.*

R Eſp. I. Ea est superstitione, quā medio aliquo “
improportionato & à Deo non instituto, “
procuratur aliquis effectus, v. g. sanitas, “
ſcientia, &c. *S.Thom.* 2. 2. q. 96. a. 1. *Bonac.* & alii. “
Differt autem à divinatione, quod hæc tantum “
ordinetur ad occultorum cognitionem: illa verò “
ad effectum externum. Convenit cum eadem, “
quod utraque nitatur pacto dæmonis , eique “
tribuat perfectionem propriam Dei. Unde “
quæ de divinatione dicta sunt, proportionaliter “
huic accommodari debent.

R. II. Dividitur 1. sicut divinatio, in eam, quæ “
ex pacto expresso cum dæmonе, & in eam quæ “
ex implicito pacto procedit. 2. Dividitur “
communiter in quatuor species. *Prima* dicitur “

„ Ars notoria, quæ inspectione certarum figura-
 „ rum, vel certo aliquo jejunio, oratione, &c. utitur
 „ ad scientiam, repente ac sine labore acqui-
 „ rendam, ut faciunt Anabaptistæ. Secunda dicitur
 „ magia (quod nomen alioqui generale est) quæ
 „ versatur circa corpora variè immutanda,
 „ aliósque effectus miros. Tertia est observatio
 „ eventuum, quâ ex consideratione alicujus even-
 „ tūs conjicitur, quid sit futurum: v.g. Si ex eo,
 „ quod casu occurrat vulpes, canis, aut cadaver,
 „ certa imminere credat, & inde actiones suas
 „ moderetur. Quarta dicitur Observatio sani-
 „ tatum, cùm adhibentur quædam signa, oratio-
 „ nes, certus numerus crucum, sacra verba, &c.
 „ velut necessaria & efficacia ad pellendos morbos.
 „ Idem est de gestatione reliquiarum cum vana
 „ circumstantia, v.g. in tali capsa, tot diebus,
 „ cum tali herba, &c. Sanch. L. 2. mor. c. 40. n. 11.
 Fill. T. 24. n. 157.

R. III. Vana observantia, sicut divinatio, est
 „ peccatum mortale ex genere suo. Ratio, tum
 „ quia tribuit honorem divinum creaturæ,
 „ exspectando ab ea, quod à solo Deo exspectari
 „ debet: tum quia nititur pacto cum dæmone, Lef.
 „ Bon. T. 2. d. 3. q. 5. p. 4. & alii. Nec potest excusari
 „ à mortali ex parvitate materiæ, quia simpliciter
 „ & in omni materia usurpatur cognitio aut virtus
 „ Dei propria. Aliunde tamen fieri posse, ut non si
 „ mortale, docent Aut. supradict. Dub. 2. Resp. 3.
 „ I. Ratione ignorantiae, si pactum sit implicitum
 „ tantum. 2. Si non adhibetur fides, licet timeatur
 „ ita esse, vel futurum. v. dicta de divinatione dub. 2.
 „ resp. 3. casu 7. & Lef. l. 2. c. 43. Dub. 8. n. 53. &
 „ dub. 10. n. 66.

R. IV. Vana observantia cognosci potest

1. EX

1. Ex insufficientia causæ adhibitæ ad effectum, " si nimirum nec habeat naturalem virtutem, " nec de supernaturali legitimè constet. 2. " Ex adjunctione falsæ vel vanæ circumstantiæ, ut " v.g. Si flagellatio fieri debeat certâ horâ, numero, " manu, flagro serico, si nomina adhibeantur " ignota vel characteres peregrini, verba falsa vel " apocrypha, v.g. Christum habuisse febres vel " spasmum, &c. Item si ponatur vis in modo " scribendi, v.g. Evangelium S. Joannis à virgine " oriente Sole, &c. 3. Si effectus statim evanescat, &c. " *Delrio l.2.q.5. Sanch.n.43. Ex dictis resolues,*

1. Superstitiosum est, i. Sumere aliquam potio- " nem vel bolum, vel quidvis aliud usurpare, " ad scientiam aliquam subitò acquirendam. 2. " Gestare amuleta, ligaturas & involucra falsis " characteribus consignata, contra vulnera vel " subitam mortem, ne possint lædi, vel ne sanguis " effluat, vel ad conciliandam invisibilitatem, " impenetrabilitatem, amorem, fortunam, nocu- " menta & maleficia. 3. Ex casu fortuito conjicere " de eventu, v.g. Sibi aliquid boni vel mali even- " turum; ut si manè egrediens pedem offendat, " ideoque domum regrediatur, timens aliquid " infausti. 4. Dies aliquos habere tanquam faustos, " alios verò infaustos, ideoque negotium omittere, " v.g. Die Veneris nolle ungues præscindere. 5. " Feminarum carminaticum benedictiones & " preces ad morbum depellendum adhibere. 6. " Projicere statuam alicujus Sancti in flumen, " ut pluat. 7. Si putentur Missæ non prodesse " Defunctis, nisi legantur septem, cum septem " certi coloris candelis, & septem eleemosynis. " 8. Si unguento armario, quo gladius inungitur, " absens curetur. 9. Si certo Festo v.g. S. Joannis,

„ certa orientur, vel festo S. Matthiæ hederæ folia
 „ aquis imponantur, ut cognoscatur, cui debeant
 „ nubere. 10. Si quibusdam precibus, imaginibus,
 „ aut characteribus, aut crucibus tribuatur vis
 „ certa & infallibilis, v.g. evadendi ab hoste, expel-
 „ lendi morbos, non moriendi sine prævia Con-
 „ fessione, non incidendi in infortunium. &c.
 „ Aliud tamen est, ea per orationes petere ac spe-
 „ rare, Delr. l.3. p.2. q.4 secl. 7. Suar. c. 15. Leß. d. 10. n. 63.
 „ Sanch. n. 34. & 37. Fill. n. 150.

„ II. Superstitiosum non est, 1. Observare Lunam
 „ aut tempora aptiora colligendis herbis, (v.g.
 „ die S. Joannis Baptizæ) purgandis corporibus,
 „ cædendis arboribus, &c. 2. Verba Sacra Scriptu-
 „ ræ, vel reliquias gestare ad Dei tantum honorem
 „ & sine dictis vanitatibus. 3. Circa templum
 „ alicujus certi Sancti ter jumentum circumducere,
 „ die alicujus certi Sancti equis venam secare &c.
 „ Si scilicet hæc fiant, ut major devotio excitetur,
 „ & effectus Sanctorum meritis adscribatur. Aliud
 „ tamen esset, si putarentur tales circumstantiæ
 „ infallibiles, aut planè necessariæ, aut per se effi-
 „ caces, v. Navar. in Man. cap. ii. Addit Lay. ex Cajet.
 „ Si homines rudes bonâ fide & ex devotione
 „ aliquem ritum ab Ecclesia non receptum obser-
 „ vent, aliquando in sua simplicitate relinquendos, stiti-
 „ cùm difficulter abducantur ab eo, quod bonâ fide effec-
 „ à suis Majoribus acceperunt. 4. Nec damnandæ Præ-
 „ quædam devotiones, quas vocant Novendiales, qua-
 „ (v.g. novem, vel ad exemplum S. Gregorii, figu-
 „ triginta, vel alium certum numerum Sacrorum aliq.
 „ celebrare, cum certo numero, & magnitudine nec
 „ candelarum, & similia) si fiant in memoriam appi-
 „ alicujus mysterii, v.g. novem mensum, quibus non
 „ Christus fuit in utero, vel quinque vulnerum &c. tur.

Esset

Esset tamen superstitionis, credere, eas preces
non prodesse in majore vel minore numero.
5. Multi excusant etiam eos, qui sanant morsus
à rabido cane, quod putent illos ad hoc habere
gratiam gratis datam, & sic tenet *Navar. l.c.*
v. Sanch. Laym. Bon. ll.cc.

III. Non est illicitum uti virtute rei naturalis,
quae per superstitionem cognita est, modò ejus
observatio aut operatio non pendeat ab ope
dæmonis. Ratio est, quia licet illa cognitio malè
parta sit, peccatum tamen transiit; neque virtus
naturalis ex eo quidquam mali contraxit,
v. Sanch. l.2. Moral. c. 38. Bon. q. 5. p. 4. Lay. l.4. T. 10. c. 4.

A D D E N D A.

Q. 5. Quas præterea regulas tradant *Auctores* 28
pro dignoscenda vana observantia. R. §. 1. *Sanch.*
Castrop. Tamb. Gob. & alii tradunt sequentes: 1.
Quando rei vis tribuitur ad effectum, quam vim
nec à natura sua, nec à Dei vel Ecclesiæ institu-
tione habet, semper est superstitionis, quia effectum
exspectas, non à natura, nec à Deo, ergo à dæmons,
cùm sperari non possit, quod casu sit eventurus. 2.
Si res sacræ adhibeantur ad effectus vanos &
inutiles, aut si signa, aut res vanæ adhibeantur
ad effectum qualecumque obtainendum, est super-
stitionis, quia Deus non immiscet se rebus vanis, ergo
fide effectus non potest exspectari nisi à dæmons. 3.
Præsumitur dæmonis invocatio saltem tacita,
quando adsunt, vel verba non significativa, vel
figuræ inutiles, vel falsitas, v. g. in conditione
aliqua, vel promissio effectus infallibilis, quia
nec DEUS se immiscet vanis, nec infallibiliter
appromisit tales effectus, ergo cùm à natura
ibus non sint, si tum exspectentur à dæmons exspectan-
tur. 4. Quando dubitatur, an effectus sit
à vī

à vi occulta naturali, an à dæmone, potius judicandum est esse à natura, adeoque non esse superstitionem, quia plurimæ sunt virtutes in rebus naturalibus nobis incognitæ : itaque in dubio dicendum est id potius esse à natura, cùm miros à natura effectus fieri videamus, quorum rationem reddere non possumus, ergo etiam in tali dubio sumus in possessione Juris ad utendum ejusmodi rebus, donec resciatur non esse à virtute naturali occulta. 5. Si dubitetur, an effectus sit à Deo, an à dæmone, præsumendum est esse à dæmone, quia cùm res, quæ adhibetur, non sit naturalis causa illius, erit tantum signum, ad cuius positionem vel Deus vel dæmon effectum ponet; de Deo autem talia operante nescim⁹, nisi in Sacramentis & sacramentalibus, estque temerarium dicere tum semper fieri miracula, ergo moraliter certò præsumitur esse à dæmone. 6. Quando ab aliquo homine aliquid mirum efficitur, potius censeri debet fieri naturaliter, quam magicè, quia nemo præsumitur malus, nisi probetur ; quandóque etiam maximè sanctitas operantis vel alia urgentissima industria suadent aliquid fieri supernaturaliter & per miraculum, Deo per Sanctos suos operante. 7. Si aliqua videantur bona, aliqua autem admisceantur redolentia superstitionem, poteris usurpare cum spe eventis, si removeas superstitionis, v.g. Sanitas spondetur puerō, si B. Virgini offeratur candela præcisè & quæ ponderosa, quam est puer, si tu offeras magis aut minus ponderosam, & speres sanitatem, rectè agis.

29 §. 2. Ex datis regulis colligitur, sequentia esse superstitionis. 1. Facere ligaturam rei alicujus, ne vaccis laceret. 2. Certo credere se non moriturum ex vulnera, si Feste S. Stephani in pane & aqua jeju-

jejunet, riteque confessus communicet. 3. Festo Paschatis vel alio solenni die abstinere à carnibus, credendo se per hoc infallibiliter liberandum à febri aut alio malo. 4. Nolle adire convivium, in quo sunt tredecim, eò quod unus certò credatur brevi moriturus, uti è convivis tredecim in ultima Cœna unus mortuus est, nempe Christus aut Judas. 5. Pondere aliquo ad funem suspenso inter pollicem & indicem explorare, quota sit hora, toties enim dicitur pulsus dari ad latus vasis: esse autem superstitiosum evicit Lugo suâ experientiâ, uti refert Tamb. I. 2. c. 6. §. 1. n. 39. confirmatque n. 79. ex Baldel. & Delr. Sporer quoque T. I. c. 5. n. 22. fatetur se sæpius usum bonâ fide, sed auditâ experientiâ Lugonis damnat, & addit, *Aliis ergo, G maximè illis, quibus, ut idem experientur, imprudens auctor sui, jam pœnitens dissuadeo.* Dicunt aliqui hoc esse à pulsu arteriæ, sed contrà est, nam pulsus arteriæ est constans & naturalis, numeratio autem horarum, v. g. primæ, est arbitraria, posset enim numerari ab ortu vel occasu Solis, & per accidens est, quod apud nos numeretur à tempore, quo Sol post horam transit Meridianum, ergo cum arteria esset pulsatura eodem modo, licet homines vellent, ut prima aliter numeraretur, non potest esse ab arteria, quod nunc sonet prima. Deinde non potest ostendi, cur arteria, quando est prima, det potius unum, quam duos aut tres pulsus, semper enim æqualiter movetur per impulsum sanguinis. Alii dicunt provenire à speciebus phantasiarum, quæ moveat sanguinem, & id evenisse Lugoni, qui tum tenebat Italiam per diem & noctem, hinc etiam fieri tantum in sanguineis calido-humidis: talem autem esse vim phantasiarum docent Medici, nam si tangant arteriam Titii

&

& proferant nomina Cæji & Sempronii, dognoscere possunt, quem eorum magis amet vel oderit. *Contra est*, unde sunt illæ species? An infusæ an acquisitæ? & per quos actus? Deinde si sit hora secunda & ipse æ qualiter nesciat, sítne prima secunda an tertia, uti fieri potest saltem noctu expergiscienti, cur species phantasiæ movebunt sanguinem ad duos præcisè pulsus? Item, cùm species phantasiæ sint mortuæ, non possunt movere phantasiam, nisi causando actum phantasiæ, de hoc actu quæro, quid pro objecto habeat; non certum numerum horarum, nam ignoratur, & vult horam explorare; nec aliquid aliud, quia nihil aliud erit connexum cum tot præcisè pulsibus. Præterea, pone quod planè imaginetur sibi, esse tertiam, quando est prima, si arteria pulset ter, tua experientia fallit; si pulset semel, non est ex vi phantasiæ; unde ergo? Denique sequitur, quod non explorem, quæ sit hora in tempore, sed quam horam mihi imaginer, id autem non est opus explorare pulsu annuli, sed hoc certius sciam reflectendo me supra meam phantasiam, ergo tuum experimentum est planè inutile & vanum.

6. Nolle die Lunæ aliquid dare mutuò, quia credit non ita facile reddendum: item nolle die Martis iter incipere, ne in milites incidat: item nolle nere die Sabbathi. 7. Subito reddere vires vel sanitatem insufflatis quibusdam verbis in aurem.

8. Reddere canes mutos insufflatis vel prolatis illis verbis: *in camo & fræno maxillas eorum constringe*: item istis sistere sanguinem, *Liberame de sanguinibus*: item illis, *Verbum caro factum est*, velle reddere partum felicem: item illis, *consummatum est*, sanare luxationes equorum: item illis in aurem insufflatis velle excitare laborantem morbo

morbo caduco, ô Creatura Dei memento Creatoris tui. 9. Si quis oret certas preces, ut Christus, B. Virgo vel Angelus sibi appareat in morte, omnino certò putans eos apparituros. 10. Certas preces orare, vel schedulas circumferre, cum certa fiducia, se ideo non moriturum subito vel sine confessione. 11. Folium trifolii gestare ad felicitatem conciliandam. 12. Ægrotantis lecto supponere certas herbas, ne desperet in agone. 13. Schedas profanas infra limen stabuli deponere, ut pecora transeuntia omne malum evitent. 14. Putare domum muniri contra fulmen, si die palmarum ramus palmæ ter circumferatur, & extra domum relinquatur. 15. Credere gallinas fore liberas ab Accipitre, si primum, quod ponunt, ovum detur Pauperi. 16. Conservare ova die Veneris Sancto posita ad restinguendum incendium. 17. Fricare dentes vel oculos sub elevatione, ut dolor dentium vel oculorum depellatur. 18. Aliquid infaustum metuere, si videantur duo Sacerdotes simul elevantes Hostiam in Missa. 19. Si avis mœstum canat, corvus crœcit, lepus prætercurrat, credere prænunciari aiicui mortem vel infortunium. 20. Pueros aut chartulas nomine Puerorum inscriptas mittere per fissuram arboris, ut sanentur à ruptura, ut S. Thom. & alii cum Burgh. cent. 1. cas. 46. habent. 21. Ungere gladium adhuc calentem sanguine vulnerati, ut in distans sanetur, cum communi Burgh. cent. 3. cas. 29. 22. Ex nomine in Baptismo imposito conjicere, an aliquis sit probus vel improbus. 23. Dum tonat, volutare se in terra, ut dolor tergoris cesseat. 24. Cingulo metiri ægrotum, ad dignoscendum, à quo sit sanandus. 25. Filo metiri corpus ægroti, illudque postea secare ad sanandum morbum. 26. Securi dividere stramen,

stramen ; ut tumores manuum sanentur. 27. Ferrum, quo cæsus es, infigere larido porcino, ut tu saneris. 28. Ligare arborem aut rem aliam loco vulneris sanandi. 29. Summo manè scopis tangere olera, ut sint secura ab erucis. 30. Mandibulam lavare manus , credendo tum sagas nocere non posse. 31. Ferrum catenæ, ex qua pependit patibularius , aut manum suspensi adhibere ad miros effectus. 32. Certam schedam affigere januæ, ut ad eam cogatur venire fur. 33. Si plures veniant in suspicionem delicti, comedere salem & panem, ut is, qui nocens est, malè habere incipiat & sic prodatur. 34. Si adsit mulier, de qua suspicieris, quod sit saga, invertere scopas, ut si saga est, abiure non possit, nisi gressu averso seu cancrino. 35. Ad pellendos morbos uti annulo confecto ex oblatis Crucifixo die Veneris sancto. 36. Globos transmittere per certum annulum certo die & horâ fabricatum, ut quandocunque explodes, tangas, quod intendis. 37. Credere lac statim coagulandum in butyrum, si in illud immittatur ferriferrea necdum adhibita ad usum. 38. Lignum è feretro, in quo jacuit mulier mortua, appendere collo pecudum, ne ægrotent vel ut sanentur. 39. Credere se peccatum, si extremâ Unctione semel acceptâ ambulet nudis pedibus. 40. Cingulo prægnantis mulieris pulsare campanam, ut habeat felicem partum. 41. Si gallina instar galli cantet, credere malum imminere. 42. In lusu mutare situm corporis, aut complicare pedes, ad evitandum infortunium. 43. In nocte S. Joannis orare, ut in somno appareat ille, cui nubere debeat : item credere se non dueturum uxorem eo anno, quo coram se ignis fuit coopertus cineribus : atque de similibus superstitionibus circa Sponsos & Sponsas multa

multa habet Gob. Tr. II. à n. 1010. 44. Adjurare
creaturas irrationales, modo in Ecclesia insolito,
ne incipient aut pergent nocere ; item animalia
noxia citare ad judicium, vel excommunicare :
aliud est , si fiat modo ab Ecclesia præscripto,
tum enim nubes & tempestates non adjurantur
directè, sed vel Deus deprecativè, ut malum aver-
tat, vel dæmon imperativè, ne noceat. 45. Gestare
lapidem fulmineum, super quo tria Sacra sint
lecta, ut quis sit fortis. 46. Tres virgas salicis
ducere per os, deinde eas suspendere in camino, ut
postquam fuerint arefactæ, definat graveolentia
halitus. 47. Vertere se ad Lunam crescentem, &
ſtrumâ manu apprehensâ dicere , *Quod video,*
crescat, quod tango detumescat. 48. Credere me mori-
turum ideo, quia aliis me innocentem ad Judi-
cium divinum citavit : Si tamen citatus es, quia
eras nocens, meritò times, quia *Drexelius* in suo
Tribunali L. 2. c. 3. affert 24. ejusmodi citationes,
quæ effectum haberunt : an autem liceat ita cita-
re, dicemus L. 4. n. 1530. 49. Ponere certam spem
in deferendis certis nominibus ; quæ, ut licetè
circumferantur, habere debent has conditiones,
ut sint nota & sancta, ut habeant characteres notos
& sanctos, ut contineant vera ac pia, ut nulla ponan-
tur spes in loco, tempore, numero scribendi,
nec in modo deferendi vel allegandi ea, ita *Alloza*
V. Supersticio. S. 2. n. 24. 50. Credere, quod imagines
astrologicæ & characteres aliæque figuræ artifi-
ciales, quæ sunt factæ sub tali constellatione vel
signo, ratione sui artificii vel imaginis habeant
vim ad hunc vel illum effectum, *S. Thom. & Sanch.*
L. 2. c. 40. n. 50. cum aliis multis, contra quosdam,
qui conantur defendere. Qui plura volet exempla
superstitutionum hoc tempore usitatarum, consulat

C

Gobat,

Gobat, qui per 30. paginas, præcipue à n. 923. sexcentas ejusmodi nugas affert.

30. §. 3. Multa secundum diversos Authores
damnantur vel excusantur à superstitione, v.g. 1.
Leander negat, alii probabilius affirmant esse
superstitionem, si quis ex aura, quæ est certo die,
v.g. Festo *S. Urbani* vel conversionis *S. Pauli*, velit
prædicere, qualis sit futura per annum. Audi
S. Chrysost. Hom. adversus eos, qui observant novi-
lunia; Non audis *Apostolum* dicentem, dies observatis
et menses et tempora et annos? metuo vobis,
ne frustra in vobis laboraverim: nempe extrema hoc
mentia est, propter unum diem, si auspicatus fuerit,
per universum hoc exspectare annum &c. 2. *Rayn.*
apu *Gob.* n. 960. arguit superstitionis eos, qui
statuunt Patronum suum menstruum honorare
jejunio, licet Festum illius in Dominicam incidat;
item eos, qui omnes suas satisfactiones donant
Defunctis, cum ipsi maximè indigeant, sibique
applicare deberent: Sed alii meritò contradicunt,
nam quoad priorem partem, rectè docent *Sanct.*
& *Tamb.* per se loquendo, nullum esse peccatum
die Dominico jejunare: quoad alteram, vide dicta
L. 2. n. 179. 3. Gob. n. 961. non omnino damnat certæ
superstitutionis eos, qui putant sanguine vulnerati
misto cum quodam pulvere sympatico sanari
posse recens vulnus hominis ad trecentos passus
distantis, quia fortè verum est, quod aliquæ qual-
itates diffundantur per medium, uti cadavera
odorem mittunt per multa millaria, teste *S. Thom.*
multisque Philosophis: Sed rem illam reliqui
communiter damnant, videtur enim incredibile,
quod qualitates talis pulveris possint ita longè
per muros & media corpora interjecta undeque
diffundi; quod si dicant agere in distans,
ad huc

adhuc minus probabilitas habet. 4. Quidam 33 suspectum habent, sed Gob. n. 1014. absolvit à superstitione eum, qui gestat nummum benedictum & insignitum figurâ S. Georgii, cum fiducia, se non casum ex equo, vel si cadat, casum fore innoxium, non appetet enim, cur superstitionis sit, si quis non appromittat sibi infallibiliter talem effectum, sed speret per merita & intercessionem S. Georgii Equitis. 5. Aliqui absolutè 34 damnant, aliqui autem absolutè excusant à superstitione eos, qui putant se habere vim aut gratiam sanandi certos morbos, vel qui ad tales accedunt sanitatis causâ, uti refert Sanch. n. 45: Dian. autem p. II. T. 4. R. 42. citans Delr. & alios sic habet: *Non videtur superstitionis, quod in Belgio omnes nati die Veneris sancto putentur suo contactu sanare à febribus, aut quod septimus masculus ex legitimo Matrimonio natus nullâ fæmineâ prole intermediâ sanare posse strumosos.* Sanch. verò & Gob. nec universaliter improbant, quia DD. graves approbant, & Ecclesia id permittit, potestque Deus certis familiis certas ejusmodi gratias gratis datas tribuere; imò etiam potest certis hominibus certa virtus naturalis convenire ad morbos ejusmodi sanandos, uti ex Plinio ostendit Azer, attamen etiam universaliter non est approbandū, nam in primis putat Delr. hanc gratiam solis Catholicis concedi à Deo; deinde non est credibile tam multis hominibus impiis concedi, quot se habere jactant: unde ab Ordinario priùs rigide examinandi sunt, & repellendi, si vana vel parum honesta admisceant. Videri potest Sanch. suprà, ubi optimè & fusè de ea virtute discurrit, affertque signa dignoscendi, qualis sit.

§. 4. Quod attinet ad virgam, quam vocant 35

C 2 divinatoriam,

divinæ coriam , Sacra Congregatio generalium Inquisitorum de Mandato Clementis XI. post exactum examen Theologorum, die 26. Oct. 1701. damnavit & prohibuit librum , cui titulus, *La Physique occulte ou traitè de la baquette divinatoire* : usum tamen talis virgæ pro inventiendis metallis & fontibus approbârunt vel ausi non sunt improbare Majolus, Peucer, Fludd, Libavius, Willemius, Fromman, Dechales, Hirnhaim, Saint Romain, Royer; è contrâ eum usum damnant Agricola, Paracelsus, Roberti, Stengelius, Fœrerus, Cæsius, Fabri, Kircherus, Aldrovandus, Schottus, Conradus, Sperling, Menestrier, Natalis Alexander, Commentator Liter. Tolly, Auctor libri sub titulo, *Histoire critique des pratiques superstitieuses*, qui p.2. c.3. ad discernendum, sitne effectus naturalis an non, ponit hanc regulam, *Tum est causa naturalis, si in eisdem circumstantiis Physicis semper agat eodem modo* : è contrâ, tum non est naturalis, *si in eisdem circumstantiis Physicis non semper agat eodem modo*, sed requirat, v.g. ut à certis personis applicetur, ut cum certa intentione, sub recitatione certorum verborum , cum circumstantiis aliquibus purè moralibus, quæ modum agendi physicum immutare non possunt. Ex illa regula infert c. 4. per virgam non posse detegi limites agrorum, nec latrones vel homicidas, nec res perditas vel furto sublatas , quia quod hic vel ille lapis sit limes agri , pendet à circumstantia morali hominum ponentium ex illa intentione, virga autem coryli vel quæcunque alia non attingit moralia : Similiter quod hic homo sit latro vel homicida, aut quod haec pecunia sit perdata aut furtiva , est circumstantia moralis , quâ non immutatur vis aut modus naturalis agendi, quem

quem habet virga. Similiter c. 5. infert non esse effectum naturalem, si virga detegat fontem vel metalla, 1. Quia virga flectitur, ubi illa non sunt; & non flectitur, ubi illa sunt, uti experientia certum est, causa autem naturalis semper eodem modo agit in eisdem circumstantiis: 2. Virga ad nimis multa flectitur, quae planè diversas habent naturas & exhalationes: 3. Cur non æquè flectitur ad detectas aquas & metalla? 4. Non flectitur ad aquas & metalla, si intentio sit inquirendi aliquid aliud, hæc autem est circumstantia moralis tantum, nec per intentiones nostras potest variari effectus naturalis. 5. Vis exhalationū non est tanta, ut posset flectere virgam, multò minùs frangere, quando fortè manu attinetur. 6. Non deberet torqueri in manu, seu verti, sed purè flecteretur versus locum, uti non vertitur ferrum per magnetem, sed purè trahitur, vel rectè accedit. 7. Apud aliquos torquetur ad ferrum, si in acie virgæ ponatur ferrum, apud alios per hoc non impeditur ejus virtus, ergo ob diversitatem moralē personarum agit difformiter, ergo non est causa naturalis. Idem Auctor probat c. 7. dæmonem sæpe agere, quamvis nullum cum eo pactum intercedat, ut sic decipiat & in peccata paulatim inducat. Denique p. 3. c. 4. circa clavem S. Huberti & similia dicit expedire, ut non sit ejus usus. Addit in talibus sæpe committi superstitionem, quia exigitur miraculum per signa, quæ aliquando miracula patrârunt, sed non habent à Deo promissionem futuri semper miraculi: è contrâ, illa circa Reliquias & Novenam S. Huberti nil continere superstitionis, post audita judicia Theologorum & Medicorum Lovaniensium, declaravit 4. Octob. 1690. Joannes Ludovicus Ep. Leod.

§. 5. In dubio, an aliquid sit superstitiosum, putant *Tamb. Gob.* & alii non peccari mortaliter, si quis semel aut iterum operetur, non exspectans certò effectum, sed veluti experturus. Addit *Tamb.* extrinsecè saltem probabile esse, quòd in tali dubio, si adsit gravis necessitas, v.g. ob recuperandam sanitatem, quæ aliter restitui non potest, possis sinè ullo peccato adhibere tale medium, factâ priùs protestatione, quòd nolis in ullum pactum cum dæmone consentire : *Allozq; n. 5.* citans alios sic habet, *Licet potest quis experiri, an in aliqua observantia sit pactum cum dæmone, protestando se nolle talen effectum, si à dæmone est: tum enim magna necessitas, inquit Gobat, facit tibi jus ad exponendum te dubio periculo superstitionis.* Sed non obstante horum sententiâ, res illa plena est periculi, adeoque vitanda ; unde quod *Sanch. n. 25. ait, si quis non seriò, sed joci causâ, & ad experiendum effectum causâ curiositatis semel utatur vanâ observantiâ, hoc fore tantum veniale, quamvis non ausim dicere esse improbabile, cùm etiam Tancredi, Tamb. Arsd.* & alii dicant fore tantum veniale, licet fiat semel aut iterum, est tamen prorsus dissuadendum, & circa hoc idem videtur dicendum esse quod n. 11. est dictum. Denique *Tann. & Stoq. L. I. p. 3. n. 428.* sapienter monent, sàpe melius esse ad tempus permittere superstitiones simplicium hominum, quàm admonere, si prævideantur jam non abstenturi, nam admonendo fiet, ut sublatâ invincibili ignorantia peccent mortaliter aut saltem gravius, cùm antea vel bonâ fide vel saltem cum minore remorsu operantes, vel non peccarent, vel peccarent levius : postmodum tamen datâ occasione paulatim erunt disponendi & ab ejusmodi rebus abducendi.

Q. 6.

Q. 6. Si mulier sit suspecta, an licitum sit 37
 per submersionem in aquam explorare, an sit saga:
 dicuntur enim sagæ habere ex pacto cum dæmo-
 ne, ut licet immersantur, tamen non demergan-
 tur, sed supernarent. R. Non est hoc permittendum
 Magistratui, quia est aliquid insolens & non
 secundum Præscriptum Legum: Si tamen fiat,
Leß. in Auct. V. *Magia* c. 1. putat secluso scandalio
 non fore mortale, quia mea immersio nullum
 habet annexum pactum cum dæmonie, sed pactum
 quod est inter dæmonem & sagam, respicit tantum
 supernationem sagæ, quæ sequitur post meam
 immersionem, ego autem tantum volo per actionem
 de se indifferentem deprehendere, an mulier
 habeat illud pactum; sicuti, inquit *Leß.* c. 3. si sagæ
 haberet pactum cum dæmonie, ut quamvis punge-
 retur aciculis, tamen non sentiret dolorem, posset
 etiam Magistratus experiri, an ita esset, ob ratio-
 nem jam datam: addit tamen ex ejusmodi indicio
 non licere procedere, nequidem ad torturam,
 præsertim gravem, sed tantum esse signum proba-
 bile, quod multis aliis junctum posset æquivale-re
 semi-plenæ probationi.

Auctores alii communiter cum *Binsf.* & *Delr.* 38
L. 4. c. 4. q. 4. & 5. damnant ejusmodi actiones, I.
 Quia alias etiam liceret per ferrum candens vel
 prunas ardentes explorare, an aliqua esset adul-
 teria. 2. Quia non licet cooperari actioni magicæ,
 uti dictum est *L. 2. n. 271.* nec communicare
 cum dæmonie, nec sagam inducere ad illicitum
 usum sui pacti.

Ad has rationes *Respondet Leß.* Ad 1. n. conseq.
 hic enim eset tentatio Dei, quia exspectaretur
 effectus miraculosus, quod non est de immersione
 in aquam. Ad 2. dicit nihil horum fieri,

sed immergentem ista omnia tantum permittere, ut non censor communicare cum hoste, nec concitare cives ad rebellionem, si, ut exparem, an non habeant pactum cum hoste, eurem noctu horâ 12. in mœnibus accendi facem, de quo signo pro me invadendo dicebatur esse conventum inter illos, nec ideo sum causa, nisi tantum permissiva, quod cives viso signo renovent voluntatem rebellandi, sed tantum dedi occasionem per actionem de se licitam.

Quidquid fit de his, sufficit nobis, quod Ecclesia Probat illam graviter prohibuerit, ut fusus ostendit *Delrio*, hinc dicimus eam saltem ideo esse illicitam.

D U B I U M V.

Quid sit maleficium, & quomodo possit tolli.

R eſp. I. Maleficium est vis nocendi aliis ex pacto & cooperatione dæmonis. Differt à Magia, quod hæc intendat facere mira, illud autem dirigatur ad nocendū, *Tol. L. 4. c. 16. Fill. T. 24. c. 8. q. 1.*

R. II. Maleficium aliud dicitur Amatorium seu philtrum, cuius usus est ad carnalem amorem vel odium excitandum, dæmone hominis phantasiam commovente, nihil tamen agente in voluntatem: Unde patet, si maleficio sic infecti labantur, eos verè peccare, quia libertas non aufertur. Aliud dicitur veneficium, quo alicui personæ, vel ejus bonis damnum infertur. *Fill. l. c. n. 183. Azor. Tom. 1. L. 9. c. 26.*

R. III. Contra maleficia uti licet, 1. Remediis petitis ex medicina. 2. Exorcismis & Sacramentis Ecclesiæ, peregrinationibus, invocationibus Sanctorum. &c. 3. Destructione signorum,

per

per quæ dæmon nocet, absque alio tamen maleficio, *Nav.* & *communiter alii.* 4. Si maleficus licito modo potest maleficium tollere, licet eum ad id accersere, rogare, imò etiam pecuniā inducere, vel verberibus aut tormentis cogere, (non tamen interficere, si nolit) *Lugo, Dian. p. 8.* *T.7.R.53,* idque etiam si constet eum id facturum per novum maleficium: sicuti ex causa licet ab usurario petere mutuum ad usuram. Ratio, quia cùm habeam jūs petendi, quod ab illo rectè præstari potest, & est indifferens, imputabitur illius malitiæ, si id malè faciat, *v. Sanch. Lib. 7.* *de mat. d. 95. n. 11. Fill. n. 192. Leß. Lib. 2. c. 44. d. 6.* contra *Delrio.* 5. Licet etiam contrarium signum positivum apponere, ex se tamen honestum, v.g. Si dæmon esset pactus cum malefico, se tamdiu nocitum, quamdiu maleficiatus se cruce non signaret, aut lavaret corpus, (nam plerumque fit cum tali aliqua conditione, v.g. ut tamdiu duret, quamdiu manet aliqua ligatura, aut res aliqua certo loco defossa) licebit illi se signare, lavare, &c. *Suar. Leß. n. 45.* Ratio est, quia non est intentio positivè recuperandi sanitatem eo medio, sed tantum tollendi signum, & dissolendi pactum cum dæmone. Unde ulteriùs patet, licere repercutere sagam, quæ te tetigit, eâ enim repercuſsâ solet noxa cesare, ut habet *Leß. loc. cit. & Sanch. d. 95. & 96.* 6. Si maleficus non potest tollere maleficium, nisi per novum, non licet eum ad id inducere, quia id esset inducere ad peccatum, & actui intrinsecè malo cooperari, *Suar. Sanch. Leß. &c. ll. cc.* 7. Si dubitetur, an possit finē maleficio novo tollere, non licet ab eo petere, ut habet *Lay. L. 4. Tr. 10. c. 4.* *n. 5. ex Sanch. & Suar.* quia est periculum peccandi.

“ Facilius autem præsumi potest, eum, qui signa
 “ posuit, posse ea sine novo maleficio destruere,
 “ quam eum, qui non posuit: unde si hic suam ope-
 “ ram offerat, prius erit examinandus de modo
 “ solvendi, v. Læym. h. c. Bon. d. 3. q. 5. p. 5.

“ Quæres: Quomodo Confessario agendum
 “ cum Divinotoribus, Magis, &c.

“ Resp. 1. Examinandi sunt, præterquam
 “ de variis superstitionibus, 1. Quo fine tali super-
 “ stitioni se addixerint, v.g. An ratione vehementi
 “ passionis, tristitia, vindictæ, avaritiæ, aut sancti-
 “ tatis nomen conciliandi, quæ esset sacrilega
 “ hypocrisis. 2. De apostasia, idololatria, & hæresi
 “ abnegant enim Christum & Deum, renunciant
 “ Sacramentis, habent dæmonem pro Deo vel
 “ Sancto, nec damnatum putant aut miserum, &
 “ consequenter illius assecias non esse damnandos
 “ 3. De blasphemias in Deum & Sanctos; de sacri-
 “ legiis; abutuntur enim rebus sacris, ut aqua
 “ benedictâ, Eucharistiâ, &c. 4. De luxuria
 “ commixtione cum dæmone. 5. De damni
 “ Proximo illatis, Suar. Sanch. Fil. c. 7^o n. 180
 “ Bonac. loc. cit.

“ Resp. 2. Monendi sunt, eos teneri, 1. Pactum tantum
 “ expressum, si quod habent cum dæmone, au- esti
 “ commercium, abjurare & dissolvere. 2. San-
 “ Libros suos, schedas, ligaturas, aliisque instru- peccati
 “ menta artis comburere. 3. Comburere chiro- cùm
 “ graphum, si habent: Si vero solus dæmon id sene-
 “ haheat, non necessariò cogendus est, ut reddat ret,
 “ quia pactum sufficienter dissolvitur per pœni- pultu
 “ tentiam. 4. Damna illata resarcire: ad quod licet
 “ proinde etiam tenetur Fiscus, (ubi veneficorum pilo-
 “ bona confiscantur) uti & hæredes, si ad eos bona apud
 “ dev. ficiuntur.

signa deveniant, Laym. l. c. Suar. Tom. 1. de rel. L. s. c. 17. cc
uerere Sanch. L. 2. Mor. c. 40. n. 53. Fill. &c.

ope- Resp. 3. à Parochis moneri, & à Confessariis
nodo examinari circa hoc Præceptum potissimum
dum debent, 1. Opiliones, qui variis dediti esse solent
quam observationibus, ut gregem suum à lupis, vel
scabie, vel aliis incommodis tueantur. 2. Fabri
super ferrarii, qui circa equos sanandos utuntur verbis,
menti desumptis. 3. Rustici, qui ad sananda pecora,
erit inanibus & superstitionis observationibus utun-
tur, vel recurrent ad peritos talium artium. 4. ee
relixi, Vetulæ, quæ circa mulieres laborantes in partu,
ciant vel ex matrice, vanas & superstitiones adhibent
o vel orationes. 5. Milites, qui deferunt secum
m, & sacra nomina, vel orationes, ad certitudinem,
ndos quod in bello vel duello non sint vulnerandi,
sacrif. nunquam aquâ, igne vel subitâ morte perituri.
aqua
curia
amni
180

A D D E N D A.

Quæst. 7. Quomodo liceat tollere maleficium.

R. Si fiat per aliquid de se non malum, quod
etum tantum impediat continuationem pacti, licitum
aut est illud directè ponere, uti habet Busenb. post Suar.
2. Sanch. Leß. Caſtrop. T. 17. d. 1. p. 11. Hinc non ideo
instru peccavit rusticus apud Tamb. L. 2. c. 6. §. 2. n. 12. qui
hiro cùm audisset dæmonem pactum fecisse cum avaro
ion id sene, ut nemo thesaurum terrâ defossum inveni-
eddat ret, nisi qui supra locum pultem comederet, ibi
oceni pultem comedit & thesaurum invénit: Similiter
quod licitum est Judicibus lavare maleficos & illorum
orumpilos abradere, quando torquendi sunt, si timeant,
bona apud illatos remanere aut in pilis occultari male-
devficium, quo reddantur insensibiles ad tormenta:
ratio

44

ratio est, quia per talia tantum tollitur dæmon hoc causa operandi. Notat tamen cum aliis *Sylvi.* p. de n. v. *maleficium*, superstitionem esse reiterare Con tractum Matrimonii ad tollendum maleficium quo impeditur copula, quia talis renovat nec à Deo, nec à natura habet vim ad tollendum ejusmodi maleficium. Similiter si dæmon declaret se non recessurum ab obpresso, nisi hoc v illud fieret, non esset licitum tale quid face quasi obsequendo ejus consiliis aut dictis, es tamen licitum destruere omnia signa ab eo positi quibus permanentibus dixisset se permanensurum hoc enim fieret in detestationem & destructionem omnis operis diabolici.

Quæst. 8. *An sit licitum uti effectu maleficii.*

43 Si sit alteri nocivus, patet non licere, quia fieri injuria: deinde quamvis non sit nocivus, si tam debeat conservari à dæmoni, qualis esset scientia quâ quis doctè respondet, assistente & suggerente dæmoni, adhuc non hicebit uti, quia continuare pactum: Si tamen effectus semel positus posuit independens à commercio dæmonis, uti est vera pecunia à dæmoni tibi data, poteris illam licet peccaveris admittendo, tamen si te hujus pœnituerit, rescidiisti pactum, nec per se malum est uti pecuniâ, *Suar. Sanch. Bonac.* aliquique mulier cum *Castrrop.* suprà, qui etiam notant, quam dæmon sèpe surripiat uni pecunias, & det alterius quamdiu tamen tibi hoc non constat, potes ut credendo attulisse v. g. ex fundo maris vel ex thesauro perduto vel aliunde, nullâ cuiquam factâ injuriâ.

Q. 9. *Si Medicus sciatur esse Magus, an sit licitum petere vel admittere curationem ab illo.* R. Si nesciat aut dubium sit, an sciat medium licitum sanandum da ho

hinc hoc malum, sententia communis est cum *Sanch.*
de mat. L. 7. d. 95. n. 13. & *Leß.* L. 2. c. 44. n. 46. non licere
petere vel admittere : Si autem sciat medium
licitum sanandi, *Suar.* de superstitione. L. 2. c. 18. n. 10.
Sanch. n. 12. *Leß.* suprà absolute affirmant licere
ex justa causa, quia petitur hoc, quod ipse potest
facere licto modo, quod autem faciat modo illi-
cito, imputatur ejus malitia ; idem videtur tenere
Busenb. relatus n. 41 : Fatentur tamen Auctores illi,
fore obligationem ex charitate monendi ,
ut medio licto utatur. Econtra *Cajet.* *Delr.* *Wigg.*
& alii absolute negant id licere, non ex eo, quasi sit
formalis cooperatio ad peccatum Magi, nam ab eo
excusat justa causa , ut quando petis mutuum
ab usurario vel juramentum a peteraturo ; sed
ratio, cur non liceat, ab illis datur hæc, quia sic
petens vel admittens peteret vel admitteret, aut
saltē se exponeret periculo habendi commer-
cium cum dæmone, & ab illo admittendi benefi-
cium, dæmon enim saltē mediata per Magum
applicabit medicamentum, ergo tu illud admit-
teris & eo utens communicas, & admittis a dæmo-
ne beneficium. *Conf.* nam *Sanch.* fatetur non licere,
si advertatur medium esse vanum aut supersti-
tiosum , sed quando prævidetur sanaturus
per artem magicam, satis advertitur medium fore
vanum aut superstiosum, ergo. Has duas senten-
tias fusè proponit *Bosco* de Sacr. d. 1. S. 8. à n. 70.
& non immerito magis inclinat in posteriorem.
Qui autem distinguunt , & dicunt licere petere,
ut ita medeatur alteri, non vero, ut medeatur sibi,
quia per hoc ipse non habebit commercium
cum dæmone, sed tantum alter ; hi facile confu-
tantur , nam re ipsa peteres alteri beneficium
a dæmone , & si permittens hoc sibi fieri
habeat

habeat commercium cum dæmone, non potesse licitum ad hoc inducere alterum. Si dicimus durum est sic suam vel alterius mortali permittere, cum posses avertere. Respondet S. Chr. Orat. 5. adversis Judæos, si repuleris incantamenta veneficia ac magicas artes, etiam si morbo moriar. Martyr perfectus fueris, eò quod aliis pollicentibus morbi levationem cum impietate, præoptaris morte cum pietate.

C A P U T II.

De Irreligiositate ejusque speciebus.



R R E L I G I O , quæ Religioni opponitur per defectum, vel tendit directe ad irreverentiam Dei, & est Tentatio Dei aut Perjurium; vel tantum tendit ad irreverentiam rerum sacrarum, & est Sacilegium, aut Simonia. De Perjurio, in secundo Præcepto: de reliquis hic.

D U B I U M I.

Quid sit Tentatio Dei.

45 " **R**EFL. Tentatio Dei est dictum vel factum quo quis explorat, num D E U S sit potens sapiens, misericors, aut aliquam aliam perfectionem habeat. S. Th. 2.2.9.97. a.1. Sanch. & Ea est duplex, scilicet vel Formalis, quando expressè dubitans de aliqua Dei perfectione, eam experiri cupit; ut si quis petat miraculum, quod patet Fidem Catholicam esse veram; vel det se præcipitem ex turri, ut experiatur, an Deus sit misericors, eum eripiendo à læsione: vel est implicita & interpretativa, quando qui expresè non intendat D E U M tentan-

id tamen petit vel agit, quod suapte naturā eō
referri videtur; ut si quis se committat periculo,
à quo vel nullo modo, vel vix possit eripi,
nisi miraculosè; vel si media naturalia omittat,
Sperans à solo Deo effectum, v.g. in morbo peri-
culoso respuens medicinam, peténsque ac sperans
à Deo temerè sanitatem, *Nav. Man. c. ii. n. 40. & 41.*
Leß. L. 2. c. 45. n. 4. Item si sinè necessitate & causa,
rudis absque præparatione velit concionari,
Sperans à Deo sibi suggestos conceptus, *Suar.*
Sanch. Leß. Laym. L. 4. T. 10. c. 5. Unde resolvēs:

I. Tentatio Dei Formalis est peccatum ex
genere suo mortale, in quacunque etiam materia.
Ratio, quia includit dubitationem de perfectio-
nibus Dei, quæ in gravem Dei contemptum
redundat; vel magnam irreverentiam, curiosius
agendo cum Deo quasi cum ludione, *Leß. l. c.*
Sanch. l. 1. Mor. c. 34. n. 5. Suar. & alii communiter.

II. Interpretativa tentatio, cui dubitatio illa
deest, plerumque est tantūm peccatum veniale,
ob imperfectionem actus, ignorantiam, inconsi-
derationem, vel parvitatem periculi. Imò sæpe
nullum est peccatum, quando scilicet justa causa
subest, v.g. Dei instinctus, necessitas, vel pia uti-
litas, *Suar. Tol. L. 4. c. 19. n. 6. Cajet. S. Th. 2. 2. q. 97.*

III. Si quis in puteum se conjiciat, ad decla-
randam Dei erga se providentiam; aut
supra prunas ambulet, ad innocentiam ostendam,
est interpretativa tentatio Dei. Ut
etiam sunt eæ probationes, quæ fiunt per ferrum
candens, aquam ferventem vel frigidam, &c.
de quibus *v. Binsfeld. & Delr. L. 4. disq. q. 4. & 5.*
Licet enim Deus aliquando tales purgationes
miraculosè comprobaverit, id contigit, vel
quia

“ quia Deo inspirante factæ sunt, vel quia innocentes ad eas compulsi, sunt liberati, Bonac. d. 3. q. 9.
“ Prop. 3.

ADDENDA.

46

Quæst. 10. *An fit tentatio Dei, si petas, ut Deus voluntatem suam manifestet aliquo miraculo.* R. Negat *Valentia*, quamvis admittat esse irreverentiam erga Deum, quia nimium petitur. Ratio ipsius est, quia talis non dubitat de aliqua perfectione Dei, quod ad tentationem Dei requiritur, sed tantum dubitat de objecto voluntatis divinæ. Econtrà affirmat *Castrop.* T. 17. d. 1 p. 1. n. 3. citans pro se S. Thom. & alios, quia vult explorare voluntatem Dei mediis indebitis addit tamen, si causa petendi adsit, & quis humiliter petat signum aliquod divinæ voluntatis, v.g. pro confirmatione suæ Fidei aut pro re periculosa aggredienda, non fore peccatum; tum autem petetur humiliter, inquit *Suar. cum Sanch.* L. 2 c. 34. n. 9. si paratus sit credere aut facere, quod judicabit Deum velle, quamvis signum non concedatur.

47

Q. II. *An fit tentatio Dei, offerre se ad martyrium.* R. Est, si fiat temerè & absque justa causa, ita *Nan. Lop.* aliique cum *Sanch.* n. 15. quod ex S. Thomas si probat n. 1. & 2. quia talis interpretativè & implicitè sumit experimentum de Dei Potentia & Providentia, cum finè necessitate aut utilitate justa ad id cogente exspectet à solo Deo effectum constantiæ & victoriæ inter tormenta ordinariè excendentia vires naturales, queriturque periculum, à quo nullatenus, aut vix liberari potest, nisi à solo Deo. Tum autem tantum est justa causa quando adest præceptum vel consilium *Martyrii*: tum

rum adest Præceptum, quando est necessarium ad Fidem vel salutem multorum servandam, ad vitandas blasphemias, &c. Tum adest consilium, quando sentitur peculiaris Dei instinctus, aut ex eo nil aliud quæritur vel consequitur, nisi Dei gloria & Fidei exaltatio : de cætero finè talis causa provocare Tyrannos, infideles aut hæreticos ad inferendum Martyrium, etiam est cooperari ad peccatum illorum ; uti cum aliis docet S.Thom.2.2.q.124.art.1.ad 3.

D U B I U M II.

Quid ē quotuplex sit Sacrilegium.

Resp. Sacrilegium est violatio rei sacræ, hoc est, dicatæ cultui divino, & peccatum mortale ex genere suo, si opus specialiter repugnet cum rei sanctitate ; non verò, si generaliter tantum repugnet ; quomodo omnia peccata mortalia generaliter repugnant sanctitati, v.g. templi, ita ut ibi cum veniali peccato commitmentur. Est autem Sacrilegium triplex, Personale, quo persona ; Locale, quo locus ; & Reale, quo res aliae violantur, S. Thom. 2.2.q.99.a.3. & ceteri Theologi. Unde resolvēs.

48

I. Personale Sacrilegium est percussio Clericū ; per trāctio ejusdem ad judicium sacerdotiale ; item luxuriosa violatio personæ Deo per votum Castitatis sacratæ, de qua v.inf. T.4.c.2.de 6. Præc. Dub.2.

II. Locale Sacrilegium est omnis actus, quo Ecclesia polluitur, ut est v.g. occisio hominis, effusio humani sanguinis vel semenis ; illicita & notoria sepultura excommunicati, vel

D non

non baptizati : item si actus quidam profani
 fiant in Ecclesia, & repugnantes ejus immuni-
 tati, ut si negotiaciones, illiciti concubitus, &
 spurcites, seditiones, Concilia sacerularia, stabula-
 tiones equorum, incendia, effractiones, spoliation-
 nes. Item, si materia rei sacræ vel Ecclesiæ directe
 ad profanos usus convertatur: Si Reus ex Ecclesia
 velut asylo extrahatur, (nisi tamen sit latro
 publicus, vel nocturnus populator agrorum, vel
 enorme maleficium fiduciâ asyli istic commis-
 rit.) Denique si furto auferantur res Ecclesiæ,
 aut ibi depositæ, Laym. L. 4. Tract. 10. c. 7. Bon. q. 6.
 Si verò res ablata fuerit per accidens tantum
 in Ecclesia, v. g. crumena viri divitis, probabi-
 liter non committi sacrilegium, docet Dian. p. I.
 T. 7. R. 27. ex Fagund. præc. 2. l. 4. c. 4. n. 9. &
 sex aliis, contra Suar. Laym. & alios.

III. Reale sacrilegium est indigna tractatio &
 administratio Sacramentorum ; ut si ministren-
 tur vel suscipiantur cum peccato mortali. Item
 profanatio vasorum & instrumentorum sacro-
 rum, v. g. si quis calice utatur in convivio;
 ornamenta altarium vel Sacerdotum ad usus
 profanos applicet : intellige de iis, quæ conse-
 crari, vel saltem benedici solent, nam
 ad nuptias vel communem usum adhibere tape-
 tes, candelabra, pelvim, imè & manutergium, &
 cætera, quæ mediæ serviunt ministerio sacro-
 non esse peccatum docet Tamb. de expedit. sacrif.
 L. I. c. 2. nisi fiat ex aliquo contemptu saltem
 implicito, ut si semper & indifferenter sic utaris.
 supradictis. Atque idem affirmat de candelis,
 ramis, aqua, incenso, & similibus benedictis,
 quod in modicis istis benedictionibus non aga-
 tur cum tanto rigore ab Ecclesia, ut patet

in pane, ligno, carbonibus &c. benedictis, v. Tamb. cc
 §. 3. Item violatio vel indigna tractatio sacra- cc
 rum imaginum & Reliquiarum. Item abusus cc
 Scripturæ Sacræ, v.g. ad stabiliendas hæreses vel cc
 res turpes. Item raptura bonorum Ecclesiæ, cc
 suppressio piorum legatorum, vel Jurium Eccle- cc
 siæ fraudatio &c. v. Fill. Tr. 24. c. 9. Regin. l. 19. n. 57. cc
Suarez.

IV. Peccatur etiam Sacrilegio, peccato omisi- cc
 onis, v.g. si, quæ ad Sacrificium spectant, ut corpo- cc
 ralia & similia, sint valde immunda, Bon. Tom. I. cc
 de Euchar. disp. 4. q. ult. p. 9. n. 24.

V. In Confessione exprimenda est species & cc
 materia Sacrilegii. Ratio prioris, quia sæpe cc
 diversam malitiam habet; v.g. percussio Sacer- cc
 dotis, & fornicatio cum eodem. Ratio poste- cc
 rioris, quia etiam materia aliquando auget & cc
 addit malitiam, v.g. si sit contra Eucharistiam, cc
 addit secundūm Gordonum, communi violationi cc
 rei sacræ aliud peccatum contra Latriam. Attin- cc
 gere autem nudâ manu calices, patenas, aras, cc
 agnos cereos, &c. chrismate delibuta, non licet cc
 feminis & laicis: Citra contemptum tamen cc
 non est mortale, si vacua sint; & si causa subsit, cc
 nec veniale, *Suar. Tamb. §. 1.* Sinè causa autem, cc
 veniale esse docet *Suar. Kon.* & alii communiter: cc
 licet *Tamb. l.c.* ex *Sa Gr.* contrarium censeat cc
 probabile: uti & si corporalia vel purificatoria cc
 laventur ab iisdem, v. *Tamb. §. 2.* Cetera autem, cc
 quæ Eucharistiam immediatè non contingunt, cc
 nec chrismate unguntur, ut mappas, vestes sacer- cc
 dotales, immediatè contingere omnibus licet, cc
Suar. Laym. Tamb. l.c. ubi ex *Palao, Gr.* idem cc
 concedit de reliquis: sicut etiam, ut easdem cc
 thecis inclusas penes se habeant, vel laici cc

in publicis processionibus gestent. Idem docet
 cum Laym. de pyxide sive ciborio, & lunula
 benedictis , quando sacram Eucharistiam
 nondum continuerunt. Item de Corporalibus,
 pallis & Purificatoriis, quando post sacrum usum
 iota sunt, ex Laym. & Bon. Imò etiam ante lotio-
 nem, Laym. Tamb. l.c.

A D D E N D A.

49 Q. 12. Quandonam præterea censeatur committi
 sacrilegium. R. §. 1. Sacrilegium committitur,
 quamvis ille, cuius res est, consentiat, v.g. Sacrile-
 gium est profanare Ecclesiam, licet impius Papa
 vel Episcopus juberet ; sacrilegium est percutere,
 quamvis consentiat Clericus percussus ; ratio est,
 quia adhuc fit læsio seu injuria rei dicatae Deo
 ad talem actionem invito, ita Castr. T. 17. d. 2. p. 3. §. 1.

50 §. 2. Sacrilegium est vim inferre Ecclesiæ vel
 innocentibus in ea existentibus, etiam si instar arcis
 munita esset ad defensionem innocentium, qui se
 aliter defendere nequeunt : Si tamen esset munita
 ad vim inferendam hostibus, liceret expugnare,
 diruere vel incendere, ita cum aliis Steph. T. 3. d. 3.
 n. 55. addens licitum esse abducere omnia arma &
 tormenta bellica ab ecclesiis, quæ ibi collecta sunt,
 ne videlicet hostis illis utatur.

51 §. 3. Valent. & alii putant committi sacrilegium,
 si quis Ecclesiastico furetur aliquid titulo Eccle-
 siastico acquisitum, v. g. per recitationem Horâ-
 rum in Choro, sed Azor, Suar. & Castrrop. supra
 probabilius negant, quia nullum Jus circa hoc
 invenitur favens magis personis Ecclesiasticis,
 quam Sæcularibus : Si tamen laederentur bona,
 quæ non sunt sub dominio Ecclesiastici, sed
 tantum sunt deputata servitio Ecclesiæ, aut specia-
 liter attributa sustentationi Ministrorum ejus,
 censem

censent *Castrrop.* & *Tamb.* L. 2. c. 6. §. 3. n. 9. fore sacrilegium, non adversus personam, sed rem sacram. Quod si bona tantum remotè sint destinata Ecclesiæ, v. g. per Testamentum, sed neccum possessa, *Busenb.* ex *Suar. Fill. Regin.* resolvit etiam cum *Less. Valent.* & aliis fore sacrilegium, si quis ea rapiat aut violet, sed negant *Castrrop.* & *Tamb.* n. 10., quia talis remota destinatio non videtur sufficere ad faciendum rem esse actu sacram.

§. 4. Defraudare Decimas non est Sacrilegium, 52 sed injustitia & irreligiositas Sacrilegio pejor, in justitia quidem in homines, & irreligiositas in Deum, *Castrrop.* n. 9. & *Tamb.* n. 11. Ratio est, quia homines à Deo Jus habent exigendi Decimas, & solutio Decimiarum est præcepta in recognitio nem supremi dominii Dei, uti dicetur L. 4. n. 1361.

§. 5. Furari Reliquias, etiam devotionis causâ, 53 est Sacrilegium, *Sa. Alloza v. Sacrilegium:* estque peccatum grave vel leve, prout Reliquæ sunt, uti dicetur hic n. 1003.

§. 6. Circumstantia temporis sacri non addit rationem Sacrilegii, v. g. licet quis peccet die festo vel in Quadragesima, non ideo committit Sacrilegium, quia (propriè loquendo) non tempus ipsum, sed res in tempore Deo sacrantur, *Castrrop.* §. 2. n. 11. Esset tamen specialis irreverentia, v. g. erga Passionem Christi, si quis die Veneris sancto haberet ludicram comediam, uti recte *Tamb.* n. 12.

§. 7. Aliqui putant violationem cujuscunque voti, v. g. si quis violet votum dandæ eleemosynæ, 55 esse Sacrilegium, quia res per votum est Deo dicata, ergo qui violat, est sacrilegus : Sed *Suar. Castrrop.* n. 2. & *Tamb.* n. 13. probabiliter negant, quia pecunia, quam vovisti dare pauperi, nondum censetur esse res Deo dicata, sed tantum

est res destinata ad executionem voti , per quod non sit sacra , ergo tantum peccabitur directe contra fidelitatem Deo debitam , non autem contra rem aliquam Deo sacratam, quod ad sacram legium requiritur.

D U B I U M III.

De Simonia.

ARTICULUS I.

Quid sit, & quotuplex.

36 ³⁹ **R** Efp. Simonia est studiosa voluntas emendi
 " aut vendendi pretio temporali aliquid spiri-
 " tuale vel spirituali annexum. D.Th.2.2.q.100.
 " a.1. Laym.l.4. Tract.10.c.8. &c. Dicitur 1. Voluntas
 " emendi, &c. quibus verbis intelligitur quivis
 " contractus onerosus, sive venditionis, sive loca-
 " tionis, sive permutationis aut renunciationis;
 " quia Simonia non consistit fine pactione aliqua
 " tacita vel expressa, & obligatione ex pacto: quod
 " addo, quia obligatio naturalis quæcunque,
 " ut gratitudinis, sive antidotalis, non sufficit;
 " v. g. quando quis sperat vel intendit tantum,
 " non tamen obligat, Sa v. Simonia. Ratio, quia
 " non facit contractum. v. Bonac. Tom.1.de Sim. d.1.
 " q.6.p.1. Lef. lib.2.c.35.d.1. Dicitur 2. pretio temporali,
 " sive illud sit muneric, sive linguæ, ut est laus, vitu-
 " perium, patrocinium; sive obsequii & famulatus.
 " Dicitur 3. spirituale, quo nomine intelligitur res
 " supernaturalis ad salutem ordinata, sive sit for-
 " maliter talis, ut gratia, & dona Spiritus Sancti;
 " sive

sive causaliter , ut sunt Sacra menta , concio, ^{cc}
preces, & Sacramentalia ; sive sit effectus & usus ^{cc}
potestatis supernaturalis , ut est consecratio, ^{cc}
absolutio, dispensatio, benedictio, excommuni- ^{cc}
catio, electio, præsentatio, confirmatio, collatio ^{cc}
beneficii, aliquaque actus Jurisdictionis Ecclesiasti- ^{cc}
cæ. Dicitur 4. spirituali annexum, ad comprehen- ^{cc}
dendum ea, quæ non sunt per se spiritualia, sed ^{cc}
ad ea ordinantur, iisque sunt annexa ; sive ante- ^{cc}
cedenter, ut Jus Patronatus respectu beneficii, ^{cc}
vasa & vestes sacræ respectu Sacmentorum : ^{cc}
sive concomitanter, ut labor in administratione ^{cc}
Sacmentorum, juxta sensum infrà dicendum : ^{cc}
sive consequenter, ut redditus beneficiorum, qui ^{cc}
dantur propter officium spirituale. Unde patet ^{cc}
malitiam Simoniæ consistere in irreverentia, ^{cc}
quæ committitur, dum res spirituales instar tem- ^{co}
poralium pretio æstimantur & contractibus ^{cc}
subjiciuntur , atque esse peccatum mortale ^{cc}
ex genere suo, nec veniale fieri posse ex materiæ ^{cc}
levitate , quia nullum donum gratiæ , licet ^{cc}
parvum , potest vendi sinè gravi irreverentia, ^{cc}
tum ipsiusmet doni, tum etiam Dei. Poteft tamen ^{cc}
esse veniale ob actus imperfectionem & igno- ^{cc}
rantiam, Suar. Tom. 3. de rel. l. 4. c. 36. Azor. Fill. l. 45. ^{cc}
c. 1. Laym. l. c. Lefß. l. c.

R. 2. Simonia est triplex : Prima dicitur ^{cc}
Mentalis, cùm exterius vel nihil datur temporale, ^{cc}
(& dicitur Purè mentalis ;) vel cùm aliquid ^{cc}
datur, & dicitur Mixtè mentalis, cum intentione ^{cc}
obligandi ad reddendum spirituale , sine ullo ^{cc}
pacto externo. Secunda dicitur Conventionalis, ^{cc}
quæ ad ipsum pactum exterius procedit ^{cc}
sinè reali executione ; diciturque Pura, si fistat ^{cc}
in mutua conventione : Mixta autem, si de reali ^{cc}

» & conventionali aliquid participet , ut v. g.
 » si ex altera tantum parte realiter compleatur.
 » Atque huc reducitur Simonia Confidentiaz,
 » cum quis alteri dat beneficium, ut illud sibi vel
 » alteri resignet, vel cum onere dandi certam par-
 » tem fructuum. Tertia dicitur Realis, quæ scilicet
 » utrimque realiter completur. v. Lef. d. 6.

» 2. Simonia dividitur in eam , quæ est
 » Juris Divini, estque prohibita propter mali-
 » tiam suam, v.g. Hostiam consecratam vendere;
 » & eam, quæ est Juris humani, estque mala tantum
 » propter prohibitionem : Et sic ab Ecclesia
 » prohibetur, 1. Venditio beneficiorum,
 » secundum id, quod in ipsis temporale est, scilicet
 » quoad Jus præcisum percipiendi fructus. 2.
 » Venditio officiorum extrinsecè tantum ordina-
 » torum ad res sacras, v.g. Sacristæ, Oeconomi,
 » Advocati Ecclesiæ, Thesaurarii. 3. Oblatio pecu-
 » niæ alicui facta, ut suadeat alteri, ut det benefi-
 » cium. 4. Pactio de resignando beneficio vel
 » solvenda pensione, si alter beneficium tibi impe-
 » tret. 5. Permutatio & resignatio beneficiorum;
 » item reservatio pensionis ex beneficio resignato;
 » & in casu permutationis beneficiorum, æquatio
 » fructuum, &c. si absque Superioris autoritate
 » fiant: quæ si accedat, licita erunt. 6. Acceptio
 » munieris, etiam sponte oblati , pro examine
 » ad Parochiam, ex Trident. Seß. 24. c. 18. Pro colla-
 » tione Ordinum, pro Tonsura, literis dimissoriis,
 » ex Trid. Seß. 21. c. 1. Excipitur tamen decima pars
 » aurei pro Notario, si salarium non habet, &
 » consuetudo permittat. 7. Exactio pecunia
 » pro admissione ad Religionem, non pro statu
 » tantum, is enim spiritualis est , ideoque Jure
 » Divino invendibilis , sed etiam pro onere
 susten-

Sustentationis ; nisi Monasterii tenuitas vel
consuetudo contraria excusent. v. Laym. c. ult. cc
Bon. d. 1. q. 1. & 2. Less. d. 10. & 12. Azor. 3. p. 1. 12. c. 14. cc
Ex dictis resolves:

I. Simonia est, concionari , catechizare, cc
Missas facere pro pretio, nisi excusetur ratione cc
laboris, non intrinseci (is enim sacer est & inæsti- cc
mabilis, scilicet vel ipsa actio sacra, vel in ea cc
intrinsecè inclusus) sed extrinseci non annexi cc
rei spirituali, ut pro labore itineris, vel cantus cc
in Missa, vel ratione alterius incommodi, pretio cc
æstimabilis. Ratio, quia illæ actiones ex natura cc
sua ordinantur ad aliquid supernaturale , & cc
ad salutem, non autem ad aliquid temporale : cc
sicut doctio quæcunque , etiam Theologæ, cc
quæ pretio æstimabilis est, Bon. l. c. ex Suar. Fill. cc
&c. v. infral. 5. t. 5. c. 4. d. 1. Laym. l. c. §. 4.

II. Item Simonia est, dare vel accipere pretium cc
pro absolutione à peccatis, censuris ; pro dispen- cc
satione in voto, juramento, impedimento matri- cc
monii, irregularitate, &c. Poteſt tamen in his cc
aliquid exigi per modum mulctæ, ad causam cc
piam applicandæ, Laym. §. 2. n. 24.

III. Non est Simonia, dare aliquid ad redi- cc
mendam vexam à negante Sacramenta in neces- cc
sitate, Suar. Lef. d. 7. & 18. Laym. Vel ab iniquè cc
impediente electionem vel possessionem bene- cc
ficii, ad quod Jus in re habes: Quod addo, quia cc
si nondum habes jus in re, etsi possis redimere cc
vexam ab eo , qui tantum potest obesse, cc
non tamen ab eo, qui & prodesse & obesse potest. cc
Ratio est , quia non datur tanquam pretium cc
æquivalens rei spirituali, sed ut alter ad officium cc
ritè præstandum inducatur. Nec similiter Simo- cc
nia est, dare stipendum ad sustentationem Clericis cc

» etiam divitis, pro Missis, concionibus : aut de eo
 » etiam pacisci. Ratio, quia non datur tanquam
 » pretium spiritualis officii, sed personæ in alterius
 » gratiam occupatæ : nec pro operatione spirituali
 » ut spiritualis est, sed ut in alterius gratiam
 » suscepta ; proindeque non est eleemosyna, sed
 » debitum Justitiæ, *Suar. Laym. l.c.* & ali.
 » contra Rich. Sylv. & alios.

» IV. Non est Simonia, reddere vel redimer
 » pensionem merè temporalem, quia non funda
 » tur in titulo spirituali, nec refertur ad functio
 » nem spiritualem. *Dixi, temporalem, quia spiri*
tualis, quæ datur v.g. Concionatori vel Coadju
tori Episcopi propter Officium Ecclesiasticum,
in eoque fundatur, nec differt à beneficio, ni
quòd non sit perpetua, vendi nequit : mixta vero
ut, v. g. quæ datur Parocho seni vel Clerico
pauperi ad sustentationem, non quidem vendi
poteſt, redimi tamen potest, modò obligatio
recitandi Officium B.V. imposta non extingua
tur. Quod intellige, si in loco, ubi fit venditio,
Bulla sit recepta. Ratio, quia qui pensionem
redimit, non emit Jus spirituale, sed extingui
onus temporale solvendi certam summam pecu
*niæ, *Lesf.d.12.Suar.c.26.n.5.Laym.n.46.**

» V. Non est Simonia Juris Divini
 » (etſi quandoque Juris humani esse possit)
 » spirituale cum spirituali permutare, v. g.
 » beneficium pro beneficio, Reliquias cum Reli
 » quiis, &c. Vel dare temporale pro temporali; ut
 » si calicem, vel Agnos Dei præcisè ratione mate
 » riæ vendas : vel dare temporale pro spirituali,
 » per modum doni gratuitæ, etiam cum spe
 » vel intentione excitandi ad remunerationem
 » doni spiritualis, vel contraria. Ratio est, quia
 » grati-

gratitudo non respicit pretium, sed beneficium ; nec solvit debitum Justitiæ, sed antidorale ; quo non excluditur, quin gratis detur. Rectè tamen monet Suar. hujusmodi dona, ob præsumptio- nem valde cavenda. Item, donare, promittere, vel legare temporale quippiam, sub conditione operis spiritualis præstandi , modò non fiat per modum retributionis, seu commutationis, ut v. g. si Parens filio promittat munus, si Sacra- menta frequentet. Ratio, quia hic non intervenit contractus onerofus, sed sifstitur, vel in liberali donatione, vel donatione sub tali conditione & modo, Suar. l.4. c.45. Laym. l.c. §. 2. num.8. & alii. //

ADDENDA.

Q. 13. *An Simonia bene dividatur in eam, quæ est Juris Divini seu naturalis , & in eam, quæ est Juris humani sive Ecclesiastici.* R. Negat Gonet in diss. de probat. n. 147. dicens distinctionem illam esse inventam à recentibus Casuistis; rationem dat, quia nec homines, nec Ecclesia possunt mutare naturas rerum, ergo non possunt facere, ut hoc sit Simonia, quod in se non est Simonia : è contrà Suar. de Relig. T. I. T. 3. L. 4. c. 2. 7. & 24. fusè probat illam divisionē esse traditam à plurimis Antiquis, hinc dicendum cum Carden. in 2. Crisi d. 27. à n. 7. dari Simoniam Juris humani seu Ecclesiastici ; neque ex eo sequitur, quod homines aut Ecclesia mutent naturas rerum, nam prohibendo, v. g. permutationem beneficiorum propriâ authoritate faciendam, idque ex motivo Religionis, facit materiam illius Præcepti esse materiam Religionis, secundūm dicta L. I. n. 626 : quod magis explicabitur hic n. III, consequenter dicendum,

quod

quod Simonia, prout definitur à Busenb., sit sump
strictissimè; in genere autem, prout est commun
Simoniæ Juris divini & humani, sic debeat de
niri: Contractus à Lege prohibitus intuitu Religion
circa spiritualia aut spiritualibus annexa. hæc de
nitio fundatur in Jure Canonico, nam c. Quæsum
de rerum permutat. dicitur, Pactio circa spiritu
vel connexa spiritualibus labem semper contin
Simoniae: Et Cap. fin. de pactis, Pactio facta
ad vobis pro quibusdam spiritualibus obtainenda
cum in hujusmodi omnis pactio omnisque conven
debeat omnino cessare, nullius penitus sunt moment
idem dicitur Cap. Tua nos, 34. de Simonia, p
expressè dicitur fieri non posse ejusmodi pactio
sine vitio Simoniae: Similiter in Trid. Sess. 24. c.
de Reform. dicitur, quod dans vel accipiens aliqui
occasione concursis ad beneficium curatum, si
faciat ante sive post eum concursum, nihilominus
committat Simoniam, non Juris naturalis a
divini, uti patet, ergo Ecclesiastici, nem
propter prohibitionem Ecclesiæ ex tali motiv
Religionis factam. Vide Illung. t. 5. n. 311.

Q. 14. Quid notandum sit circa Simoniam mental
R. seqq. §. 1. Difficile est eam explicare: Steph. Tr.
d. II. n. 31. ait, Est intentio accipiendi vel dandi aliqui
temporale velut premium pro spirituali: Sed Less. L.
c. 35. n. 35. ait, Simonia mentalis propriè hoc loco non
tantum internum propositum, quo quis vult exerceri
simoniacè contrahere (quanquam hoc etiam sic appelle
ri possit, uti propositum furandi dicitur furta
mentale) sed est propositum, quo quis conferens alie
spirituale, intendit illum obligare ad reddendum
temporale vel contra, idque sine ullo pacto exterm
Rayn. de Benef. L. 2. Sect. I. c. 2. n. 5. Simonia mentali
(inquit) habet pro objecto externam commutationem

rei spiritualis velut mercis, pro temporali velut pretio.
 Sed tota difficultas est, quomodo possit quis esse
 Simoniacus mentaliter, cum nemo tam sit insi-
 piens, ut credat aut possit velle alterum obligari
 suo actu interno : Et ideo Pirb. L. 5. T. 3. n. 7.
 sic habet, Mentalis Simonia non est nudum internum
 propositum committendi Simoniam (hoc enim modo
 etiam datur mentale furtum) sed est illa, quæ habet
 adjunctum opus externum, quod tamen nullo signo
 exteriore apparet esse simoniacum, ut si quis rem
 spirituali alicui conferat tanquam compensationem
 ex Justitia debitam pro re temporali ab ipso accepta;
 vel animo obligandi alterum ad reddendam rem
 temporalem tanquam ex Justitia debitam pro re
 spirituali, vel cum intentione obligandi ad reddendam
 vicissim rem spirituali, nullo tamen pacto expresso
 vel tacito interveniente, v.g. si quis inserviat Episcopo
 hac intentione, ut pro mercede ei conferat benefi-
 cium, finè ulla tamen conventione externa verbis vel
 signis facta. is accepto beneficio erit mentaliter
 Simoniacus. Cum illo plane consentit Laym. L. 4.
 T. 10. c. ult. n. 67. sic habens, Mentalis simonia dicitur
 hoc loco, non ea, quæ in sola mente sive proposito con-
 ficit committendi simoniām sed quæ in externum opus
 transit, quod licet exterius nullo modo nec per se,
 nec propter adjuncta simoniacum appareat, ex sola
 tamen intentione & affectione tale est, videlicet
 si aliquis rem spirituali alicui conferat, quasi eam
 ex Justitia debeat pro obsequio, v.g. temporali ipsi
 exhibito, licet nulla, neque expressa, neque tacita
 pactio antecesserit; & vice versa, si aliquis rem tem-
 poralem alicui conferat, quasi ex obligatione Justitiae
 eam debeat pro re spirituali sibi ab altero collata,
 nullâ omnino antecedente pactione. Eodem modo
 etiam explicat Suarez c. 41. ubi n. 3. ait :

Quando

Quando simonia dividitur, divisum debet esse simonia aliquo modo externa habens aliquem effectum in actum sensibilem & humanum circa alterum, nam debet consistere in aliquo genere contractus dationis ac receptionis, hæc autem simonia mentalis dicitur quando actus exterior, qui in illa intervenit, talis est ut in illo non statim appareat malitia simoniae nec in his, quæ circumstant actum, probari possit autem pravâ & simoniacâ intentione, cuius est capax, & tunc dicitur mentalis, quia licet externum actum seu effectum habeat, malitia tamen ipsius non exterius se prodit, sed in mente manet. Idem Suarez c. 44. n. 8. dicit, quod Simonia mentalis propriè dicta, seu interna constituatur per voluntatem dandi rem temporalem ut pretium rei spiritualis, adeoque, inquit S. Et. Illa præcisè simonia mentalis censetur, cuius objectum est quasi simonia realis, quia scilicet est intentio dandi vel recipiendi spirituale pro pretio temporali, ut re ipsa sit in Simonia reali. Si dicas, quod antea, quomodo fieri potest, ut nullo interveniente pacto aliquis intendat obligationem, cum haec à pacto pendeat. R. Intendens potest cogitare pendere ex re ipsa, hinc intendit accipere rem spiritualem tanquam debitam ratione rei temporalis à se exhibitæ vel exhibendæ: deinde dans spirituale potest credere dari temporale pro pretio, & potest intendere illo modo accipere, si autem ex vi talis intentionis exterior datio vel acceptio imperetur, jani intenditur temporale velut pretium sub obligatione, quam præsumit apprehendi ab altero.

59 §. 2. Simonia mentalis committi potest, non solum in Simonia Juris naturalis vel divini, sed etiam humani tantum: est communis cum Suar. n. 16. contra Glosam; ratio est, quia voluntate

voluntas faciendi, quod Ecclesia prohibet, mala est, licet non progrediatur ad pactum externum.

Quæst. 15. An sit simonia mentalis, si spirituale intendatur vel fiat principaliter propter temporale, aut contraria. R. I. Carden. in 2. Crisi d. 27. c. 5. a. 2. absolútè affirmat: idem dicunt multi apud Suar. c. 44. à n. 1, consentit Leur. p. 3. q. 744. n. 2. Probant authoritate S. Th. Quodl. 8. a. 11. Quæritur, utrum ille, qui vadit ad Ecclesiam propter distributiones, aliás non iturus, peccet, & sic respondeatur, si hujusmodi distributiones respicit quasi finem sui operis principaliter intentum, simoniam committit, & ita mortaliiter peccat: si autem habet finem principalem (Deum) in tali actu, ad hujusmodi autem distributiones respicit secundariò, non quasi in finem, sed sicuti in id, quod est secundarium ad suam sustentationem, constat, quod non vendat actum spirituale, & ita simoniam non committit, nec peccat, sic enim acquisitio distributionum non erit causa, quare ad Ecclesiam vadat, sed propriè hujusmodi determinatio, quare nunc vadat & non alià vice: quandonam autem temporale sit causa principalis, cur fiat spirituale, variè varie explicant, Silv. Suar. Aliiique Canonistæ dicunt tum esse, quando fine ea intentione & spe non fieret spirituale; Navar. & alii dicunt tum esse, quando temporale magis intenditur: Ratio autem, cur videatur tum esse Simonia, est haec, quia hoc est æquivalenter vendere actionem spiritualē, sicuti enim, qui servit Domino propter mercedem, vendit actionem suam, quia commutat eam cum illa mercede, ita qui facit actionem spirituale propter temporale, vendit spirituale, quia commutat cum temporali. Ex his infert Carden. esse Simoniam, si quis Missam celebret, Sacra menta administret, concionetur, oret Horas &c. propter stipendium vel emolumen tum temporale

temporale tanquam propter finem principalem. Si tamen principaliter intendat Dei honorem vel bonum spirituale suæ animæ aut Proximi, facientur non peccare, quia temporale est tantum finis secundarius & impulsivus, determinans ad eligendum hoc potius tempus quam illud.

61 §. 2. Certum est esse Simoniam, si temporale intendatur veluti pretium, seu velut æquivalens in commutatione cum re spirituali, quia irreligio est, spiritualia æstimare temporalibus aut temporalia æquiparare spiritualibus: sed advertendum est, quod ratio pretii & ratio finis principalis non sicut idem, ut patet in plurimis exemplis, sic sanitas est finis principalis sumentis medicinam, non tamen est pretium; è contrà si quis invitus vendat frumentum graviter indigenti, pecunia est pretium, non tamen est finis principalis, nam ideo principaliter vendit, ut satisfaciat Præcepto charitatis: & ratio illius à priori est, quia finis dicit respectum ad appetitum, tanquam bonum propter se appetendum, pretium autem non petit intendi tanquam bonum propter se appetendum, sed satis est intendi, tanquam habens æquivalentiam cum tali re, & tanquam dandum loco illius, adeoque ratio pretii requirit, ut per illud solvatur obligatio orta ex re accepta vel ex opere præstito, respiciendo ad valorem & æstimationem ejus, aut è converso, ut per datum pretium oriatur in alio obligatio dandi rem vel opus spirituale sub proportionali habitudine rei vel operis sufficienter æstimati & recompensati per tale pretium.

62 §. 3. Docent Sanch. Maldonat. Silv. Suar. n. II. Castrop. T. 17. d. 3. p. 4. n. 3. Pirb. Lib. 5. T. 3. n. 13b. si temporale non æquiparetur spirituali, non esse Simoniam, licet spirituale intendatur aut fiat principi-

principaliter propter temporale, quamvis fateantur in eo posse esse aliquam inordinationem, saltem venialem. *Rationem* dant, quia temporale illud non ideo intenditur tanquam pretium, sed tanquam eleemosyna vel stipendium, quod ex officio peti potest pro sustentatione: & ideo *Cōn. de act. supern. d. 19. n. 82.* & *Burgh. Cent. I. Cas. 23.* universaliter sic habent: *Non est reprehensibilis, qui bona opera facit, ut assequatur bonum temporale, quia bona opera sunt media ordinata à Deo, non tantum ad bona spiritualia, sed etiam ad temporalia,* ergo qui illa adhibet ut media ad bona temporalia obtainenda, secundum illos non peccat, dummodo habitualiter paratus sit etiam servire Deo, quamvis non daretur tale bonum temporale. *Confirmant*, nam qui dat Sacerdoti temporale stipendium, per illud principaliter intendit Missam, quæ est aliquid spirituale, & tamen non est Simoniacus, ergo vice versa, qui dat vel facit spirituale principaliter pro temporali tanquam stipendio, non est Simoniacus, ideoque si intentio rei spiritualis non sit mala nec conjuncta cum alio inordinato affectu, sed tendat ad finem honestum, nullum erit peccatum ordinare rem spiritualem etiam principaliter & proximè ad finem temporalem, quia res superioris ordinis potest honestè ordinari ad finem inferiorem, dummodo in hoc non sistatur, sed per illum ulterius ad finem aliud honestum tendatur, uti notant *Navar.* & *Suar. n. 12.*

Vide tamen dicenda n. 69. & 78.

Q. 16. *Quid notandum circa Simoniam confidentiali- 66*
talem. R. seqq. §. 1. Simonia confidentialis est, si quis sine expressa Papæ licentia alicui procuret beneficium, conferendo, eligendo, præsentando, instituendo, confirmando, resignando, dando

dando in commendam &c. cum certa confidentia, ut is, cui procuratur, postmodum conferenti ipsi aut alteri personæ illud resignet, vel pensiones aut fructus ex eo præstet alteri: ita statuit Pius V. in Bulla: *Licet felicis recordationis*, 5. Jan. 1568. & *Intolerabilis*, 6. Aug. 1579., docentque Authores communiter cum *Leß.* L. 2. c. 35. n. 96. Et satis est, quod unus, v.g. solus Conferens, committat hoc cum Procuratore ignorantis & accepturi beneficium, *Azor* T. 3. L. 12. c. 10. q. 2., imò sufficit a solo mediatore esse commissam, inito tali pacto cum alio quounque, *Suar.* c. 57. n. 4.

§. 2. Committitur hæc Simonia tripliciter, ut
64 cum communi tradit *Pirh.* n. 114: 1. Per accessum v.g. Caius cupit provideri Titio necdum habentem, hinc Caius hoc beneficium petit sibi, & suum resignat Sempronio, cum pacto, ut Sempronius tamdiu eo fruatur, sed postea resignet Caius cum ætatem habuerit: 2. Per regressum, ut si Caius beneficium jam possessum resignet Titio, reservans sibi Jus redeundi ad illud, si Titius illud accipiat: 3. Per ingressum, ut si Caius collatum sibi beneficium, sed necdum possessum Titio resignet, cum simili pacto, ut in regressu Poenæ hujus Simoniæ longè sunt graviores, quam ullius alterius, ut patebit ex dicendis à n. 220., & ostendit *Pirh.* n. 115.

§. 3. Si resignes cum intentione obligandi alterum ad iterum resignandum, & hanc mentem non manifestes, est tantum Simonia mentalis; si vero tuam mentem manifestes, putant cum aliis *Castrop.* T. 17. d. 3. p. 18. n. 4. & *Diana* P. 9. T. 9. R. 18. esse Simoniam confidentialē, quia Pius V. dicit: *Solā dimittentis intentione &c:* Sed *Azor*, *Navar.* *Leſſins* c. 35. n. 95. 96. *Suar.* c. 43. n. 12. & alii requie-

requirunt pactum saltem tacitum ; & Pius V. tantum vult præsumi posse simoniam, si illa intentione sit manifestata, quia tunc præsumitur aliquod pactum : imò Navar. Baun. & Dian. P. II. T. 5. R. 20. requirunt pactum civile seu legale , ex vi cuius debitum quasi coram Judice exigi possit , sed id merito non requirunt alii.

§. 4. Si resignes cum onere, ut acceptans solvat pensiones vel partem fructuum alteri, omnes tenent esse Simoniam confidentialem : Si autem resignes cum onere, ut solvat tibi resignanti, Ugol. Menoch. Sanch. Nav. Les. n. 97. Dian. P. 9. T. 9. R. 17. dicunt esse tantum Simoniam communem, quia Pius V. tantum dicit fore confidentialem, si se obliget alii vel aliis, verba autem odiosa non sunt extendenda ad personam non expressam : è contrà Suar. n. 7. Castrop. n. 6. & alii probabilius dicunt fore, quamvis tibi reserves, 1. Quia si resignes sub parte fructuum secundum libitum tuum, est confidencialis, uti expressè habetur, ergo etiam si sub pensione pro te, quia hæc est pars fructuum. 2. Signum dignoscendi, an sit confidencialis, assignatur, si resignans percipiat fructus. 3. Pius IV, cuius Bullam confirmat Pius V, expressè dicit esse confidentialem, si resignans sibi reservet. 4. Quando dicitur, alii, intelligitur alius ab eo, qui accipit beneficium : atqui resignans est alius ab eo, ergo.

§. 5. Hæc Simonia tantum habet locum in acceptanceibus aut resignationibus beneficiorū, non autem pensionum aliarūmve rerum : imò nec in permutationibus beneficiorum, uti tenent Navar. Suar. n. 11. Leß. n. 96. Laym. c. ult. §. 8. n. 75. Castrop. n. 2. Pirb. n. 113. Leur. p. 3., q. 753. quia verba odiosa non sunt extendenda ultra id, quod significant : rectè tamen notant Castrop. & Dian. R. 18.

eos, qui beneficia causâ permutationis vacantes conferunt sub talibus confidentiis , incurrit hanc Simoniam , quia Bulla habet generaliter Si quis conferat beneficium vacans . &c. , vacat autem ex causa permutationis , uti omnes tenent cum Garc. de benef. p. II. c. 4. à n. 1.

§. 6. Pretium h̄ic debet esse, vel beneficium idem vel pensio, aut pars fructuum illius; unde si contrahatur de alio beneficio, vel de alio pretio reddendo vel solvendo, erit tantum Simonia communis uti notant Suar. Layn. Pirh. ibidem.

Q. 17. Quomodo in materia beneficiorum Ecclesiasticorum contrahatur Simonia communis. R. Constatib[us] ex seqq. §. 1. Innocentius XI. damnavit hanc propositionem : Dare temporale pro spirituual non est Simonia , quando temporale non datus tanquam pretium, sed duntaxat tanquam motivum conferendi vel efficiendi spirituale, vel etiam quando temporale sit solum gratuita compensatio pro spirituuali, aut è contrā: item istam 46. Et idem quoque locum habet, etiam si temporale sit principale motivum dandi spirituale; inde etiamsi sit finis ipsius rei spirituialis, sic, ut illud pluris aestimetur, quād res spirituialis: pro intelligentia,

§. 2. Suppono, quod omnis pactio, etiam tacita tantum & implicita, circa beneficium proprium dictum, facta auctoritate propriā sit simoniaca Jure saltem humano , uti n. 57. dictum est docēntque AA. cum Rayn. de benef. L. 2. S. 1. c. 2. n. II. & Leur. p. 2. q. 767. n. 5. item p. 3. q. 727., nam reverentia erga rem sacram & periculum tractandi velut profanam meritò movit Ecclesiam ad pactū in beneficiis prohibenda, nisi forte fiant sub conditione, si Superior consenserit, sive sub futura ratihabitione illius, de quo dicetur Lib. 4. n. 106.

Hinc.

Hinc sequitur esse Simoniam, si expressè vel tacitè fiant pacta ejusmodi : Si mihi contuleris hoc beneficium , obligo me ad dandos tibi ex gratitudine 100. aureos : Item, dabo tibi liberaliter beneficium, si te obliges ad dandos mihi liberaliter 100. aureos : Item : obligo me ad dandos 100. aureos , non velue pretium, sed veluti motivum recompensationis, quam explebis, mihi conferendo hoc beneficium : omnes hi aliquique similes contractus sunt simoniaci , quamvis enim in duobus prioribus signatè dicatur fieri ex gratitudine vel liberalitate, tamen exercitè admittitur obligatio , ergo reipsa non est gratitudo vel liberalitas , inducitur enim nova obligatio distincta à debito gratitudinis , quod non obligat ad aliquid determinatum : in posteriori autem, quamvis dicatur non esse pretium, tamen habet rationem pretii, & est saltem æquivalenter pretium , ut patebit ex dicendis. Nec refert, quòd multi Authores antehac docuerint tales contractus non esse simoniacos, ut videri potest apud Rayn. c. 10. n. 38. & Dian. P. 2. T. 16. R. 37. P. 6. T. 7. R. 42. P. 11. T. 6. R. 31. & T. 7. R. 23., nam omnis probabilitas earum opinionum elisa est per damnationem relatarum propositionum, & opiniones illas latè confutârunt Suar. c. 45. n. 9. Mendo d. 1. q. 22. Carden. in 2. Crisi d. 27. c. 3.

§. 3. Quamvis ille, cui confertur aliqua gratia, de jure naturæ teneatur esse gratus, possitque etiam, ut innuit Carden. n. 58. se obligare ad antidorum, sive ad solvendum debitum gratitudinis, tamen non tenetur esse gratus exhibendo determinatè hoc vel illud, v.g. dando pecuniam, sed satis est, quòd sit paratus gratificari, prout ipse sponte voluerit, v.g. per preces, jejunia aut eleemosynas pro ipso : & hoc habet obligatio antidoralis,

E3

quòd

quod non obliget ad aliquid determinatum, hinc qui dicit: *Si mihi conferas beneficium, ero gratus*, ut decliner Simoniam & maneat in voluntate solvendi debitum puræ gratitudinis, non debet intendere ullo modo se obligare ad aliquid determinatum, uti à n. 102. magis explicabitur.

§.4. Qui dat aliquid temporale velut pretium pro spirituali, committit simoniam, uti omnes docent, sive det ante, sive post obtentum spirituale, quia spirituale æstimar temporali, in quo est manifesta irreligio: potest autem aliquid dari ut pretium, vel formaliter vel virtualiter, dum dati ut pretium formaliter, si directè intendas dare loco rei spiritualis & in commutationem cum eam, nam uti rectè notant *Suar.* cap. 36. num. 7. & *Raynaudus* num. 36. in hac commutatione & quasi quadam comparatione seu æstimatione ad invicem consistit ratio formalis pretii: tum datur ut pretium virtualiter, si proximè & immediatè tum des, quando intendis obtainere aliquid spirituale, & non adsit aliis titulus, ob quem des, das enim ex aliquo motivo, ergo si non das ex alio, das ex præsente, quod est, ut obtainas illud spirituale, & hoc est dare veluti pretium pro spirituali: alii tituli dandi possent esse, ut sublevares egestatem, ut expleres gratitudinem aliunde debitam, cuius explendæ haec tenus non fuisse occasio &c., hoc ipso autem quod non des ex alio tali motivo, convinceris exercitè dare velut pretium rei spiritualis obtainendæ, quamvis signatè dicas & velles non haberi velut pretium: Sic autem dari temporale pro spirituali videtur prohibere Pontifex per damnationem allatarum propositionum, potuit enim Ecclesia hoc prohibere, quamvis forte non esset intrinsecè malum, quia nempe est peri-

cu-

culosum & facilè esset occasio mali ; quòd autem sic prohibuerit, inde suadetur, quia verba illa, quando temporale est motivum, aliquid significant, & non aliud, nisi quod dictum est, nam temporale habet se ut motivum, quando non est aliud, quod efficaciter moveat, quamvis fortè querantur prætextus aliorum motivorum : quando autem in dubio præsumi possit aliquid esse vel non esse datum tanquam pretium, rectè explicant *Suar.* à n. 9. & *Pirb. L. 5. T. 3. n. 91.*

§. 5. Qui dat aliquid temporale tanquam **73** motivum spiritualis sibi reciprocè dandi, v. g. ut alter moveatur ad conferendum sibi beneficium, committit Simoniam saltē Juris Ecclesiastici, quamvis nullum aliud pactum nè implicitum quidem interveniat, uti patet tum ex prop. 45. damnata n. 69. relata, tum etiam quia per pecuniam proximè parat sibi viam ad beneficium, quod *S. Th. 2. 2. q. 100. a. 2. ad 5.* & alii communiter dicunt esse simoniacum ; inī illud temporale habet se ut pretium virtualiter, cùm enim non det alio titulo, dat v. g. pro beneficio, uti jam dictum est, ergo committit simoniam, quam etiam admittit recipiens tale temporale, si per hoc motus illi conferat beneficium, quia spirituale reddit pro temporali, unde sicuti *Judex*, qui ideo fert sententiam iniquam, quia accepit munera, dicitur vendere *Justitiam*, ita ille, qui propter munera confert beneficium, dicitur vendere beneficium, tale enim munus in utroque casu est virtualiter pretium, & uterque concurrit in hunc mutuum contractum, unus ut per munera moveat, alter ut propter munera det, uti rectè advertit *Carden. c. 2.*, ubi addit n. 23., & ex Jure probat n. 20., si munus temporale fuerit parvi momenti, tum non præsumi

sumi Simoniam, quia dans non censetur per illud
inducere voluisse, neque acceptans credi debet
per illud esse motus, ideoque etiam S. Th. in 4. d. 25.
a. 1. q. 3 ad 1. dicit probabile non esse, quod animus
Judicis spectatur ad aliquid faciendum pro parvo
munere: & de hoc habetur notabile Cap.
Esti questiones, de Simonia, ubi inter cetera dicitur,
Quod autem scriptum est, *beatus*, qui excusus
manus suas ab omni munere, de illis donis dictum est,
qua accipientis animum allucere vel pervertere
solent; & additur, quod electuarium, vel de vino,
sive alia hujusmodi censeantur non movere: Et
pro colligenda levitate muneris additur, in acci-
piendis vel dandis muneribus exia maxime sunt
attendenda, personae scilicet dantis & accipientis
qualitas, quantitas muneris, & donationis tempus.

74 §. 6. Si quis etiam antecedenter det aliquid
vel praestet obsequium temporale, non intendens
in altero strictam obligationem, neque debitum
ad hoc vel illud determinatè, sed tantum
exspectans naturalem gratitudinem, ad quam
quisque obligatur post acceptum beneficium, vel
& contrà si quis praestet beneficium spirituale sic
exspectans naturalem gratitudinem per aliquid
temporale, non committit simoniam nec peccat,
ut docent multi cum *Suar. c. 45. n. 4. & 7. Dian. p. 10.*
T. 15. R. 5. Rayn. n. 33. Ratio est, quia non vult
obligare acceptantem determinatè ad aliquid,
nec movere adandum spirituale propter tempo-
rale, sed tantum vult ei benefacere, & illam tantum
obligationem inducere, quæ necessariò sequitur
ex omni obsequio, quod alteri praestatur, face-
re enim aliquod obsequium & obligare recipien-
tem ad aliquam gratitudinem moraliter loquendo
sunt unum & idem, quia obligatio gratitudinis
intrin-

intrinsecè sequitur ex vi beneficii vel obsequii
præstati , unde Rayn. n. 40. dicit planè certam
& ferè omnium sententiam esse , quòd non sit
Simonia, néque illicitum, per se loquendo, dare
antecedenter aliquid temporale , ex intentione,
ut alter , qui runc de beneficio spirituali dando
non cogitabat , suo tempore sit bene affectus
erga dantem, velitque esse gratus, qualis poterit
esse, si quando occasio tulerit, donet beneficium
spirituale : & ratio ulterior est, quia nullo Jure
prohibemur demererri omni modo honesto eum,
qui potest nobis aliquando benefacere, unde sicuti
secundùm S. Thom. 2. 2. q. 78. a. 2. ad 3. licitum est
dare mutuum ad ingenerandam in mutuante obli-
gationem gratitudinis, & intendendo, ut ex illa
rependat aliquid, prout ipfi placuerit, ita & hic
licebit dare temporale ex intentione vel spe,
ut reddat spirituale, non propter temporale datum,
sic enim vellet , ut temporale eset motivum
conferendi spirituale, quod est damnum, sed
sponte suâ, quia ita placebit, & erit aliquid aptum
extinguere obligationem naturalem gratitudinis ;
ideoque docet idem Rayn. n. 41. etiam licitum esse
dicere se optare ab eo gratitudinem præstari
per collationem talis beneficii , sicut enim
secundùm S. Thom. suprà petere possum à mutua-
tario, ut aliquâ retributione sponte datâ liberet se
naturali obligatione gratitudinis, quam contraxit
sumendo mutuum, ita & hic ; & ratio utriusque
à priori est, quia nullo Jure prohibemur petere,
ut alter id, ad quod tenetur, eo modo faciat, quo
ipfi facere est licitum, qualiter solum hinc petitur:
sapienter tamen monet Suar. n. 8. hæc postrema
esse cavenda ob periculum & speciem pactionis;
quod tum maximè verum est , si proximè &

E5

imme-

immediatè antea detur aliquid, quando agitur
de beneficio conferendo, tum enim facile induet
rationem pretii virtualis.

75 §. 7. Ille, cui aliquid temporale datum vel
præstitum est ab altero, ideoque naturaliter obli-
gatur ad gratitudinem, non peccat, si donet spiri-
tuale, aut è contrà si accepto spirituali donet tem-
porale, ad satisfaciendum illi obligationi antido-
rali, uti dictum est, quia non dat tanquam
determinate debitum, sed velut aliquid aptum
extinguere debitum gratitudinis antea contractu,
& potius respicit affectum illius, qui benefecit, cui
respondere vult per exhibitionem similis affectus,
ita *Suar.* n. 6. & 14., addens n. 13. sic redonantem
posse etiam verbis exprimere, quod per illud
velit extinguere illam naturalem obligationem
antea contractam, quia exprimere ea, quæ insunt,
non facit Simoniam, hic autem solùm illud expri-
mitur, quod inest, omnis enim redditio beneficii
ex natura sua est extincio obligationis antido-
ralis antea contractæ, manetque gratis redditum,
quamvis reddatur ad satisfaciendum illi obliga-
tioni, uti recte *Suar.* n. 14.

76 §. 8. Si ex pacto detur aliquid temporale veluti
gratuita compensatio pro spirituali, aut è contra
spirituale pro temporali, est Simonia, uti constat
ex prop. 45. damnata, & ex dictis n. 70. Etiam est
Simonia, si temporale, quantumvis sine pacto, sed
omnino gratis, detur veluti aliquid compensans
spirituale, id est, veluti adæquans æstimabilitatem
rei spiritualis, uti colligitur ex prop. 46. damnata,
hoc est enim grave vilipendium rei spiritualis,
si illi æquiparetur temporalis, ac si esset justum
ejus premium; & hoc significat illa particula, pro
uti notant *Cajet.* apud *Suar.* c. 44. n. 3. & *Carden.* n. 68.
quia

quia denotat commutationem , néque cadit
in illud, quod datur merè gratis.

¶. 9. Gratuita donatio, quæ fit post acceptum
aliquid spirituale , ab omnibus solet permitti 77
tanquam licita : *March.* tamen in Tribun. T. 3. T. 10.
T. 6. q. 9. notat donationes gratuitas esse duplices,
primæ sunt omnino independentes mutuo
ab invicem ; & certum est has licere, v.g. Titius.
michi gratis cessit beneficium & postea incidit
in paupertatem, in qua, si ego memor beneficii
accepti donem ipsi summam pecuniaꝝ , non sum
Simoniacus , quia utraque donatio est ab altera
independens : è contrà aliquæ donationes
ab invicem dependent, & dicuntur reciprocæ seu
relativæ, solentque exprimi his verbis, *do quia das,*
do ut des, do quia dedisti, do quia dabis, & has dicit
esse simoniacas , tum quia minuunt rationem
gratuiti, quod in beneficiis debet esse purissimum;
tum etiam quia videntur includere quoddam
pactum virtuale retributionis tanquam debitæ ,
eo quod una propter aliam respectivè fiat. *Fateor*
(inquit *March.*) *multa hic afferri posse in contra-*
rium, quæ in speculatione aliquam probabilitatem
præferunt, sed in praxi non sinè murmure conscien-
tia proponuntur, & ut plurimū si mentiamur nobis
& hominibus , non possumus tamen mentiri Deo.
Hæc doctrina *March.* vera est, si accedat pactum
illud virtuale, aut si postea redonetur aliquid tem-
porale veluti compensatio stricta pro spirituali,
id est, veluti adæquans æstimabilitatem rei spiri-
tualis, uti antea dictum est, de cætero si omnino
gratis donetur velut munus, quo recognoscatur
affactus benefactoris, per se loquendo, non est
Simonia, nam de Jure naturæ non est, uti patet,
cum nihil detur veluti pretium rei spiritualis ;
neque

neque de Jure Ecclesiastico, quamvis enim Ecclesia posset etiam omnino gratuitas ejusmodi donationes prohibere veluti simoniacas ob suspicionem, speciem vel periculum Simoniacum, quae intervenire posset, sicuti prohibuit veluti simoniacam omnem donationem etiam gratuitam, quae fieret occasione concursus ad beneficium curarum facti vel faciendi, tamen non satis ostenditur, quod Ecclesia tales gratuitas donationes, quae fiunt post obtentum beneficium, de facto sic prohibuerit, uti recte Carden. à n. 70. Hinc Cap. Sicut I. q. 2. dicitur : *Oblatio nullam culpe maculam ingerit, quae non ex ambientis petitione processit : item Gratianer recipi poterit, quod fuerit sine taxatione gratis oblatum*, inquit Innocent. III. Cap. Dilectus, 30. de Simonia. Vide Leur. p. 3. q. 746.

§ 10. Si quis alteri det spirituale propter temporale veluti propter principale extrinsecum motivum, in quod tendit per dationem illius spiritialis, v. g. si quis alteri conferat beneficium ecclesiasticum principaliter ex illo fine, ut accipiat, vel quia accepit pecuniam aut servitium aliquod temporale, quamvis omnino nullum ad sit exterius pactum ne implicitum quidem est, saltem plerumque, Simonia mentalis, ita Carden. n. 96. & patet ex prop. 46. damnata : ratio autem est, quia sic conferens, plerumque saltem in mente sua æquivalenter vult vendere spirituale pro temporali, cum intendat spirituale commutare cum illo temporali, seu dare aut habere loco illius, sicque appretiat ad invicem, quod est Simonia. Dixi, plerumque saltem, quia si post acceptum aliquid temporale daret spirituale etiam principaliter intendens extinguere obligationem gratitudinis, non autem appretiando illa inter se, non eset Simo-

Simonia, uti n. 75. dictum est. Notat etiam *Suar.*
c. 36. n. 7. ex illa conditione negativa, quod
sinè commodo temporali non esset quis daturus
rem spiritualem, non colligi sufficienter,
quod adsit virtualis Simonia.

Q. 18. Quibus præterea modis contrahatur Simonia 79
in materiis beneficiorum Ecclesiasticorum. Ex.
Planè variis, quorum aliquos recensabo. §. 1.
Simonia est secundum dicta n. 76. in primis
si temporale munus detur pro spirituali:
munus autem temporale aliud dicitur à manu,
aliud à lingua, aliud ab obsequio, uti declaravit
Urbanus II. Cap. Salvator 8. caus. I. q. 3. Per munus
à manu intelligitur pecunia vel res quæcumque
pecuniâ æstimabilis, sive mobilis, sive immobilis,
item cessio aut remissio debitorum, dilatio aut
anticipatio solutionis aliunde debitæ, datio mutui
&c. Per munus à lingua intelligitur laus, commen-
datio, defensio, intercessio apud alios. Per munus
ab obsequio intelligitur quodvis servitium vel
promotio aut executio negotii in gratiam alterius
facta: per spirituale autem hic intelligitur, quod
ex natura sua ordinatur ad finem supernaturalem,
uti recte *Illi. T. 5. n. 302.* Deinde etiam Simonia est,
si ex pacto detur etiam spirituale pro beneficio;
quæ omnia jam declarabuntur.

§. 2. Si certem cum collatore pro mille aureis, 80
quod ipse beneficium non sit mihi, sed alteri
collaturus, est palliata Simonia, nam æquivalenter
facio, ut ipse pro illa pecunia acquirenda mihi
beneficium conferat, lucrando mille aureos ex illa
sponsione, ita *Arsd. T. 2. p. 2. T. 5. c. 12. §. 2. q. 1:* hinc
Sanch. cum Dian. in comp. V. Simonia n. 14. &
in *Summ. n. 8.* docet concertationem, quâ Cajus
certat se non accepturum beneficium, Titius autem
certat

certat eum accepturum; item contractum initum
inter Cajum & Titium, ut, qui prior obtinebit
beneficium, det alteri tertiam partem fructuum,
plerumque esse Simoniam, quia talia sunt
cum intentione obligandi alterum, ut procuret
ipso beneficium: si tamen sincerè fierent sine tali
intentione, non essent simonia. Similiter si ab illo,
cujus votum in electione desideras, mutuo acci-
pias magnam summam, eo fine, ut te eligere cogar-
tur, ne mutuum suum perdat, eò quod futurus sis
impotens ad restituendum, si non eligaris, est
simonia, quia timore damni temporalis & resti-
tutione illius simonæ emis votum.

§1 §. 3. Pactum hoc, quo Titius dicit Cajo, si tu
lusum viceris, conferam tibi beneficium, si autem
ego vicero, tu mihi dabis centum aureos, Steph. t. 4.
d. II. n. 38. & alii rectè dicunt, per se loquendo, esse
simoniacum: Si dicas, non est simonia, si Titius &
Cajus certent initio hoc pacto, ut si Cajus vincat,
Titius legat Missam pro Cajo, si autem vincat
Titius, Cajus det solidum Titio, ergo nec est
in priore casu. R. Lopez dicit utrumque esse simo-
niam & Lugo de Just. d. 31. S. 1. n. 5. improbat
tale pactum propter periculum Simonæ; tamen
Rodrig. Lez. Bonespei & Steph. d. 9. n. 53. negant esse
simoniam, quia pecunia non habet se velut pre-
mium: sed difficultas est in danda disparitate, forte
hæc esse potest, 1. Quod mens Titii vel Caji
præsumatur esse in primo casu dare vel acceptare
beneficium in commutationem illius pecuniae,
ad eoque semper sit simonia saltem mentalis, quod
non præsumitur in posteriore casu. 2. Quod
licet in neutro experatur pecunia velut premium
aut exponatur velut estimatio rei sacræ, tamen
promissa legenda vel audienda, ut & pro precibus,
licitum

licitum est saltem ex consuetudine dare & exigere aliquid velut stipendium sustentationis aut pro laboribus extrinsecis adjunctis, ergo etiam licebit contra ea exponere pecuniam : è contrà in exequenda collatione beneficii nihil pro stipendio potest exigi , ergo si hic contraponatur pecunia, erit tanquam pretium, quo æstimabitur res sacra, hoc autem est simoniacum.

§. 4. Si Titius Collator planè liberaliter dicat 82
Cajo , *conferam tibi beneficium* ; Cagus autem agnoscens benevolum in se animum reponat,
Ego tibi donabo illud officium, videtur esse simonia, nam æquè Simonia est, si Collator per aliquid appromissum firmetur in promissione beneficij, ac si primò moveretur ad promissionem, quia firmatio promissionis æquè connexa est cum spirituali ac promissio ipsa, promissio autem Cagi est de se firmativa promissionis Titii, quia de se est apta firmare hominem similis conditionis, cuius est Titius, neque promissiones expressè & tacitè conditionatae differunt in substantia , sed tantum in modo, unde sic argumentor, si Cagus expressè dixisset, *si permanseris in tua promissione, donabo illud officium*, eset promissio secundum se simoniaca, uti patet, ergo etiam nunc est talis, quia est promissio ex causa futura & intenta, ergo tacitè conditionalis, nam re ipsa & spectatis circumstantiis censemebatur dicere, quia promittis & permanens es in promissione ac collaturus beneficium, donabo officium , ergo æquivalenter dicebat, si permanens sis & conferas beneficium, donabo officium : quod iterum argui potest à posteriori, nam si Titius non fuisset permanens in illa promissione nec collaturus beneficium, Cagus noluisset donare officium , uti inspectâ conscientiâ fate-

faretur Caius, ergo permanacio in promissione erat conditio respectu donationis, si non suspensiva saltem resolutiva, id est, talis, quâ non positâ Caius voluiset resolvi seu non tenere promissionem suam, ergo promissio Caji fuit tacite conditionata, ergo cum expressè conditionata futura fuisse simoniaca, etiam nunc erit talis. Si tamen Caius promisisset propter visam Titii in se benevolentiam, paratus donare officium, licet Titius non fuisse permansurus in promissione, & hoc ipsum etiam satè intelligere potuisset Titius, promissio Caji non fuisse simoniaca; verum id non videtur præsumi posse, quia raro contingit.

§. 5. Si quis alteri conferat beneficium eo fine, ut se honestè sustentare possit, non est Simonia, quia quamvis sustentatio sit aliquid temporale, tamen non est aliquid, quod conferenti reddatur velut in commutationem pro spirituali, sed ex spirituali consequitur, manetque illi, qui spirituale accipit; deinde haec sustentatio est finis intrinsecus saltem secundarius beneficii, ideo enim Ecclesia instituit beneficia, ut Clerici Deo serviant & fungantur officio, sique fruendo proventibus beneficii honestè alantur, ergo non est illicitum etiam in hunc finem dare beneficium. Econtra est Simonia, si conferam beneficium sub pacto, ut alter mihi securè in posterum solvat debita, uti docent *Suar. Lef. Laym. Pirb. L. 5. T. 3. à n. 139.*, consentitque cum aliis *Rayn. L. 2. S. 1. c. 2. n. 9.*, idem est, si conferam Titio Fratri Caji Debitoris mei sub pacto, ut juvet Cajum in solvendo: si tamen Debitor differendo solutionem inferret vim & injuriam, putat *Suar. c. 38. n. 9.* quod possem finè Simonia dare spirituale tanquam medium tollendi præsentem vexam, & sic inducendi ad faciendā Justitiam;

&

& idem dicunt Sot. Suar. Laym. Pirb. Leur. p. 3. q. 750.
 Si ad evitandum de praesenti malum mihi iustè intentatum, v.g. si intentanti conferam beneficium, ut me jam non occidat vel non diffamet, non esse simoniam, quia conferenti nihil datur pretio æstimabile, quod antea jure suo non habuerit: & idem dicit Leß. si malum esset paulò post inferendum, sicuti licitum est dare mutuum, petendo, ut alter vicissim, non in futurum, sed nunc in praesentia rem aliam det mutuam, ut colligitur ex S. Thoma 2.2. q. 78. a. 2. ad 4., quia non injicitur obligatio nova distincta ab actu solvendi vel mutuandi, nec imponitur novum onus Justitiae, sed tantum petitur modus vel conditio, sub qua posita gratis detur mutuum, ut explicant Rayn. suprà, & Laym. L. 4. T. 10. c. ult. n. 27. Vide tamen dicenda n. 149.

§. 6. Quamvis possit esse aliud peccatum, 84
 tamen non est simonia, si beneficium alicui detur intuitu consanguinitatis, vel propter preces armatas, vel propter metum etiam damni temporalis incurriendi, vel amittendi proprii debiti, hæc enim omnia non habent rationem pretii, Suar. Leß. Laym. Pirb. suprà.

§. 7. Qui acceptat beneficium sub pacto, v.g. 85
 docendi, etiam Theologiam, aut quia docuit, si sit tanquam pretium pro labore, est Simoniacus; non est autem, si acceptet beneficium, cui onus docendi per autoritatem Superioris est adjunctum, ita Navar. Alloz. V. Simonia S. 4. n. 39., & utrumque fusè probat Rayn. c. 10. à n. 24. Posse autem adjungi tale onus temporale, ex eo patet, quod Trid. Ses. 5.

c. 5. & Ses. 23. c. 18. de Reformat. jubeat addicere aliqua beneficia muneribus docendi; & ratio est; quia tale beneficium habet aliquid, quod iuste assignari potest pro stipendio Ministri, nempe

fructus temporales, unde si quis tale onus velle
adjungere Juri purè spirituali, v.g. Juri eligendi,
eset Simonia, quia Jus purè spirituale assignaretur
pro pretio operis temporalis, cùm non possit
habere rationem stipendii sustentando Ministro
convenientis, consequenter daretur tanquam
stipendum operis temporalis, ita Rayn. n.26.

- 86 §. 8. Est Simonia bona sua dare Ecclesię,
cum pacto, ut in Canonicum v.g. eligatur, sic enim
statuit Innocentius III. c. Tua nos. 34. de Simonia,
Si quis Clericus cum conditione vel pacto largiatu
aut offerat bona sua, ut illa postmodum pro præbenda
retineat, & in Canonicum admittatur, hujusmodi
oblatio vel receptio fieri non poterit sine vitio Simonia,
cùm in talibus omnis pactio aut conventio cessare
debeat juxta canonicas sanctiones: Si vero pur
ac sine pacto vel conditione qualibet offerat, rogam.
humiliter, & ut in Canonicum admittatur, &
bona sua retinere sibi liceat præbenda, & Clerici
ejusdem Ecclesię purè consentiant, hujusmodi receptio
fieri potuit absque scrupulo simoniaca pravitatis.
Licet autem taliter duximus respondendum, quia
nobis datum est de manifestis tantummodo iudicare,
si tamen is, qui talem donationem facit, eā intentione
ducatur, ut per temporalia bona, quae offert, spiritualia
valeat adipisci, & Clerici, qui eum in Fratrem adnit
tunt, non esent eum, nisi commoda temporalia percipi
perent, admisuri, sine dubio tam ille quam isti
apud districtum Judicem, qui scrutator est cordium
& cognitor secretorum, culpabiles iudicantur.
Hæc tamen ultima Simonia est tantum mentalis,
ut recte cum aliis Pirh. n.89. & Carden. in 2. crisi d.27.
à n.24. Quod si quis cum consensu Episcopi reti
neat sibi Jus præficiendi Clericum in præbenda,
quam instituit, nulla est simonia, uti tenent omnes.

§. 9. Est Simonia pro admissione in possessio- 87
 nem beneficii ex pacto dare vel exigere aliquod
 temporale, etiam convivium, non obstante Statuto
 vel consuetudine etiam immemoriali, uti dicetur
 à n. 191. & patet ex Cap. Jacobus, de Simonia, Trid.
 Ses 24.c.14.de Reform: docentque Abb. Garz. Leß.
Pirh. n. 91., Nicolartz in praxi benef. t. 2. §. 7. Leur. p. 3.
 q. 748., si tamen Lege id statutum sit vel consuetu-
 dine receptum, & hoc temporale, quod accipitur,
 applicetur ad pios usus, & non exigatur prius, quam
 liberè posita sint spiritualia, neque hæc denegen-
 tur, etiam si nihil detur, Abb. Barb. Az. & Pirh. suprà
 dicunt non esse simoniam; & Leß. L. 2. c. 35. n. III.
 dicit passim non observari Trid. id prohibens,
 quamvis mandetur Episcopis, ut observari faciant,
 quam consuetudinem præsertim in Germania
 etiam damnare non audet Pirh., cum toleretur
 ab Episcopis & Papa, saltem ubi recepta non est
 aut ubi non obligat Constit. Innoc. XII. Ecclesiæ
 Catholicæ, quam referemus L. 4. n. 671. Addit Lott.
 L. 3. q. 29. n. 131. ex decisione Rotæ, etiam esse
 simoniam, si quis pro repellenda contradictione
 paciscatur de Canonicis reddendis indemnibus
 ob receptionem sui factam ad possessionem bene-
 ficii sibi collati. Vide Leuren. suprà n. 1.

§. 10. Si Senatus habens Jus præsentandi statuat, 88
 ut præsentandus singulis Senatoribus aliquid
 pecuniae numeret, Burgh. cent. I. cas. 82. dicit proba-
 bile esse, quod non sit simonia, quia hic nulla vera
 pactio intervenit, sed adest aliis titulus, 1. Dona-
 tionis remuneratoriæ. 2. Donationis modalis,
 quam à simonia defendunt Suar. c. 39. n. 20. Tann.
 Fill. t. 25. c. 9. n. 30. & alii. 3. Potest etiam esse titulus
 laboris, debent enim illo die convenire, ibi hærere,
 negotia sua negligere, ergo jure pro hoc labore

F. a. aliquid

aliquid exigent, uti ait Bonac. de Simonia. d.1. q.6. p. 4., non commendat tamen hoc fieri Burgh., & meritò, qui enim acceptat tale jus præsentandi, acceptat obligationem exequendi gratis , uti mandat Ecclesia, ideoque Nicol. suprà, quamvis non planè reprobet, si Capitulum ab illo, qui promovetur ad beneficium , aliquid petat propter molestias congregationum, lecturam literarum &c., tamen meritò monet non faciendum.

§9. §. II. Qui accipit beneficium, obligando se ad præstandum homagium alteri, quo continetur temporale commodum ejus, cui præstatur, est simoniacus, uti expressè habetur cap. Ex diligentia de Simonia , sic enim emit beneficium pretio subjectionis vel servitii ; potest tamen se obligare ad fidelitatem Episcopo præstandam , uti notat Pirh. n.83. Vide etiam Leuren. p.3. q.747.

90. §. 12. Si Cajus det pecuniam Titio, ut Titius intercedat apud Sempronium , ut Sempronius intercedat apud Collatorem pro beneficio conferendo Cajo, aliqui apud Dian. p. 4. t. 4. R. 151. & iterum alii p. 11. T. 6. R. 31. censem non esse simoniā, sed longè plures, quos citant & sequuntur Castrop. t.17. d.3. p.11. n.4. Steph. d.11. n.39. Arsd. q.3. Rayn. n.26. & 30. Mendo d.1. q.23. longè probabilius affirmant esse, quæ sententia omnino tenenda est, quia illud premium saltem mediately datur pro beneficio idque directè ex intentione dantis, & intercessio illa est causa moralis beneficii concessi, ergo si emis intercessionem, virtualiter emis beneficium; erit tamen communiter simonia solius Juris ecclesiastici, quamvis uni tantum mediatori daretur pecunia, quia non emitur beneficium ipsum, sed intercessio, quæ non est sacra , prohibetur tamen emi Jure canonico apud Castrop. suprà.

§. 13.

§. 13. Dare pecuniam, non pro intercessione, sed
pro labore in eundo & redeundo ad collatorem,
aut pro damno ideo causato, vel pro lucro cessante,
aut pro dispendio temporis, quod ad interce-
dendum consumitur, & in quo negligitur utilitas
alioquin obventura, non est simonia, uti habet
communis apud *Dian.* p. 10. t. 15. R. 5. *Castrop.* n. 5.
Rayn. n. 30., plus tamen dari non debet, quam sit
labor vel damnum; quod si plus detur, v.g. centum
aurei, cum labor esset dignus tantum denis,
plerique cum *Lug.* in *Resp. mor.* L. 6. d. 4. n. 4. censem-
fore simoniam, *Rodrig.* tamen & alii dicunt,
quod plus est, censendum dari gratis, sed *Dian.* p. 6.
T. 7. R. 42. & alii dicunt hoc ultimum in praxi
non esse amplectendum: *Lug.* suprà dicit, si pro-
testeris & sincerè ita sentias, nempe, quod pro
labore velis dare decem, sive beneficium obtineas
sive non, & cum scias, quid deceat gratum homi-
nem, te dicere posse, quod habeas animum etiam
donandi reliquum, sed nolle ullam de eo obliga-
tionem suscipere.

§. 14. Si daretur pecunia, ut apud collatorem
solummodo exponerentur merita & dignitas
petentis beneficium, non autem intercederetur vel
urgeretur collatio, aliqui apud *Dian.* p. 11. T. 6. R. 31.
putant non fore simoniam, & consentit *Rayn.* n. 28.,
quia pecunia datur pro illo munere exponendi
merita, & finis proximus non est beneficium,
sed acquisitio bonæ opinionis apud collatorem;
addunt tamen id esse periculose, imò *Steph.* n. 39.
dicit omnino esse simoniam, quia intentio dantis
pecuniam hic & nunc non sistit in remuneratione
hujus laudis, sed tendit ad obtentionem beneficii,
ergo datur etiam ut pretium saltem mediatum
beneficii obtainendi.

- 93 §. 15. Non est Simonia, si detur vel acceptetur pecunia pro habendo facilitiori aditu ad Collatorem, ita *Suar.* & alii cum *Castrop.* p. II. *Mendo.* n. 297., hinc nulla erit simonia, inquit *Leß.* n. 109. & *Raynaud.* n. 35., si oeconomus Episcopi des pecuniam, ut admittaris in ejus familiam, id intendens, ut Episcopo per obsequia fias charus, & sic ab eo beneficium obtineas, tum enim non das pecuniam pro beneficio, sed pro opportunitate demerendi Episcopum & accipiendi gratis ab eo beneficium, & per pecuniam sternis quidem viam ad beneficium, sed remotè & indirectè, quod non est illicitū.
- 94 §. 16. Si des pecuniam famulo Episcopi, ut tibi statim notificet prima beneficia vacantia, *Castrop.* p. 3. n. 4. dicit esse simoniam, quia pretio paras viam ad beneficium, citatque pro se *Navar.*, sed *Nav.* loquitur de illo, qui tali famulo notificat vacare beneficium, & pensionem promittit, ut beneficium ei impetraret, in quo certum est esse simoniam, id autem non est in nostro casu, quia pretium non datur pro impetratione vel intercessione, sed tantum pro manifestatione illa beneficiorum vacantium, quæ videtur omnino remote & indirectè se habere ad beneficium.
- 95 §. 17. Simonia est, si quis non velit conferre Titio beneficium, nisi rogetur à Cajo, quem vult sibi habere obligatum, quia paciscitur de beneficio pro temporali alterius erga se vicissim obligacione, ita *Rayn.* n. 34. Si tamen hoc sine ullo pacto & obligatione peteretur, non esset Simonia, uti docent *Suar.* *Leß.* *Laym.* apud *Pirh.* n. 138., quia non haberetur ratio pretii seu commutationis pro re spirituali.
- 96 §. 18. Si quis ex vanâ gloria vel appetitu laudis conferat alteri beneficium, non est Simonia, uti

utì cum communi *Alloza v. Simonia. Sect. 2.n.33.*
addens per munus à lingua tunc solùm incurri
simoniam, quando ex illo speratur temporalis uti-
litas, dicitque hanc sententiam esse communem
DD.

§. 19. Est Simonia servire alteri finè salario,⁹⁷
cum pacto saltem tacito , ut loco salarii accipiat
beneficium, utì si quis dicat se velle servire gratis,
vel ob salaryum nimis modicum, & tamen hoc ipso
ex circumstantiis causet in eo, cui servit, obligatio-
nem ad remunerandum servitium per collatio-
nem beneficii, quod serviens per hoc intendit, ita
cum aliis *Rayn. n. 34.*, hinc plures cum *Pirh. n. 86.*
dicunt, si quis revera gratis serviat, non debere
servire principaliter hac intentione, ut beneficium
obtineat, alioquin fore Simoniam, quia intendet
illud æquivalenter emere isto servitio : addit
Carden. c. 5. a. 3., si serviat vel præstet temporale
obsequium etiam secundariò tantùm ex illo fine,
si per hoc moveat conferentem ad dandum bene-
ficium, fore Simoniam, quia præstat temporale
velut motivum dandi spirituale, quod est virtua-
liter illud commutare cum illo : Si tamen serviat
vel præstet obsequium primariò propter mer-
cedem, & secundariò habens spem obtinendi ab eo
beneficium, non est Simonia, si per hoc non inten-
dat movere collatorem ad compensandum illud
temporale per spirituale : imò si serviat vel
obsequia præstet omnino gratis aut pro pretio
impari laboribus , sed finè pacto etiam tacito,
quamvis cum spe beneficii, *Suar. Laym. Less.* aliique
cum *Rayn. n. 35.* & *Pirh. n. 135.* docent non fore Simo-
niam: addit *Sanch. apud Dian. p. 4. T. 4. R. 151.*, etiam
non fore , quamvis principaliter serviret ex spe
beneficii : se autem obligare ad dandum vel

permutandum vel resignandum beneficium ratione servitii ab altero praestiti vel praestandi , est Simonia, licet addatur conditio, si Papa consenserit, uti recte *Lef. in Auct. v. Simonia c. 2.*, licet enim consenserit in translationem beneficii, non tamen consentiet nec consentire potest in commutationem spiritualis pro temporali.

98 §. 20. Est Simonia, si quis obsequia temporalia famuli, quæ compensare debet mercede temporali, velit compensare beneficio Ecclesiastico, quia sic commutat spirituale pro temporali , quod est virtualiter vendere spirituale: Si tamen mercedem temporalem dederit parem servitio , & famulus ex occasione servitii invenerit gratiam apud collatorem , ideoque collator inclinetur & conferat beneficium ; item si famulus gratis serviērit, vel pro pretio impari laboribus, & Dominus vicissim propensus conferat ei beneficium, non erit Simonia, tunc enim praestita obsequia non habent rationem pretii, sed tantum conciliant benevolentiam, à qua procedit gratia beneficii : quamvis hoc ultimum non careat periculo & specie Simoniae, uti notant *Suar. & Laym.* apud *Pirh. n. 137.*, quod si collato beneficio alter pergeret servire sine salario, habendo beneficium in commutationem salarii, esset Simonia, uti cum aliis *Pirh. n. 86.* & *Rayn. n. 35.*

99 §. 21. Est Simonia sic pacisci cum aliquo, qui ministerium etiam spirituale praestat , habebis annuè pro stipendio centum aureos, donec curaverim tibi beneficium, cuius proventus tibi afferrant centum aureos , tūmque continuabis tuum spirituale ministerium : Sic enim fit permutatio ministerii spiritualis cum beneficio spirituali: omnis autem pactio & permutatio etiam rei spiritualis cum spirituali in materia beneficiaria est

est simoniaca: Si tamen Episcopus constituat alicui
è suis familiaribus pensionem, donec ei conferat
beneficium, non est Simonia, uti cum aliis *Alloz.*
S. 4. n. 35. Item, Si Episcopus, antequam alicui benefi-
cium conferat, ob aliquam causam ordinaverit
aliquid subtrahendum de fructibus beneficii confe-
rendi, & in pios usus expendendum, non est illicitum;
si vero ab eo, cui beneficium confert, requirat aliquid
sibi exhiberi de fructibus illius beneficii, idem est,
ac si aliquod munus ab eo exigeret, & non caret vitiis
Simoniae. *S. Th. 2. 2. q. 100. art. 4.* in fine.

§. 22. Si quis promittat alteri se magnam pecu- 100
niæ summam assignaturum in eleemosynam
pauperibus, vel pio loco, si conferat vel impetrat ei
beneficium, *Alloz. n. 30. & Soria apud Dian. p. II.*
T. 6. R. 31. dicunt non esse simoniam, quia inter titu-
los excusantes à Simonia est eleemosyna, uti
ex *Roccaf.* refert *Steph. d. II. n. 30.*, pro eadem sen-
tentia refert *Turr. Dian. p. 5. T. 14. R. 75.*, ex quo affert
hanc rationem, quia sicuti Pater non committit
Simoniā, si Filio offerat novam vestem sub con-
ditione & pacto, ut v.g. confiteatur & communici-
cat, quia non dat ut pretium rei spiritualis, sed
ut moveat ad exercendum opus virtutis; ita dans
aut procurans beneficium tantum movet ad opus
virtutis, quod est eleemosyna. Verum hæc solum
probant non esse Simoniā Juris naturalis ita
pacisci de dando beneficio sub onere dandi ele-
emosynam, est tamen & manet Simonia Juris
ecclesiastici, quo prohibentur omnes pactiones
in materia beneficiaria.

§. 23. Si Titius ad permovendum Patronum, 101
ut se præsentet, promittat reparare facellum,
in quo fundatum est beneficium, putarunt aliqui
esse

esse Simoniam, quia est pactio in materia beneficiaria, uti jam saepe dictum est, & Alexander II. Cap. Ex multis i.q.3. sic habet, ut nullus cuiuscunquam gradus Clericus pro Ecclesiae beneficio aliquid audeat conferre, aut fabricae Ecclesiarum vel donariis Ecclesiarum, seu etiam quod Pauperibus sit tribuendum, quia teste Scripturam, qui aliquid male accipit, ut quod bene dispenset, potius gravatur quam iuratur respondit tamen 9. Januarii 1700. Romin vir doctus non esse Simoniam, quia reparatio facelli est obligatio innata Capellaniis aut Vicariis, ergo de eius inire contractum non est aliud, quam assecurare reparationem, ad quam tenetur, eisimodi autem contractus non prohibentur, sed licet quisque se obligat ad faciendum id, quod postulatum beneficium sive officium.

Q. 19. An sit simonia dicere, confer mihi beneficium, intercede pro me &c. & ero tibi gratus. Si in genere id dicat & sincerè procedat sine intentione dandi temporale pro spirituali aut comprehendendi novam obligationem, sed solùm exponendi suam obligationem antidoralem, cui postea liberum sit satisfacere per quidcunque, non est Simonia, & hoc tantum volunt Authores aliqui præsertim apud Dian. p.10. T.15. R.5., quando dicunt licitum esse dicere se fore gratum, eò quod hæc verba non obligent, sed tantum dent spera, ut reciprocí temporalis commodi vel cuiuscunque alterius, quam spem cum alter licet habeat, etiam ego licet eam in ipso excito: recte tamen notant Carden. in 2. Crisi d.27.n.66. & Leur. p.3.q.745.n.4 si tales sint circumstantiae, ut his attentis promittat vel significet se determinatè daturum temporale, fore Simoniam, quia quamvis ea nuda prolatione istorum verborum id non significet, tamen

ex circumstantiis & communī modo loquendi, quem inter se satis intelligunt homines hoc tempore, verè significant promitti determinatē compensationem temporalem, idque ex obligatione aliqua saltem gratitudinis, distincta ab obligatiōne antidorali: quod à posteriori colligitur, nam si ille, qui beneficium accepit, nihil det temporale, censetur mereri nomen ingratī, pati debet exprobationem aut justum pudorem, ut inter homines persuasio est; sēpe etiam admonetur, ut gratitudini satisfaciat, ergo manifestum est adfuisse pactum saltem implicitum de dando temporali: hinc *Less.* in Auct. v. *Simonia*, cas. 3. recte monet cautē utendū esse talibus verbis, præsertim ubi ex consuetudine acceptantur tanquam obligatoria ad aliquid determinatum, ut ferè ubique fit his temporibus, & difficile est credere, inquit *Less.*, tantas summas postea dari ex pura gratitudine: unde *Carden.* n. 67. dicit per ista verba sic prolatā & acceptata incurri *Simoniā*, non tantū mentalem, sed etiam conventionalem subjectam pœnis Juris, quia illa verba ita inter illos accipiuntur, ut significant promissionem compensationis temporalis, ergo est *Simonia* non tantū in mente & in intentione, sed externis verbis ac signis expressa, ergo conventionalis.

Q. 20. *Quenam hic veniant sub nomine beneficii.* 103
R. Tantū resolvam de illis, circa quæ est dubium, an sinē *Simonia* emi vel vendi possint.

§. I. *Suar. Sanch. Less. Pirh. L. 5. T. 3. n. 100.* aliique plures cum *Diana* p. 4. t. 4. R. 156. probabilius dicunt officia regularia, ut Provincialatus, Prioratus, Rectoratus &c. includi sub nomine beneficii, adeoque esse materiā *Simoniæ*, etiam in ordine ad incurendas pœnas, quia sunt beneficia regularia:

tamen

tamen etiam probabiliter contradicunt Barb. Peirin. Az. Bon. & Mendo d. 1. n. 311., quia proprietate & absolute non dicuntur beneficia ecclesiastica in materia autem poenali, verba non sunt amplianda à propria significatione, sed potius restringenda: hinc infert Sanch. in Cons. L. 2. c. 3. d. 44 non esse Simoniam sic pacisci, elige me in Provincialem, & ego te eligam in Priorem, quia pactio & permutatio in rebus spiritualibus tantum prohibetur in materia beneficiaria, uti dicetur à n. 112.

¹⁰⁴ §. 2. nomine beneficij non veniunt Commenda Equitum Hierosolymitanorum, quia licet dentur solis Religiosis professis, tamen dantur titulo laico & pro tempore i militiae ministerio, professio vero est tantum conditio sine qua non, ita Lez. Suar. L. 4 c. 27. n. 6. Barb. de Jure Eccles. L. 3. c. 7. n. 9. Castrop. t. 17. d. 3. p. 13. n. 13. & Theologi communiter cum pluribus Canonistis apud Dian. in Summa v. Simonia n. 4. contra Az. Torres Paris. Garz. p. 1. c. 4. Sperell. decis. 21. Fori Eccles. n. 37: ideoque cum prioribus docet Dian. p. 3. Tract. 2. R. 62, non fore Simoniam, licet daretur premium pro impetrando Ordine Equestri, quia licet Ordines tales ordinentur ad divinum cultum, tamen pro fine ulteriori, qui hic spectari debet, habent quid temporale, nempe militiam: docet quoque Dian. P. 6. Tract. 8. R. 17. cum Suar. & aliis multis, quod Commendae Melitensium non sint beneficia, sed dentur in stipendiis pro servitiis non spiritualibus, adeoque non sint materia Simoniae, advertit tamen Castrop. supra cum Suar. & aliis, fore injustitiam, si Superiores vel Magistri Ordinum eas Commendas venderent, quia non sunt Domini, sed dispensatores, & quidem Papae subordinati, qui non consentit vendi, sed bene meritis vult distribui; possunt

possunt tamen donari cum onere & obligatione exhibendi aliquod temporale munus, v.g. eundi in Africam, serviendi, solvendi pensionē pro necessitate; possitque etiam Pontifex dare potestatem eas vendendi.

§.3. Quamvis Præbendæ Canonesarum non sint propriè beneficia, tamen esse materiam Simoniae resolvit S. Congregatio sub Eminentiss. Emmerix anno 1692., uti in hanc provinciam rescripsit noster Revisor Hispanus: Aliqui tamen cum Leur. p. 2. q. 722. putant distinguendum, & id admittunt de Canoniis, quarum fundatio primitus fuit religiosa sive Monialium, si per præscriptionem neccundi sint secularizatae; negant autem de aliis fundatis, v. g. à Parentibus nobilibus pro educatione filiarum, quia haec ab Ecclesia non censentur erectae aut positivè approbatæ tanquam præbendæ spirituales. Vide dicenda L. 4. à n. 229.

§.4. Capellaniæ authoritate Episcopi non erectæ, non sunt beneficia, nec materia Simoniae, uti cum aliis *Castrop.* n. 14; similiter hospitalia, si auctoritate Episcopi erecta non sint, neque sub ejus cura existant, quamvis sint pia loca, non sunt ecclesiastica, consequenter nec materia Simoniae, *Suar.* n. 11. & alii cum *Castrop.* n. 15: si autem auctoritate Episcopi instituta sint, & existant sub ejus cura, ac simul secum afferant administrationem spiritualē, sunt materia Simoniae secundum *Suar.* & alios suprà: si autem functionem spiritualem non habent, sed tantum regimen temporale, cum tota solicitudine pertinente ad curam infirmorum, non est saltem Jure divino Simonia vendere administrationem: videtur tamen esse Jure humano, quia prohibetur venditio administrationis rerum Ecclesiasticarum, quales ex Instituto Ecclesiæ sunt bona

94

bona temporalia talium hospitalium, uti tenet
Suar. & alii cum Castrop. supra.

107 §. 5. Docent communiter omnes, quod offici
ad nutum revocabilia, uti sunt Vicarius tempo
ralis, officium Legati, non sunt materia Simoniae.
Similiter officia Ecclesiæ temporalia, uti sun
Procuratoris rerum temporalium Ecclesiæ, Advo
cati, Syndici, Judicis ab Episcopo constituti
in locis, ubi habet temporalem jurisdictionem, item
Dispensatoris seu Oeconomi, Sacristæ vel Custo
dis, non sunt materia Simoniae Juris naturalis, qui
in se nil spirituale habent: si tamen soleant exerceri
per Clericos, venditio illorum est prohibita Jun
Ecclesiastico tanquam simoniaca, *Suar. c. 29. n. 3*
Pirh. n. 121. Quod si exerceri soleant etiam per laicos
vendi poterunt, *Silv.* & *Pirh.* ibidem. Functiones
tamen ejusmodi officiorum nullo Jure prohiben
tur vendi, cum sint mere corporales, *Suar. n. 13*
Pirh. n. 122. Etiam videri potest de illis *Ills. T. 5. n. 31.*

108 §. 6. Coadjutoriæ beneficiorum, quæ nihil aliud
sunt, quam quædam facultates auctoritate Ponti
ficii concessæ exercendi officium, quod proprie
tarius exercere tenet, tametsi cum futura succe
sione concedantur, beneficia non sunt, hinc
non sunt materia Simoniae Juris Ecclesiastici vel
naturalis, si quid tempore detur solum in susten
tationem admittentis Coadjutoriæ, *Castrop.* supra
hæc enim sustentatio ipsi debita est. An autem
præstimonium, titulus, Commenda aliaque simi
lia sint strictè beneficia vel materia Simoniae, dice
tur L. 4. à n. 217., item de Vicariatu Episcopi, Offi
cialatu, & quibusdam aliis, vide dicenda hic n. 214.

109 Q. 21. Cur beneficiorum permutatio propriæ auth
oritate facta sit simoniaca. R. §. 1. Caram. putat
ideo esse, quod Papa tollat ab uno beneficio
spiritua-

f. 6

spiritualitatem , & sic pro temporalitate unius detur spiritualitas alterius. *Contrà est*, i. Papa vult utrumque beneficium manere invendibile, impermutabile & annexum suo officio spirituali, ideo enim ex motivo Religionis prohibet venditionem & permutationem utriusque , quia utrumque est spirituale & manet tale, propter connectionem cum officio spirituali, ergo à neutrò tollit spiritualitatem. 2. Papa non determinat, quodnam ex illis determinatè fiat temporale, neque fundamentum est dicendi hoc potius fieri quàm illud, ergo neutrum fit temporale ; sed neque indeterminatè tantùm vult unum esse temporale, tum quia hoc gratis fingitur, tum quia temporalitas debet subjecto determinato convenire , utì albedo , tum etiam quia Papa vult utrumque esse & manere spirituale, utì dictum est, ergo.

¶. 2. *Carden. in I. Crisi d. 67. c. 3.* dicit esse ideo, quia spirituale commutatur cum temporali, nam temporale, quod est in beneficio A., est extrinsecè spirituale, propter nexus, quem habet cum spirituali, ergo beneficium A. est saltem partialiter spirituale : similiter beneficium B, ergo cùm totum beneficium A. detur pro toto beneficio B, utrumque datur aliquid saltem partialiter spirituale pro aliquo saltem partialiter temporali. *Si dicas*, singula habere aliquid spirituale & aliquid temporale, spirituale autem commutari cum spirituali, & temporale cum temporali: *Reponis*, id gratis fingi, nisi enim accedat authoritas Superioris, temporale, quod inest, nequidem virtualiter separatur à spirituali, sed sunt moraliter unum, ergo dici non potest, quòd spirituale respondeat soli spirituali , & temporale soli temporali , sed tempo-

temporale spiritualizatum totum indivisibiliter
dabitur pro temporali spiritualizato, ergo aliquid
partialiter spirituale commutabitur cum aliquo
partialiter temporali, quod est simonia Juris natu-
ralis. Confirmatur, nam si accedit authoritas Supe-
rioris, tum permutatio non erit simoniaca, quia
Jus temporale percipiendi fructus per dispensa-
tionem virtualiter separatur ab officio spirituali,
per hoc nempe, quod eo modo permittatur con-
tractus circa Jura illa temporalia, atque si non
essent annexa spirituali, qualiter etiam sit virtualis
separatio; si vendatur calix consecratus, ergo
est contraria si Ecclesia id fieri prohibeat, uti prohibet
in beneficiis, tempore & spirituale sic manebunt
connexa, ut quod datur pro uno, censeatur dari
etiam pro altero. Hæc explicatio est probabilis; sed

III. §. 3. Simonia, quæ intervenit in permutatione
beneficiorum, facilitis explicatur dicendo, quod sit
Simonia Juris Ecclesiastici tantum, nam Lex facit
objectum suum esse materiam illius virtutis,
ex cuius motivo lex ponitur, uti explicatum est
L. I. n. 626., Ecclesia autem talen permutationem
prohibuit ex motivo Religionis, ne res spirituales
subjiciantur humanis contractibus, & tractentur
instar profanarum, & maxime, ut caveatur peri-
culum commutandi res spirituales cum tempora-
libus, quod periculum est in beneficiis, quibus
annexum est Jus percipiendi temporalia, quorum
posset haberi major ratio, quam rei spiritualis,
ergo id prohibendo facit transgressionem esse
simoniacam irreverentiam erga res spirituales,
sicuti præcipiendo ex motivo reverentiae, ut jejuni
communicemus, facit, ut communio sumptuosa
& non jejuno sit sacrilega.

Quomodo in permutationibus, resignationibus,
consti-

constitutionibus pensionum, committatur Simonia, dicetur Lib. 4., quando de illis agetur.

Q. 22. *An omnis permutatio rei spiritualis* ^{II.2} *cum spirituali sit simoniaca.* **R. §. 1.** *Dictum est esse in materia beneficiorum, uti si duo ita paciscantur, do tibi meum suffragium in hac electione, & tu dabis mihi tuum in alia; tu elige nepotem meum ad hoc beneficium, & ego eligam tuum ad illud &c., ita cum aliis Rayn. de benef. L. 2.* **S. i. c. 2. n. 32.**, si tamen sine pacto & obligatione ulla dicerent, fave mihi nunc tuo suffragio, & ego vicissim tibi aliâ vice favebo, *Alloza V. Simonia* **S. 2. n. 28.** dicit non esse Simoniam, quia est tantum petitio vel oblatio favoris liberè præstandi vel negandi; res tamen periculosa est, & ideo fugienda, quia vix aberit pactum tacitum & suscep^tio alicujus obligationis.

§. 2. *Pacisci de beneficio alicui dando pro suffragio in electione, est Simonia, uti patet ex haec tenus dictis, quia est permutatio rerum spiritualium in materia beneficiaria, quæ prohibetur ab Ecclesia, ita cum aliis Pirb. L. 5. T. 3. n. 87.*

§. 3. *Permutatio rerum aliarum spiritualium* ^{II.3} *etiam privatâ authoritate facta, non est simoniaca, neque ullo Jure prohibita, ita cum aliis Raynaud. suprà: unde est licitum permuteare calicem cum calice, Reliquias cum Reliquiis, &c., item licitum est sic pacisci, tu lege pro me Sacrum, & ego pro te orabo, vel dabo eleemosynam, ita Suar. c. 30. n. 5. & c. 31. n. 20. Pasq. de Sacrif. q. 919. Dian. P. 4. Tract. 4. R. 150. Pirb. n. 124. aliique communiter, ratio est, quia Jura tantum prohibent permutatio-nes in materia beneficiaria, ergo cum hæc sint odiosa, non debent extendi ad alias materias; neque ulla irreverentia est, si una res spiritualis sit*

G

velutī

velutī pretium pro altera spirituali. Addit *Hann*
de Justitia T. 6. T. 2. n. 568. posse rem ejusmodi spi-
tualem cum altera permutari, v. g. Ecclesiam
cum Ecclesia, quamvis excessus valoris uniu-
suppleri deberet per pecuniam, id enim conceditur
Cap. Ad quæstiones de rerum permutatione: &
universaliter licet sunt pactiones vel transactio-
nes propriâ authoritate factæ in aliis materiis
ut si contentio sit de Jure spirituali, posse
inter Episcopos vel alios fieri transactio, ut alter-
natim visitent, præsentent, elegant: item ut uni
jurisdictionem, alter provisionem beneficiorum
*habeat, *Suar.* c. 51. n. 8.*

115 *Objici potest, quod Cap. Quæstum, ibidem, dica-*
tur, Pactio circa spiritualia vel connexa spiritualibus
labem semper continet Simoniae. R. Sermo ibi ei
de permutationibus Præbendarum, non autem
aliarum rerum spiritualium.

116 Q. 23. *An vendere beneficium Ecclesiastichum*
fit Simonia Juris divini seu naturalis. R. §. 1.
*Negant plerique Canonistæ cum *Garzia* de bene-*
p. I. c. 2. n. 8; Canonistas sequuntur aliqui Theologi
*inter quos est *Less.* de Just. L. 2. c. 35. n. 26. & *Carden**
*in I. Crisi d. 67. n. 11. & 21. Alii apud *Suar.* c. 24*
n. 10. negant de beneficio simplici non habent
annexam jurisdictionem, affirmant autem
de curato; sed de utrisque videtur esse eadem ratio-
nam hæc & illa habent annexum saltem officium
*spirituale. Itaque Ratio *Cardenæ* est, quia cum bene-*
ficio insit jus percipiendi annuos proventus,
licet annexum sit officio spirituali, est tamen
realiter diversum ab illo, ergo vendi potest
(stando in Jure naturæ) tanquam jus ad aliquid
temporale, sicuti calix consecratus potest vendi
ratione materiae & formæ artificialis secundum si
pretio

pretio æstimabilis, licet illis annexa sit consecratio spiritualis: ideo autem venditio beneficij est simoniaca, quia sacris Canonibus est prohibita intuitus religionis, uti n. III. dictum est.

§. 2. Notandum cum S. Bonavent. & Suar. à n. 12., ¹¹⁷ hæc duo valde distingui, temporale annexum spirituali, temporale cui annexum est spirituale: tum dicitur temporale annexum spirituali, si spirituale presupponatur, sítque veluti fundamentum & præcipuum, cui adjiciatur, & in quo fundetur temporale, & ita se habet res in beneficio, in quo primum & principale velut præsuppositum est officium spirituale, cui annexitur jus percipiendi temporales fructus. Tum dicitur temporale, cui annexum est spirituale, si temporale presupponatur tanquam primum, quod etiam principaliter attendatur, & ita se habet calix consecratus, in quo materia & forma artificialis præsupponitur, illi autem adjicitur consecratio spiritualis, & talern rem posse vendi dicemus à num. 152. Hoc supposito,

§. 3. Videtur probabilius, quod vendere beneficium Ecclesiasticum sit Simonia Juris divini seu naturalis, ita multi cum Rayn. L. 2. S. 1. c. 10. à n. 10. & Pirh. L. 5. T. 3. à n. 75. ; estque etiam S. Th. 2. 2. q. 100. art. 4. O., & eandem tenent plerique alii Theologi apud Garz. n. 10. Ratio est, quia licet beneficium habeat aliquid temporale, tamen hoc temporale est annexum alicui antecedenter spirituali, ita ut spirituale sit præsuppositum & præcipuum; talia autem sunt intrinsecè invendibilia, uti recte Suar. supra aliisque communiter, & dicetur à n. 152., ergo. Confirm. ex principiis Cardenæ relatis n. 110, nam temporale, quod inest beneficio, si authoritas Superioris non accedat, nequidem virtualiter.

separatur à spirituali , sed est moraliter unum cum illo, ideoque vocatur temporale spiritualizatum, ergo hoc ipso, quod venderetur temporale, etiam venderetur spirituale, ergo esset Simonia Juris divini & naturalis. Et hoc pertinet dictum Paschalis Papæ, Cap. Si quis objecerit, 7. caus. 1. q. 4. Quisquis horum alterum vendit, sine quo nec alterum provenit, neutrū invenditum derelinquit. Et haec confirmabuntur in q. seq., nam est contra justitiam vendere beneficium , ergo est contra Iustitiam naturale.

119 Q. 24. An sit etiam iniquitia, dare beneficium aliud spirituale pro pretio temporali. R. §. 1. Esse iniquitiam, uti patet ex prop. 22. ab Alex. VII. damnata. Non est contra justitiam beneficia non conferre gratis, quia collator conferens illa beneficia Ecclesiastica pecunia interveniente, non exigit illam pro collatione beneficii , sed veluti pro emolumento temporali, quod conferre non tenebatur.

120 §. 2. Difficultas est in explicando, cui & cur sit iniuria : Aliqui dicunt fieri Deo, quia solus Deus est Dominus rei spiritualis, homo autem tantum dispensator, uti habetur I. ad Cor. 4., ergo qui rem spirituale usurpat invito Deo , facit Deo injuriam, sed qui dat beneficium pro pretio, ille usurpat rem spiritualem invito Deo, qui Matth. 10. dicit. *Gratis accepistis, gratis date,* ergo qui dat beneficium pro pretio , facit injuriam Deo. Verum dicendum est per hoc fieri Deo iniuriam latitudinem tantum, non autem strictè , quia Deus nullā re privatur, néque de hac iniquitia loquitur damnatio.

121 §. 3. Talis collatio beneficii est inusta respectu illius , qui dato pretio accipit illud beneficium, quia conferens accipit pretium, & tamen vicissim de-

de suo nihil dat pretio æstimabile, nam fructus non dat, cùm necdum existant, nec ad ipsum pertineant, sed ad possessorem beneficij tum futurum; Jus autem ad illos est spirituale vel spirituali ita annexum, ut spirituale præsupponatur, & temporel semper fundetur & referatur ad illud; spirituale autem vel aliquid sic connexum cum spirituali propriè non spectat ad hominem, sed illius Dominus est solus Deus, & saltem tale aliquid non est pretio temporali æstimabile, ut in quæst. præced. dictum est, & iterum dicetur à n. 152., ergo conferens accipiendo pretium nil dat vicissim de suo, quod fit pretio æstimabile, ergo facit injuriam danti pretium: atque ex hoc patet rectè damnatam esse propositionem relatam.

§. 4. In aliis materiis Simoniæ, ubi aliquid spirituale datur pro temporali, *Castrop.* T. 17. d. 3. p. 1. n. 6. dicit quandoque intercurrere injustitiam, quandoque non, si enim vendens non ideo patiatur incommodum, nec amittat ullum emolumen-
tum, dicit fieri injuriam ementi, quia vicissim nihil fit huic pretio æstimabile; si autem vendens patiatur incommodum, vel amittat emolumentum, dicit non fieri injuriam, quia pretio respondet aliquid, quod est pretio æstimabile, & ita etiam sentiunt *Swar. Val. Bonac. Laym. Fil. Az. Lugo de Just.* d. 18. n. 53. *Rayn. L. 2. S. 1. c. 4. n. 10. Pirb. L. 5. T. 3. n. 175.*, verum sententia illa est quidem vera, si temporel detur velut pretium incommodi vel amissi emolumenti; si tamen temporel comparetur ad spirituale, & detur velut ejus pretium, omnino fiet injuria ob rationem antè datam.

Q. 25. An ergo beneficia Ecclesiastica nihil in se 123
habeant, quod posset esse vendibile absque Simonia
vel injustitia. R. Quamvis per beneficium
G 3 commu-

communiter nunc intelligatur complexū aliquod partim ex Jure exercendi aliqua ministeria spiritualia, partim ex Jure percipiendi fructus temporales ob tale ministerium, tamen, strictè loquendo, Jus exercendi ministeria spiritualia, dicitur Officium; Jus autem percipiendi fructus temporales simpliciter vocatur beneficium seu Præbenda. Quod ad Officium spectat, certum est illud esse intrinsecè invendibile, quia supposita institutione Ecclesiæ est spirituale, ergo pretio temporali inestimabile, quia spirituale est alterius & plane superioris ordinis. Quod attinet ad Præbendam, certum quoque est ex hac tenus dictis esse invendibilem Jure Ecclesiastico, & latè probat Rayn. c. 10. à n. 7.; quod autem sit invendibilis etiam Jure divino & naturali, diximus tanquam probabilius n. 118.; si tamen talis Præbenda five Jus ad fructus auctoritate Papæ (qui solus id potest) separaretur ab Officio, ita ut fructus non amplius solvi deberent ratione Officii, sed ex alio titulo vel causa, v. g. ob liberalem donationem Papæ propter obsequia temporalia Ecclesiæ præstata &c. tale Jus percipiendi fructus, pretio temporali emi-
ac vendi posset etiam laico, uti rectè Suar. c. 24. n. 23. & 25. Less. de Just. L. 2. c. 35. n. 19. Rayn. à n. 13.

An pensio fit aliquid spirituale aut vendi possit, dicetur Lib. 4. n. 1118. & 1172.

124 Q. 26. An sit Simonia vendere vel locare Decimas aut fructus beneficiorum. R. §. 1. Si per Decimas intelligantur ipsi fructus, qui ex alieno fundo colliguntur, v. g. frumentum, vinum, certum est, quod liceat hos vendere vel elocare alteri pro annua pensione, quia nihil sunt spirituale, nec de se spirituali annexum: si autem per Decimas intelligatur Jus directum decimandi, hoc Jus est

est invendibile, quia est spirituale vel spirituali antecedenti annexum : potest tamen Jus decimandi, quod est in uno loco, permutaricum jure decimandi in alio, secundum dicta n. 114. Denique si per Decimas intelligatur Jus utile decimandi, si illud auctoritate Papæ vel consuetudine separatum sit à Jure directo , quod semper manet penes Ecclesiam , illud poterit laicis competere & vendi atque emi, ita Engel L. 5. T. 3. n. 22. Similiter si Jus decimandi tibi laico à Papa sit concessum, poteris vendere sine Simonia, *Alloza v. Simonia* Sect. 4. n. 41. & alii.

§. 2. Communis est sententia, licere Beneficiato ¹²⁵ locare fructus saltem ad breve tempus , quia locatio non inducit separationem à titulo beneficii, uti cum *Suar.* docet *Pirh.* n. 78. Et quamvis in Extravag. *Ambitiosæ* solum triennium concedatur, tamen communis sententia est eam restrictionem non esse plerisque locis receptam, uti testatur *Tolet.* apud *Rayn.* c. 2. n. 25 ; & *Castrop.* p. 13. n. 5. dicit nullibi ferè esse receptam, hinc ubi recepta non est, poterit fieri locatio etiam ad tempus vitæ, ita *Haun. de Just.* T. 6. T. 2. n. 567.

§. 3. Præsentatus, sed à Papa vel Episcopo ¹²⁶ necdum confirmatus, non potest percipere fructus, nisi velut administrator , sequestrando illos, donec obtineatur collatio tituli & confirmatio, unde priùs non poterit de illis absolutè disponere vendendo vel locando, fructus tamen debentur Præsentato, si confirmetur, *Leß. in Auct. v. Simonia,* c. 8.

Q. 27. An sit Simonia vendere vel elocare ¹²⁷
Jus Patronatus. R. §. 1. Jus-Patronatus est potestas nominandi vel præsentandi Clericum promovendum ad beneficium Ecclesiasticum vacans.

Est autem duplex, vel personale, quod persona est affixum; vel reale, quod rei, v.g. arcis nobili adhæret: estque semper merè spirituale secundum *Suar. c. 26. n. 7. Laym. L. 4. T. 21. c. n. 60. contra Lott.* de re benef. L. 2. q. 9. n. 5. & *Leurenium p. 2. q. 25.* partim quia principium habet à potestate Ecclesiastica, per quam beneficia instituuntur, partim quia ordinatur ad beneficium Ecclesiasticum: & quamvis secundum *Azor* aliósque Canonistas communiter cum *Pirh. L. 3. T. 38. n. 5.* sit tantum antecedenter annexum spirituali, non potest tamen per se & solitariè vendi vel elocari sinè Simonia, uti ex Jure & ratione pluribus probant *Pirh. n. 71. Suar. c. 28. n. 7. Leuren. q. 27.*

I28 §. 2. Jus patronatū reale transfire potest ad emptorem per accidens & ratione rei, v.g. arcis venditæ, cui annexum est, uti cum aliis *Lott. n. 47. Pirh. n. 72*; si tamen res, cui Jus Patronatū est affixum, ideo pluris vendatur, est simonia, ita *Azor* aliique coniunctus cum *Castrop. T. 13. d. 2. p. 4. n. 10. contra Garz.* de benef. p. 5. c. 9. n. 35, cui favet *Molin. de Just. T. 3. T. 3. d. 620. n. 6.*, quorum sententiam *Castrop.* dicit non esse improbabile, ex hac ratione, quia Jus illud Patronatū reddit rem multū estimabilem ratione temporalitatis annexæ, v.g. præcedentia, honorificentioris loci &c., quæ debentur Patrono ante alios; sed standum est in prima sententia, alioquin etiam liceret aliquid temporale dare pro quavis dignitate Ecclesiastica, ad quam sequitur præcedentia vel honorificentior locus.

I29 §. 3. Si vendatur Jus Patronatū, vel per se & principaliter, vel etiam per accidens tantum ratione rei, cui annexum est, quæ ideo pluris vendatur, ob hoc ipsum tam Jus illud, quam pretium illi

illi respondens amittitur ; estque suspicio vendi ideo pluris , si in contractu de eo fiat expressa mentio ; in dubio tamen presumendum est, quod mentio fiat, non ratione venditionis , sed ut emptor sciat Jura bonis venditis annexa, ita post alios Engel n.25. & Pirh. n.75. Vid. Leur. q.67. n.6.

§. 4. Si Jus Patronatis non sit annexum rei, sed ¹³⁰ immediate insit personæ, certū est vendi non posse vel elocari, Castrop. n.12. Corr. p. 5. c.9. n.46. Imò nequidem potest sine consensu Episcopi per donationem transfire in Laicum, sed tantum ad personā sacram vel pium locum , estque aliàs donatio invalida, ut ex decisione Rotæ tenet cum pluribus Canonistis Barb. de Off. Episc. alleg. 71. n. 23., non est tamen simoniaca, inquit Raynaud. n. 39., cum sit libera donatio. Addit cum Pirh. n.39. & 74; si quis sit hæres etiam voluntarius & extraneus Patroni habentis tale Jus personale, hoc Jus etiam sine consensu Episcopi à tali persona ad hæredem transfire.

§. 5. Si res, cui annexum est Jus Patronatis, ¹³ ad longum tempus elocetur, v.g. ad 10. annos, communis sententia cum Garz. de benef. p. 5. c. 6. n.10. dicit esse conductoris è contrà si ad modicum tempus elocetur, Abb. & Pirh. n.76 dicunt non elocari Jus Patronatis, sed manere apud locatorem ; Barb. putat pro illo tempore transfire ad Conductorem, & consentit Castrop. n.13; prior tamen sententia est communior, & ad tollendum dubium debet Locator vel sibi expressè retinere , vel conductori committere, ut suo nomine præsentet, quando beneficium vacabit. Vide Leuren. q.52.

§. 6. Jus Patronatis permutari potest cum alia re ¹³² spirituali, ut dicetur Lib. 4. n. 347, ubi à n. 330. plura addentur de Jure Patronatis.

133 Q. 28. *An sit Simonia, pro beneficio pecuniam dare Patrono hæretico.* R. §. 1. *Leß. in Auct. v. Beneficium, casu 6.* absolutè affirmat, ideoque consultit, ut à Papa petatur collatio, simùlque dispensatio, ut cum Patrono hæretico transigi possit de fructibus; éstque sententia hæc tūtior & communior.

134 §. 2. Si hæreticus (idem est de excommunicato) sit publicè denunciatus, amisit Jus Patronatūs, unde frustra ab illo peteretur nominatio, ita *Nav.* & alii cum *Sanch.* in *Conf. L. 2. c. 3. d. 51. n. 10:* Si autem non sit publicè denunciatus, uti non sunt in his partibus, *Covarr.* & *Henriq.* adhuc dicunt amisisse Jus Patronatūs, quamvis Ecclesia ob causas in hoc dissimulanter se gerat, & permittat eos agere, atque si Jus haberent: ex quo deducunt aliqui, si hæretico tali detur pecunia, non dari pro re spirituali, circa quam ipse nullam potestatem habet, sed dari pro nihilo, & quidem illi, qui tantum impedire potest, non autem juvare, adeoque non committi Simoniam: sed contraria sententia, quod nempe in hæreticis toleratis maneat Jus Patronatūs, longè communior est & probabilior, quam probat *Sanch.* de matr. L. 3. d. 22. à n. 31., unde ex hac causa non excusaberis à Simonia, si pro beneficio des pecuniam Patrono hæretico.

135 §. 3. Probabile est non esse Simoniam, si des pecuniam Patrono hæretico, qui alioquin beneficium illud erat collaturus Acatholico, vel etiam Catholico certò indigno; aut sibi retenturus; etiam si contingat, ut occasione datæ pecuniæ tibi conferatur beneficium. Ita cum aliis multis *Arsd.* T. 2. P. 2. T. 6. q. 11. & *Verj.* in *Past. Miss. T. 4. a. 11. & 12.* Ratio est, quia primaria intentio offerentis premium est & esse debet, redimere vexam Ecclesiæ, quæ

quæ Jusacquisitum habet, ut beneficia conferantur idoneis Ministris, & vexatur injustè, si conferantur hæreticis vel indignis, aut si maneant inter manus hæreticorum; talem autem vexam redimere licitum est etiam illi, qui non habet Jus in beneficio, uti dicetur à n. 138.; quo posito non est illicitum sperare aut se offerre ad tale beneficium, nam cùm debeat uni conferri, quamvis vi pretii mei non voluerim nec potuerim Patronum obligare ad conferendum mihi, tamen jus petendi habeo æquè ac alius; in dò nunc congruum est, ut mihi potiùs detur quàm alteri, quia Ecclesiæ bonum procuravi, ergo & agere possum, ut mihi conferatur; nec censebor per pecuniam mihi parâsse viam ad beneficium, nisi remotè & indirectè, quod nullo Jure prohibetur.

§. 4. Consequenter docet Verj., etiam posse ¹³⁶ aliquem oblato pretio in simili circumstantia vexatæ Ecclesiæ transfigere cum Beneficiato hæretico vel indigno pro resignatione talis beneficii; in partibus tamen catholicis hæc non licent, quia Ecclesia hic non ita vexatur, sed potest per se remedium adhibere, repellendo inhabiles vel indignos.

§. 5. Quando beneficium debet à Patrono hæretico sine perniciosa dilatione conferri, vel conferendum erat Catholico digno, non est licitum offerre prerium, multò minùs est licitum, ut Catholicus competitor plus offerat, quàm obtulerit prior alias competitor catholicus, nam hic non redimeretur vexa Ecclesiæ, sed ad summum propria vexa illius, qui beneficium petit, nulli autem licitum est in re beneficiaria redimere propriam vexam, nisi habenti Jus acquisitum in beneficio, uti jam dicerur.

Q. 29.

138 Q. 29. Quomodo in his & similibus licitum sit vexam redimere. R. Constat ex seqq. §. 1. Qui habet Jus spirituale in re acquisitum, potest pretio redimere omnem vexam injustam, quā quis vult, aut probabiliter timetur velle tollere ipsi Jus illud, est communis omnium cum S. Th. 2.2.q.100.a.2.ad 5.Castrrop. T.17.d.3.P.20.n.1.Pirb.L.5. T. 3. n. 105. Laym. Corr. Lott. Leuren. p.3.q.749. n.1, unde, inquit Lefsi. in Auct.v.Simonia,c.8.licitum est pacisci cum vexante de parte fructuum illi danda: Ratio est, quia tum non das premium pro re spirituali, hanc enim habes, sed pro liberatione ab injuria, quae est quid temporale & pretio aestimabile; unde & vexans, qui tale premium recipit pro cessatione ab injuria, non erit Simoniacus, sed tantum injustus, Suar. de Relig. T.1. L.4. c.50. n.14.

139 §. 2. Si quis justè vexetur vel impugnetur circa aliquod Jus spirituale jam in re obtentum, ut si agatur de eo ob delictum privando, Simonia est pretio vexationem redimere, ita Suar. n.10. Pirb. n.107. aliisque cum Dian. P. 11. T.6. R.31. contra Pasq., qui dicit non fore Simoniam, si redimas ab illo , qui non habet obligationem vexandi, quamvis justè vexet; sed ratio nostra est, quia tum Jus illius non est firmum, sed auferibile, ergo qui tum vexationem redimit, reipsa emit fibi Jus firmum & ut habendum pro futuro. Si dicas, premium dari directè tantum pro removenda vexa: Contra est, saltem erit Simonia Juris Ecclesiastici, ut docet Tanc. apud Dian. suprà, & dicetur n. 145.

140 §. 3. Si obtainueris Jus spirituale per indubitatam institutionem , & impediariis injustè à capienda possessione, licebit tibi pretio vexam redimere; viderur esse S.Th. suprà, Postquam Jus alicui jam acquisitum est, licet per pecunia injusta impedimenta remo-

removere : Id absolutè docent *Rodriq. Vega, Arrag,*
Suar. n. 31. Castrrop. n. 3. Diana P. 5. Tract. 14. R. 3.
Rayn. L. 2. S. 1. c. 2. n. 37. Pirh. n. 111. contra Lotz. Garc.
Corr. Ratio est, quia possessio non est spiritualis,
 nisi ratione tituli seu Juris, cui annexa est, ergo
 acquisito titulo & Jure , pretium non datur
 pro aliquo spirituali , sed tantum ad tollendum
 iustum impedimentum possessionis , quæ
 illi titulo debita est , & consistit in aliquo facto
 merè temporali, sicuti si haberes Jus acquisitum
 decimandi , posse dare pretium pro obtainendis
 actu Decimis, ut sic in actum temporalem posses-
 sionis venires, nisi Ecclesia hoc specialiter vetuisset
 ob alias causas, v.g. ne laicis detur occasio avaritie
 vel iustitiae.

§. 4. Si necdum indubitate & pacifice obtentum
 sit Jus, sed alius etiam habeat Jus probabile, uti
 si duo acceperint collationem , institutionem,
 possessionem, Simonia est dare pretium pro Jure
 tibi firmiter & sine controversia acquirendo ; aut
 etiam, si necdum acceperis, pro accipienda posse-
 sione, ita *Suar. Castrrop. Less. c. 5. Pirh. Leur. n. 5.*
Sylv. P. 1. v. Beneficium, c. 2. contra Pasq. apud Dian.
P. 11. T. 6. R. 31. Ratio est, quia tum datur pretium,
 non pro nuda possessione , sed simul pro Jure
 necdum plenè acquisito ; sed neque est redemptio
 vexæ iustæ, cum enim alter habeat Jus proba-
 bile, non vexat iuste, dare autem pro redimenda
 vexa justa est simoniacum.

§. 5. Simonia est, si des pecuniam aut etiam
 aliud beneficium , ut alii competitores desistant
 Jus suum prosequi in hoc beneficio , aut ut non
 opponant causas seu justas prætensiones : Ratio
 jam data est , quia redimis vexationem justam,
 parásque directe tibi viam ad beneficium
 per

per pecuniam, aut per permutationem beneficii,
hoc autem est simoniacum, ita S. Th. Suar. Leß.
Barb. Castrop. suprà. Beia P.2. Cas.3. Engel L.5. T.3.
n.31. Raynaud. n.38. contra Pasq., qui insuper dicit
non esse Simoniam dare pecuniam alicui,
ne in electione opponat exceptionem, quam jure
potest opponere; item non esse, si det concurrenti,
ut à concursu desistat; item ne concurrat in hac
electione, & tu non concurras cum illo in sequente;
item si det, quamvis Jus ad possessionē sit dubium;
sed alii cum Diana suprà rectè dicunt omnes opini-
ones illas veluti singulares & contra commu-
nem, nullo modo esse admittendas: est item
contra J. Pontium apud Dia. R.7., qui putat non esse
Simoniam litem redimere, si Jus sit litigiosum,
eo quod intentio sit evitare majores expensas litis
per minus pretium, quod datur, & licere denis
nummis redimere jacturam centenorum; sed
tenenda est sententia prima, secundum dicenda
n.145: & Moya T.6. d.4.q.7. n.15. rectè dicit senten-
tiam illam Pontii esse contra omnes, uti est etiam
altera, quâ dicit aliquem, qui habet possessionem
beneficii, posse accepto pretio hæc relinquare
alteri, qui aliâs lite quæsiturus est, nullam enim
in eis sententiis probabilitatem invenio.

§. 6. Si tantum habeas Jus ad rem, v.g. si sis
143 præsentatus, sed necdum habeas Institutionem;
item si sis electus, sed necdum habeas Confirmationem, est Simonia dare pretium ei, qui instituere
vel confirmare debet, quamvis injustè neget, quia
necdum habes certum Jus in re, & sic per pecu-
niā sternis viam ad beneficium pacificè acqui-
rendum, quod Canones prohibent, uti ostendit
Engel n.31., unde universaliter loquendo,

§. 7.

§. 7. Quando Jus in beneficio necdum est ¹⁴⁴ acquisitum, quamvis injustè impediari, tamen non est licitum redimere vexam ab iis, qui ad beneficium juvare possunt, id est, ad quos spectat conferre, eligere, præsentare, instituere, confirmare, investire; potes tamen vexam injustā redimere ab aliis, qui tantūm possent impedire & non juvare. Est communior cum *Suar. Leß. de Just. L.2.c.35.n.108.Castrrop. Pirb. Leur. n.2. & 3. Dian. P.6. T.8.R.17.*; ratio est, quia si des illi, qui juvare potest, jam per pecuniam directè paras viam ad beneficium; dando autem alteri, qui tantūm potest nocere, directè intendis tollere injuriam, & tantūm remotè ac indirectè per pecuniam paras viam ad beneficium, quod nullo Jure prohibetur. Quòd si is, qui potest juvare, aliter te vexaret, quam abutendo potestate, quam habet, v.g. ad eligendū, uti si infamaret te, aut alios Electores injustè à te averteret, posses & hanc vexam ab eo redimere pretio, quia tum non vexat te, ut est potens juvare, sed ut aliquis alius, qui tantūm obesse potest. Ita *Suar. & Leß.*

§. 8. Si in concursu sis dignior vel solus dignus, ¹⁴⁵ probabile est non fore Simoniam, si redimas injustam vexam, etiam ab illo, qui juvare potest; ita *Nav. Val. & alii cum Castrrop. n. 4.* Ratio est, quia directa intentio tua est, ut per illam pecuniam tollas injuriam, & ne priveris Jure tuo, nam in tali concursu habes Jus quæstum etiam contra collatorem, ut ab eo non impediari, hinc licet post datam pecuniam tibi conferatur beneficium, tūque illud antè speraveris, tamen hoc beneficium non erit merx tuę pecunię, sed erit aliquid consequens ad effectum justè causatum per pecuniam, nempe ad voluntatem, quā

quâ Collator vellet, uti tenebatur, ab injuria hac abstinere, & officio suo satisfacere; res tamen illa periculosa est, vel ideo, quia propria cupiditas facilè persuadebit cuique se esse digniorem aut unicè dignum, cùm sæpe sit aliter; unde absolute, ut probabilius, videtur tenendum cum *Suar.* n. 28. tum committi Simoniam saltem Juris positivi, nam meritò potuit & debuit Ecclesia prohibere redemptionem talis vexæ, partim ob scandalum, partim ob periculum Simoniae.

146. §. 9. Si non scias certò, quòd electores propendeant ad pravam electionem, Simonia est, si offeras pecuniam, ut eligant dignum, tum enim non redimis vexam ullam, sed pretio temporali directe intendis electionem tuî vel alterius, *Castrop.* n. 8.; si tamen scires eos nolle eligere dignum, & non esset aliis facilior modus procurandi electionem digni, licitum esset illos dato pretio obligare ad eligendum in communi dignum, nullum determinando in particulari, uti docent communiter AA. cum *Suarez* c. 22. n. 6. *Barb.* de off. Paroch. c. 2. n. 108. *Pirh.* n. 87. *Leß.* n. 112. *Rayn.* n. 31. Nec refert, quòd fortè sit unicus dignus, aut quòd tu sis dignus & speres te eligendum, nam pretio tuo directe tantum intendis obligare ad omittendam electionem injustam & ad tollendam vexam Ecclesie, quæ Jus habet, ut non eligatur indignus, quòd autem secundum spem tuam cadat electio, per accidens est, ita *Suar.* n. 39. *Castrop.* suprà & alii; verum etiam hæc res periculosa est, quia intenti dantis pecuniam communiter erit, non tam tollere vexam Ecclesie, quam sibi asserere beneficium: quòd si per pecuniam paciscaris, ut omisso indigno te eligant, tum aperta erit Simonia, inquit *Rayn.* n. 36. Quòd autem putat *B. Pontius* semper licitū esse offerre

offerre pecuniam , ut redimatur vexa, hoc ipso quod offerendo sis causa, ut fiat minus peccatum, Rayn. suprà meritò improbat, dicens non apparere, quod majus peccatum possit esse in vexante, quam vendere Jus sacrum.

§. 10. Si Cagus sine rationabili causa moyeat ¹⁴⁷ electorem precibus vel muneribus , ut tibi non faveat, sed alteri, non est Simonia, si des pecuniam Cajo , ut ab illa vexatione cesseret , nam licet actio illa non sit injuria contra Justitiam, est tamen nocumentum contra charitatem , adeoque potes illam redimere : Si tamen dares pecuniam, ut Cagus tibi potius faveret, quam alteri, aut alicui dares, ut similiter precibus vel munib; pro te ageret apud electorem, committeres Simoniam, quia per pecuniam proxime & direc^te parares viam ad beneficium, ita quoad omnes partes Suar. n. 25. & 26. Leß. n. 109. Rayn. n. 35. & alii. Addit Castrop. n. 6. & cum eo Villal. Sanch. & Dian. P. 5. T. 14. R. 2. adhuc non fore Simoniam, quamvis in eo casu dares pecuniam ipsimet Electori , non ut tibi specialiter faveret , sed ut deponeret animum a te aversum & ad alterum plus conversum per irrationabiles preces & munera Cagi, sic enim rem tantum restituis in justo æquilibrio, in quo relinqu debuit, & non magis paras viam ad beneficium , quam parata erat ante illam subornationem , si utrumque nihil actum esset, idemque docet Hurtad. apud Dian. T. 7. R. 17., addens, si elector a competitore sit corruptus, te posse ostendere, quod etiam paratus sis pecunias dare, si ipse illas voluerit: haec tamen omnia, uti fatetur Castrop. sunt plena maximis periculis.

§. II. Si quis injustè velit in te ferre censuram, ¹⁴⁸

H

vel

vel non absolvere à censura, potes datâ pecunia
vexas illas redimere, quia non das pecuniam
pro actu spirituali, sed ad satiandam ipsius
cupiditatem & vexam redimendam, sub onere
non ligandi vel absolvendi, ad quod Jus habes, &
alter tenetur, ita multi cum *Suar.* n. 43. *Castrop.* n. 10.
Pirh. n. 51., & iterum dicetur n. 159.

¹⁴⁹ §. 12. Si detur res spiritualis, v.g. beneficium
sub pacto, ne ille cui datur, in posterum vexet au-
noceat, est Simonia, quamvis vexatio vel nocen-
tum foret injustum, quia spirituale datur
pro temporali emolumento; & idem est, si dares
beneficium tenuius alicui te injustè vexanti
in pinguiore, nam amotionem vexæ, quæ ex
commodum temporale, emeres spirituali, *Suar.*
Leß. Laym. & alii cum *Pirh.* n. 139., consentitque
Rayn. n. 9. citans plures. Sed si rogares & sinè pacto
intenderes eum placare, ne pergeret nocere,
non esset simonia, quia evasio talis mali non inten-
deretur ut pretium, sed ut effectus consequens
ex tuo actu spirituali, ita *Suar.* c. 37. n. 14. Quod
si daretur spirituale cum pacto, ut in præsenti cesset
à malo aut ab injusta actione, putant *Suar. Laym.* &
Rayn. n. 83. relati, non fore Simoniam, sed oppositū
est tenendum, quia est pactio de spirituali dando
pro commodo temporali, & aliás etiam liceret
pacisci de pecunia debita in præsenti danda.
Putat autem *Corr. L. 4. c. 5. n. 60.* in omnibus casibus,
quibus licitum est redimere vexam, prius petenda
esse licentiam Episcopi, ut caveantur fraudes, sed
de hoc nullam legem invenio, quamvis omnino
sit consultum ita fieri.

An liceat transfigere circa litem, pensionem
dandam, solutionem expensarum litis vel pretium
pro Bullis, dicetur Lib. IV. à n. 552. & 1059.

Q. 30.

Q. 30. *An sit Simonia, si quis pecunia emat Titulum Ordinationis.* R. §. 1. Si emat Titulum jam constitutum, v.g. fundationem 4. Missarum hebdomadatim, quibus respondet stipendium sufficiens ad sustentationem honestam, est Simonia, ut patet, quia officium illud legendi Missas, cui respondent isti fructus, est jam antecedenter aliquid spirituale, ergo Jus ad illos fructus, quod hic emitur, est annexum antecedenter spirituali, ergo invendibile, secundum dicta num. 118. & dicenda num. 153.

§. 2. Si emat titulum prius constituendum, v.g. si det pecuniam pro habendo titulo Ordinationis super mensa Abbatiali, dummodo absit intentio dandi pecuniam pro Ordinatione vel Ordinibus, non videtur esse simonia, i. Quia licet emo mensam apud Abbatem, hoc enim est quid totum temporale, ut licet emo agros, ex quibus annue habeam 100. aureos, hoc autem supposito etiam licet peto ordinari super illa mensa vel agris, quia sunt quid immobile, sufficiens ad honestam sustentationem, ergo. 24. Licet postea ejusmodi Jus habendi mensam ab Abate, si acceptetur ab Ecclesia pro Titulo Ordinationis, accipiat aliquam connexionem cum spirituali, tamen antecedenter est in se temporale, cui tantum postea adjicitur aliquid spirituale, tale autem aliquid licet emitur, secundum dicta & dicenda locis notatis, licet enim emo calicem, licet intendam & faciam, ut postea illi adjiciatur spiritualis consecratio, ergo.

Q. 31. *An sit Simonia vendere vel elocare res benedictas, consecratas aliasque similes.* R. Colligitur ex seqq. §. 1. Alloza v. Simonia S. 1. n. 33. & 35. ponit has duas regulas. 1. Si spirituale sit principale, & temporale sit accessorium, hoc temporale

vendi non potest, quia accessorium sequitur naturam principalis. 2. Si temporale sit principale, & spirituale sit accessorium, temporale vendi potest, sed non majori pretio propter spirituale annexum.

- ¹⁵³ *Pirh.* L.5. T.3. n.72. clarius rem explicat per has 4. regulas collectas ex *S. Th. Suar. Laym.* & aliis, 1. Quod est annexum spirituali, non potest vendi, quatenus habet talem connexionem vel ordinem ad spirituale, cum enim spirituale aestimaretur pretio temporali. 2. Quod est annexum spirituali, ita ut sit presuppositum ad spirituale, & cui spirituale postea advenit, si absit specialis prohibitio Ecclesiae, potest vendi ratione materiae vel artificii, etiam si consecratio vel benedictio sit ab illis inseparabilis, modo non ideo vendatur carius, sed tantum secundum valorem, quem habet independenter ab illis; ratio est, quia talia retinent valorem intrinsecum totum aut saltem ferent totum, nam putant aliqui de valore intrinseco per hoc decidere, quod ad usus profanos amplius applicari non possint, sed hoc parum attenditur, & communiter ad usus profanos non fiunt vel non serviunt. 3. Quod concomitanter est annexum spirituali, ut est labor intrinsecus & inseparabiliter conjunctus ministeriis spiritualibus, non potest vendi sine Simonia, quia non tam est annexum spirituali quam ipsum spirituale, seu intrinseca pars ipsius functionis spiritualis: *Nec obstat, quod forte sit actio materialis,* nam recte dicit *Suarus* ex *S. Bonaventura*, quod ipsummet materiale teneat locum spiritualis & censeatur spirituale, ideoque empto labore emitur actio spiritualis, ut pluribus explicat *Escob.* in *Th. mor. L.* 8. à n. 331. 4. Quod consequenter est annexum spirituali, id est, quod presupponit rem spiritualem,

&

& in illa fundamentum vel estimationem habet,
vendi non potest sinè Simonia, & tale quid est
Jus percipiendi Decimas vel fructus clericales,
quamdiu hoc Jus per Papam non separatur
à titulo Officii.

§. 2. Ex dictis sequitur, posse vendi calices, ¹⁵⁴
Agnos Dei, vestes sacras, oleum, panem benedictū,
sacrum chrisma &c, dummodo vendantur
secundūm valorem intrinsecum tantūm, Eccle-
sia enim tantūm prohibet vendi cariūs ratione
benedictionis vel consecrationis: posunt tamen
vendi cariūs ratione laboris vel sumptuum, v.g.
ut adferrentur ex loco remoto, ubi benedici
debuerunt, uti recte *Suar.Bonac.Dian.P.3.T.6.R.12.*
Engel n.17 Steph.t.4.d.11.n.34. & alii: itaque quando
Canones vetant vendi res quasdam sacras etiam
ratione materiæ, intelligendi sunt, si in rebus sacris
sit mercatura quædam quasi profana, aut si adsit
scandalum: prohibentur autem vendi Judæis,
uti habet *March.T.2.T.2.T.2.S.3.Q.4.Reg.2.* ob peri-
culum irreverentiæ vel abusus: hinc etiam *Laym.*
apud *Pirh. L.3.T.17.N.6.* putat calicem Christiano
Laico non debere vendi integrum, nisi pro aliquo
Oratorio, eò quod Laicus rem ejusmodi sacram
possidere non debeat.

§. 3. *Suar. Cap.14.n.23.* docet vendi posse etiam ¹⁵⁵
templa, quia videtur esse par ratio cum calicibus,
utrobique enim materiæ de se vendibili super-
venit consecratio; contradicunt *Laym.* & *Pirh. n.9,*
nam prohibentur vendi ligna & lapides Ecclesiæ
etiam dirutæ: sed pro *Suar.* responderi potest,
prohiberi ne vendantur ad alios usus profanos,
eò quod Ecclesia satis declaraverit in eis quamvis
dissolutis manere consecrationem, eò quod in se
maneant, uti antea, ligna & lapides, quod non est

in aliis rebus, v.g. in calice effracto, cuius parte consecrationem nullam retinent, nec in se manem calix.

156 §. 4. Simonia est rem sacram v.g. calicem aut patamenta Missæ elocare pro pretio, nisi pretium petatur præcisè, quantum est damnum vel detrimentum, quod res pateretur, ita *Suar. n. 25.* Ratio est, quia res talis non elocatur nisi ratione usus, ergo usus venditur, atqui usus rei sacræ est sacer, non enim adhiberi debet ad usus profanos, ergo.

157 §. 5. Simonia est carius vendere rosaria, imagines, numismata, quia Reliquias attigerunt, aut Reliquiaria ipsa, quia Reliquias continent, ita *Suar. n. 24.* Reliquias autem ipsas vendere secundum omnes est Simonia, uti recte *Stoz. L. 1. P. 3. n. 303.*, ubi tamen addit, si illæ ab infidelibus vel hæreticis detineantur, licitum esse eas sibi vendicare dato pretio pro redimenda vexa, indigna tractatione aut injusta earum possessione, & consentiunt *Laym. L. 4. T. 7. c. 5. n. 17.* cum *Sanch. in Dec. L. 2. c. 43. n. 22.*

De alienatione bonorum vel rerum Ecclesia plura addentur Lib. IV. à n. 1363.

158 Q. 32. *An sit Simonia dare pretium pro Sacramento, precibus, cantu spirituali: item pro obligatione faciendi aliquid spirituale.* R. §. 1. Pro Sacramento ipso dare pretium est Simonia, uti patet, & idem est, si detur pretium pro labore intrinseco, qui est in administratione, uti n. 153. dictum est; si tamen detur pretium pro habendo matrimonio in ratione contractus civilis, v.g. per dotem vel aliter compensando inæqualitatem personarum contrahentium, quia una est nobilis, altera ignobilis, non est Simonia, ita *S. Thom. Suar. Laym. Pirb. L. 5. T. 3. n. 12. Illung T. 5. n. 309.*

§. 1.

§. 2. In extrema vel etiam gravi necessitate ¹⁵⁹
 Ficatum est ad obtinendum Sacramentum dare
 premium illi, qui non vult administrare gratis,
 non enim datur ut premium Sacramenti, sed ut
 medium ad removendam vexam vel ad tollendū
 impedimentum pravæ voluntatis, & ad eam
 permovendam, ut officio satisfaciat, ita cum aliis
Leß. Pirb. n. 13. Burgh. Cent. 3. Cas. 73. Escob. in Th.
Mor. L. 8. à n. 326; quod Suar. & Fill. T. 45. c. 3. n. 17.
 probabiliter extendunt ad necessitatem sumendi
 Eucharistiam pro viatico. Quod si impius ille cog-
 ret potenter ad jurandum, quod pecuniam illam
 daret velut premium Sacramenti, si non faciat
 in injuriam Christianæ Religionis, sed ad hoc
 cogat tantum ex malitia vel odio privato, putat
Fill. n. 14. & Tancr. apud Dian. P. 11. T. 6. R. 32.
Suar. c. 12. n. 16. Escob. n. 330. posse jurare
sub aliqua æquivocatione.

§. 3. Non est Simonia aliquid exigere pro admi- ¹⁶⁰
 nistratiōne Sacramentorum, Officiis divinis, Lita-
 niis, precibus &c. per modum stipendii pro susten-
 tatione, uti dicetur n. 165, vel etiam ratione consue-
 tudinis, uti dicetur n. 192., vel per modum eleemo-
 synæ, ita Suar. Laym. Escob. n. 333. Pirb. n. 26.
Engel L. 5. T. 3. n. 15., id est que etiam Cap. Ad Aposto-
 licam, 42, de Simonia, ubi dicitur nihil accipiendū
 pro ejusmodi ministeriis, additur, ut servetur
 consuetudo ex devotione dandi aliquid: hinc
 inter prop. Vicleffi & Martino V. damnatas etiam
 est hæc: *Omnes sunt Simoniaci, qui se obligant*
orare pro aliis, eis in temporalibus subvenientibus,
 id est, pro illis, qui ipsis dant temporalia.

§. 4. Non est Simonia, si Musicus vel cantor ¹⁶¹
 pacificatur de pretio pro cantu non debito, sed

ad populi devotionem excitandam exhibito, ita
Maldonat. aliisque cum Dian. supra R. 36.

162 §. 5. Si pretium petatur tantum pro obligatione faciendi aliquid spirituale, v. g. non pro ipsa ministratio Sacramenti, sed pro obligatione ministrandi, Cajet. Navar. Lesf. Laym. Bonac., quos citat Escob. n. 334., & quos sequitur Alloz. S. i. n. 27, putant non esse Simoniam, quia haec obligatio distinguitur à functione sacra, & sicuti accipere possum pro obligatione mutuandi, quamvis non pro mutuo, ita pro obligatione ministrandi, quamvis non pro ministerio: consentit Esc. n. 336, si onera corporalia vel molestiae sint illi obligationi accidentaliter annexae, sed S. Th. Suar. c. 16. n. 20. & c. 21. n. 16. & 17. Castrop. T. 17. d. 3. P. 11. n. 3. aliqui meritò dicunt esse Simoniam, quia talis obligatio connectitur cum spirituali tanquam cum fine, ordo autem ad spiritualia non cadit sub pretium, hinc Bonac. meritò suadet, ut pretium accipiatur, non titulo emptionis vel alio simili, sed solius sustentationis, aut certè debet esse ratione laboris accidentalis & extrinseci.

163 Q. 33. An sit simonia dare vel accipere pretium pro exercitio virtutis vel actu aliquo bono. R. §. I. Non est Simonia promittere vel donare tempore, sub onere seu conditione operis spiritualis præstandi, modò non fiat per modum compensationis, neque sub pacto absoluto, ut præstetur spirituale, v. g. potest Christianus donare infideli pecuniam, sub conditione, si baptismum suscipiat; potest Catholica hæretico promittere matrimonium, sub onere, ut se convertat; potest Dominus alere pauperem, sub onere, ut vel fiat Religiosus, vel ut refundat sumptus; item manumittere servum, sub conditione, ut fiat Monachus; potest

poteſt Pater filio dare novam veftem, ſub conditiōne, ut ſingulis mensibus communicet: ita multi cum *Castrop.* P. 9. n. 7. & *Pirh.* n. 129., ratio eft, tum quia hic non imponitur abſoluta obligatio illi, qui pecuniam acceptat, ſed datur optio, ut ſi velit illa frui, præſtet hoc ſpirituale; ſi nolit, maneat, ſicut antè; tum etiam, quia dans vicifim nihil recipit vi illius oblati: Et ſic D E U S promiſit bona temporalia hominibus, ſi agerent bona moralia, neque per hoc cenſetur offerre, velut pre-
tium boni moralis, ſed tanquam præmium.

§. 2. *Sanch.* de Sponsal. D. 39. n. 4. docet,¹⁶⁴ quamvis non fiat talis quaſi optio, ſed reipsa inducatur obligatio ſub tali conditione, tamen non eſſe Simoniam, hoc ipſo quod acceptans pecuniam nihil vicifim tradat, nec dans pecuniam aliquid recipiat per ſe vel per alium, quod requiritur ad venditionem, venditio autem videtur eſſe de ratione Simoniae; *Suar.* & *Castrop.* non acquiescunt hâc ſolâ ratione, quamvis enim dans inde non accipiat utilitatem, adhuc tamen dicunt fore Simoniam, ſi acceptans per pretium determinetur & obligetur ad exercendam virtutem, hinc *Suar.* c. 16. à n. 18. probat per hoc non evitari Simoniam, quod des pecuniam pro actu cedente in utilitatem acceptantis, nam ſi Religio aliqua emat à Cajo ingressum in Religionem, tantum ob utilitatem Caji, erit Simonia; & ratio à priori eft, quia ad emptionem ſolum requiritur, ut res empta non ſit ſub potestate ementis, & per emptionem conſtituatur ſub ejus potestate, quod fieri potest, licet non cedat in utilitatem ementis, ſed ſoliuſ vendentis, prout emens intendit. An autem ſit Simonia, ſi quis ludat cum pacto, ut ſi perdat,

H5

oret

oret rosarium; si lucretur, habeat solidum, dicetur
Part. 2. n. 1096.

¹⁶⁵ Q. 34. *An sit simonia accipere premium pro actionibus Jurisdictionis vel functionis spirituali.*

R. §. 1. Non est Simonia, etiam ex pacto accipere, si non accipiatur ut premium actionis spiritualis vel rei sacrae, sed per modum stipendii ad sustentationem, ita S. Th. 2.2. q. 100. a. 2. Suar. c. 36. n. 8. Laym. Less. Pirb. L. 5. T. 3. n. 126. 132. Illung T. 5. n. 304. Rayn. L. 2. Sect. 1. c. 10. n. 28. confirmataque usus Ecclesia ratio autem est, quia obligatio ea dandi temporale oritur ex natura & Justitia, quae exigit, ut ei, qui in alterius gratiam & commodum laborat, sufficiens sustentatio detur; hinc premium non datur pro ministerio spirituali, quatenus est spiritualis operatio, sed quatenus est servitium sive operatio in alterius gratiam facta, ideoque commensuratur, non operis dignitati vel conditioni, sed personae operantis. Deinde, inquit Raynaudus, non est pactum de exhibendo spirituali pro temporali, sed de exhibendis fructibus ob annexionem spiritualibus pro sustentatione personae ministrantis, quam sustentari necesse est & æquum: Nec obstat quod fortè personae tales sint divites & aliunde sustentationem habeant, nam id per accidens est, & ex Justitia debetur sustentatio ex tali ministerio, ita Escob. in Theol. Mor. L. 8. n. 339.

¹⁶⁶ §. 2. Simonia est dare vel accipere premium pro consecratione templi, calicis &c., quia haec actiones sunt spirituales, & actus potestatis Ordinis, ita Suar. & alii cum Pirb. n. 34., ubi addit posse Episcopum pro consecratione exigere procurationem moderatam in agnitionem superioritatis, datürque, ut Episcopi facilius inducantur ad consecrandum.

§. 3.

§. 3. Est Simonia Juris Ecclesiastici, per se ¹⁶⁷ loquendo, si Ordinandus det, aut si Episcopus vel ejus Ministri aliquid etiam sponte oblatum admittant pro Ordinibus, præsentatione ad Ordines, dimissorialibus, testimoniiis, &c., quacunque de causa fiat, & non obstante quacunque consuetudine, etiam immemoriali, exceptis Notariis Episcopi, qui, si consuetudo non sit nihil accipiendi, neque ipsi habeant salarium, poterunt acceptare decimam tantum unius aurei partem: habentur hæc omnia expressè in *Trid. Sess. 21. c. 1. de Reform.*, & quamvis dicatur sponte oblatum, tamen tum non censetur sponte dari, & facile sibi persuaderet cupiditas sponte dari, quod coactè offertur, *Pirh.* à n. 16. Quòd si tamen aliquid verè sponte detur, & ut tale accepatur, putat *Leß. c. 35. n. 61.* non fore Simoniam, quia tum cesat omnis pactio etiam tacita, nec est ulla ratio debiti, quæ requiritur ad Simoniam: præterea ibi tantum reprobantur consuetudines, quæ antè fuerunt, non autem quæ nunc sunt ab eo tempore, præsumi enim potest, quòd hæ novæ consuetudines dandi aliquid, attamen moderatum, sint ex justa causa introductæ; denique certum est *Trid. in his saltē partibus quoad ista non esse in omni rigore receptum*, & ideo suprà dixi, per se loquendo. An autem sit Simonia, si Examinatores occasione concursū ad Parochiam aliquid acceptent, dice-
tur Lib. IV. num. 632.

§. 4. Etiam est Simonia dare vel accipere ¹⁶⁸ pretium pro actionibus ex se ordinatis ad spiritualia, v.g. ad beneficij adeptiōnem, vel per quas beneficium habetur à causis proximis, uti pro præsentatione, electione, collatione, nominatione, institutione, confirmatione, installatione, immisi-

immissione in possessionem ac similibus, ita *Pirb.*
à n.79. *Rayn.* c.2. n.31. Ratio est, quia h̄i sunt actus
functionis spiritualis, & spirituales, ob respectum
quem habent ad spirituale.

169

§. 5. Notariis non prohibetur accipere aliquid
pro scribendis contractibus circa spiritualia, aut
pro expeditionibus literarum circa beneficia,
modo non vendantur cariñs. ratione materii
spiritualis, ita *Fill.* T. 45. c.12. n.12. Etiam Procuratori
in causis Ecclesiasticis vel Advocate licitum est
accipere mercedem sui laboris, quantam accipere
ex eodem labore, si in rem profanam impende-
retur, *Castrop.* P.12. n.14. *Rayn.* n.30.

170

§. 6. Simonia est, si Judex Ecclesiasticus accipiat
premium pro sententia, quia est actus Jurisdictionis
spiritualis, *Suar.* c.20. n.16. *Pirb.* n.40., imò Simo-
nia est accipere premium pro actibus proficiscen-
tibus à Jurisdictione Ecclesiastica circa materiam
temporalem & politicam, v.g. pro actu, quo Eccle-
siasticus ratione potestatis Ecclesiastice Jus habet
cognoscendi causas merè civiles : Si tamen
potestas illa ipsi competat, prout est Princeps aut
Dominus secularis, non erit Simonia pro illis acci-
pere premium, *Suar.* n.17. *Pirb.* n.42. Licitum quoque
est Judici Ecclesiastico, si indigeat Assessore, pro eo
stipendum sustentationis exigere, *Engel* num. 20.
Notandum tamen hic, quod *Bonif.* VIII. *Greg.* XIII.
& *Alexander VII.* in Bulla 19. data 2. Maii 1656.
sub excommunicatione prohibeant omnes
ex pacto donationes, promissiones &c., etiam si ha-
non sint acceptatae, pro obtainenda pro se vel alio
Justitia vel gratia aliqua apud Sedem Aposto-
licam, etiam apud mediatos intercessores, qui
vel promovere vel impedire possent tales causas; &
obtentionem declarant irritam: extendit *Alexand.*

ad

ad omnia verba & signa quovis modo apta inducere quamcunque obligationem Justitiae aut fidelitatis, etiam sub titulo remunerationis vel gratitudinis, nequidem pro defensione Juris quæsiti, nec ad redimendam vexam injustam, permittens solam mercedem convenientem actuali labori illorum, quibus non incumbit expeditio Justitiae vel gratiae.

§. 7. Si Judex vel adversarius propter contumaciam judicandi, v.g. excommunicati, fecit sumptus, illos solvere dehet Reus, antequam absolvatur, non ut pretium absolutionis, sed ad resarcendam injuriam & damnum, *Pirh.* n. 51.

§. 8. In dispensationibus exigitur aliquid, 172
vel per modum mulctæ ad causam piam applicandæ, vel ut compensetur recessus à Lege communi, vel per modum stipendii ad sustentationem dispensantis aut Officialium ejus, *Suar.* n. 12. & 15. *Lesf.* num. 58. *Layman c. ult.* §. 4. n. 42. *Pirh.* n. 49. Quod in voto maximè valet, cuius commutatio fieri potest in eleemosynam.

§. 9. Simonia est venderē vel emere potestatem 173
supplendi, v.g. in Parochia, quia venderentur vel emerentur, & potestas & actus potestatis spiritalis, *Suar.* n. 4. & 5. *Pirh.* n. 48. Notat tamen *Sanch.* in consil. L.2. c.3. d.7. n.4. Parochum, à quo petitur licentia, v.g. ministrandi Sacra menta, posse eam negare, nisi detur sibi stipendum, quod haberet, si ipse ministraret, quia Jus habet se servandi indemnem.

§. 10. Assistantia in Sacramento Matrimonii 174
ex institutione Ecclesiæ est annexa officio Parochi, adeoque reducitur ad ministerium spirituale, maximè cùm ex dispositione Ecclesiæ requiratur ad Matrimoniu quatenus Sacramentum, adeoque est

est intrinsecè invendibilis , unde quod pro ei
admittitur , non debet esse illius pretium , sed
tantum velut stipendum pro sustentatione : aliud
est de præsentia testium , quorum testimonium
solum requiritur ad probandum contractum
Matrimonii , *Suar. c.19.n.31.Pirb. n.47.*

Circa hactenus dicta aliisque similia etiam attendenda est consuetudo, per quam saepe dari potest aliquid, non ut pretium rei spiritualis, sed alio titulo, uti dicetur à n. 191.

Q. 35. *Quandonam committatur Simonia, si detinatur?*

¹⁷⁵ *pretium pro omissione aliqua.* R. §. I. Si omissione alicujus actus procedat à potestate Ecclesiastica, & fiat ob pretium, erit *Simonia*, ut si auditâ Confessione omittas absolvere, si promittas aliquem non absolvere à censura, si pacifcaris, ut non eligas non des votum, &c. ita *Suar.* c. 22. à n. 9. *Laym.* c. ult. §. 4. n. 43. *Castrop.* T. 17. d. 3. P. 12. n. 17. *Pirb.* I. 5. t. 3. n. 54. Ratio est, quia non solum absolvere, approbare, eligere &c., sed etiam ligatum detinere vel rejicere, est exercitium spiritualis Jurisdictionis Ecclesiasticæ, adeoque pretio invendibile, suam enim estimabilitatem habet, quatenus ab illa Jurisdictione habet moralē efficaciam, ergo si hæc & similia fiant exercendo suam Jurisdictionem auctoritatem spiritualem, idque pro pretio, erit *Simonia*.

§. 2. Simonia est, pacisci, non commendare
176 seipsum vel alium idoneum, si intendatur promo-
tio tertiae personæ ad aliquod v. g. beneficium
Ecclesiasticum, ita *Suar.* n. 18. *Leß.* L. 2. c. 35. n. 109.
Ratio est, quia Jus pro se vel alio solicitandi est
spirituale, ergo qui ab altero emit cessionem illius,
reipsa dat premium pro Jure illo alteri attribuendo,
ergo pro spirituali: deinde directè parat alteri viam
ad beneficium per pecuniam, quod est simoniacū.

Idem

Idem est, si pactio fiat, ut quis non contradicat,
ut desistat à prætensione justa, ut se non sistat
ad concursum &c., uti dictum est n. 142.

§. 3. Si omissione non sit exercitium Jurisdictionis ¹⁷⁷
spiritualis, neque intuitu rei spiritualis pretio æstimetur,
quamvis sit omissione actus spiritualis
etiam ex officio debiti, non erit Simonia pro illa
dare vel accipere pretium; poterit tamen esse
injustitia vel turpe lucrum, sic si Parochus pecu-
niā accipiat, ut non audiat Confessionem
alicujus, talis omissione non est exercitium Juris-
dictionis, sed tantum est voluntarius non usus
illius, ita *Suar.* n. 11. *Less.* n. 64. & 65. *Laym.* n. 43.
Pirb. n. 56. Si tamen intuitu rei spiritualis pretio
æstimaretur, *Suar.* n. 18. putat fore Simoniam, uti
si quis omittat audire Missam pro pretio, quod
æstimat æquivalere bono spirituali, quod haberet
auditâ Missâ.

§. 4. Non est Simonia dare pretium, ut alter ¹⁷⁸
abstineat ab actu spirituali injusto vel sacrilego
hinc secundum dicta n. 146., non est Simonia
dare pecuniam volentibus ad Parochiam eligere
indignum vel minus dignum, ut sic permoveantur
ad electionem dignioris; neque accipientes
tale pretium committunt simoniam, sed tantum
injustitiam vel turpe lucrum, ita cum aliis
Suar. num. 8.

Q. 36. *An sit Simonia docere Theologiam pro pretio.* ¹⁷⁹
R. §. 1. Theologia est quintuplex, 1. *Positiva*,
quæ in sensu Scripturæ explicando occupatur,
ideoque dicitur positiva, quia ponit fundamenta
ad locos argumentationum Theologicarum;
ejusque functio est interpretari Scripturas. 2.
Ascerica sive mystica, quæ doctrinas ad perfecti-
onem virtutum consequendam necessarias tradit,
&

& quia potissimum docetur in Asceteriis Religio-
forum, dicitur Ascetica; ejusque functio est
docere perfectionem Christianam. 3. *Polemica*, si-
dicta à πόλεμος, bellum, quia tractat Controver-
sias, & ostendit modum defendendi veram Fidem,
& expugnandi hæreses; ejusque functio est
proponere vera Fidei mysteria Fidelibus, ut con-
firmentur, infideles autem convincere de erro-
ribus, ut convertantur. 4. *Scholastica*, quæ specula-
tivas præcipue quæstiones disputativè examinat;
ejusque functio est deducere conclusiones certas
ex principiis partim Fidei, partim luminis natu-
ralis. 5. *Moralis*, quæ ad actus humanos seu morales
hominum dirigendos ordinatur; ejusque functio
est explicare & resolvere casus Conscientiæ.

180

§. 2. *Functio I. & 4.* exerceri potest absque Simo-
nia pro pretio, uti habet communior cum *Suar. Less. Castrop. T. 17. d. 3. P. 10. contra S. Anton. Palud. Silv. & alios.* Ratio est, quia neutra per se & proximè
ordinatur ad salutem animæ, sed ad illustrandum
intellectum in his materiis, sicuti illustratur
per alias scientias naturales, hinc etiam non est
Simonia emere Magisterium, Licentiam vel
Doctoratum in Theologia.

181

§. 3. *Functio 2.* per se & proximè ordinatur
ad salutem animæ, nempe ad voluntatem Deo-
tanquam Fini ultimo perfectè uniendam, quod
supernaturale est, adeoque est intrinsecè inven-
dibilis, ita *Suar. Less. Castrop.* suprà aliique commu-
niter cum *Burgh. cent. 3. c. 21.*

182

§. 4. *Functio tertia* videtur esse similis secundæ,
quia per se & proximè ordinatur ad Fidem super-
naturalem firmandam vel generandam, uti AA.
jam citati docent: Si tamen per polemicam tantum
instrueretur intellectus, ut Fidei nostræ principia
doctrina.

doctrinaliter propugnare posset, & hæreses argumentis convincere, dicendum esset de hac functione, quod dictum est de prima & quarta: addunt *Suar. Laym. & Illsung T. 5. n. 308.* Ludimagistros pro simplici Doctrina Christiana pueris tradenda licet exigere mercedem, quia non tradunt modo exhortatorio aut tanquam Ministri verbi divini, sed tantum doctrinaliter informando rudem intellectum.

§. 5. De quinta functione est dubium, nam 183
Leß. L. 2. c. 35. n. 2. Sanch. aliisque apud *Dian. P. 5. T. 14. R. 4.* putant esse Simoniam casus Conscientiae resolvere pro pretio, sed alii cum *Suar. c. 18. n. 19. Castrop. n. 5. Laym. Dian. Illsung n. 307.* probabilius negant, quia instructio illa per se ordinata est ad intellectum naturali cognitione illustrandum, licet postea ab eo, qui instruitur, referatur ad pacem vel directionem conscientiae, aut ad alium finem supernaturalem, quod merito facere debemus etiam in omni alia actione, neque tamen ideo omnes sunt invendibles.

§. 6. Licet pro quibusdam ex relatis functionibus accipi non possit pretium secundum jam dicta, tamen pro omnibus & singulis potest etiam ex pacto accipi stipendium pro sustentatione, uti n. 165. dictum est, quia non datur tanquam commensuratio, aestimatio vel æqualitas boni spiritualis, quod ad emptionem & venditionem requiritur, & consequenter non datur ut pretium rei spiritualis, sed pure ut necessarium vitæ & sustentationi illius.

Q. 37. An fit simonia emere Jus sepulturæ vel 187
sepulturam in loco sacro. R. §. 1. Communior sententia est ex *S. Thom. 2. 2. quæst. 100. art. 4. ad 3. Suar.* & aliis cum *Pirb. L. 3. T. 28. n. 36.* esse Simoniam,

quamvis daretur pretium pro loco, in quantum honoratior est, quia licet honor humanus sit motivum ementis, tamen locus sacer est id, in quo fundatur ille honor, v. g. quia locus est vicinior Altari, ergo sicuti Simonia est emere Episcopatum, quia honoratior est, ita & hunc locum: Aliqui tamen apud *Dian.* P. 2. T. 15. R. 57. & alii cum *Barbi*, de offic. Parochi P. 3. c. 26. n. 16. *Burgh.* Cent. 3. Cas. *Caram.* in Th. Mor. d. 17. n. 868. probabiliter dicunt non esse Simoniam, si quid accipiatur, vel pro illa circumstantia situs vel loci dignioris, vel saltem pro fundo, qui habet valorem antecedenter ad consecrationem, ut explicatum est n. 117. & 153, unde si quis habeat cellam vel fornicem in templo subterraneum sumptibus suis ædificatum pro se & suis sepeliendis, poterit multò magis vendere juxta valorem fundi & expensarum, ut fatentur *S. Thom.* suprà, *Suar.* Az. *Carden.* in 1. Crisi d. 67. n. 6. & *Pelliz.* de Regul. T. 8. c. 5. n. 172, nam tale sepulchrum etiam per hereditatem transit ad Laicos; & si in Jus personale habendi aliquo loco sepulturam, hoc Jus etiam transit ad heredem, ut dictum est n. 130, ergo etiam transfire poterit ad alios per venditionem rei, cui annexum est, ut n. 128. diximus de Jure-Patronatus. Addunt *Suar.* c. 14. num. 21. *Carden.* n. 8. aliisque apud *Illsung* n. 310. posse exigere pretium pro onere & obligatione non sepeliendi in aliquo loco alium, quam v. g. Cajum & familiam ejus, quia onus illud est pretio æstimabile, nec tamen est spirituale vel spirituali annexum; & fatentur omnes cum *Laym.* *Castrop.* *Pirh.* n. 40. consuetudinem posse excusare, ut aliquid fabricæ Ecclesiæ applicandum detur pro loco sepultura, uti & pro sede vel loco honoratiore in templo.

§. 2.

§.2. Quando locus aliquis sacer est communis 186
 pro sepultura Fidelium, Simonia est saltem Juris
 humani exigere aliquid pro sepultura in illo,
 nisi iterum excusat consuetudo legitimè intro-
 dūta , nam Ecclesiæ prohibitio est ex Cap.
Abolenda, de sepult., ut non tantum pro bene-
 dictione, sed etiam pro sepultura nullum pretium
 detur vel accipiat, ita *Suarez* num. 19. aliisque
 cum *Castrop.* T.17.d.3.p.8.

Quis possit concedere alicui Jus sepulturæ
 in loco sacro, vel cui de Jure illud competit, dice-
 tur L.7.c.2.ad Dub. 3.

Q. 38. *An sit Simonia dare vel accipere pecuniam* 187
pro ingressu in Religionem. R. §.1. Pro Religione ipsa
 dare vel accipere pecuniam, patet esse Simoniam :
 attamen non est simonia facere mutuos contractus
 circa dotem & sumptus pro sustentatione ejus, qui
 Religionem ingreditur, aut pro oneribus tempo-
 ralibus à domo religiosa sustinendis in gratiam
 admittendi, ita *S.Th.* suprà ad 4. aliisque sancti viri,
 & post illos 54. gravissimi Authores, quos refert
 & sequitur *Jacobus à S. Antonio Carmelita*
 in Consult Canon. Consult 2.Resol.2., & in adjecta
 resolutione Dubii de hoc, specialiter edita Rómæ :
 idem ostendit *Pirb.l.5.t.3. à n.59.*, unde *Les* in Auct.
 v. *Simonia Cof. 9. & 10.* dicit probabile esse, quod
 exigi possit certa pecunia , licet Monasterium
 sit opulentum, ob consuetudinem, quæ nunc præ-
 scripserit , & consentit *Urbanus ab Ascensione*
 apud *Steph.* T.4.d.11. n.40., addens præsumi Simo-
 niam, si tum exigantur pecuniæ à tali admittendo,
 qui nullum aliud talentum Religioni utile adferre
 videtur, præterquam pecuniam : Quoad Moniales
 tamen minus scrupuli est faciendum, si bona sua

dent Monasterio , id enim meritò permittit Ecclesia , ut illis non sit occasio evagandi extra Clasuram prætextu paupertatis.

188 §.2. Non est Simonia, si gratis dentur munera Superioribus vel aliis , ut facilius impetretur ingressus in Religionem , cùm id nullo Jure sit prohibitum, ita cum aliis *Dian.P.3.T.2.R.64.*

189 §.3. Nec est Simonia muneribus allicere aliquem ad Religionem, etiam si spes & intentio illa manifestaretur, ita *Bonac.cum Lez.in qq.Reg.v.Simoni.s.n.5. Imò S.Thom.Quodlib.4.q.12.a.23.in O.exprese asserit laudabiliter fieri, si pueri vel Adolescentes munusculis ad Religionem allicantur, quamvis S.Ignatius Lojola in Constitutionibus suis,in Exam. c. 3. §. 14. ob justas & speciales causas noluerit sic inductos ad Societatem J E S U admitti.*

190 §. 4. Nec est Simonia, si v.g. Abbas alat aliquem in studiis, eâ conditione, ut postea Religionem intret, uti n. 163. dictum est : item si obliget se ad alendos ejus Parentes , qui indigent , aut ad solvenda ejus debita , ita *Sanchez* aliisque cum *Bonac.de Simonia.d.1. q.4. §. 8.n.3. Ratio est, quia hoc non offert velut premium Religionis aut Religiosi , sed tantum ponitur velut conditio, quām Juvenis admittere debet, si velit gaudere illo commodo temporali ; vel tantum tollitur impedimentū, quo excluderetur à Religioso Statu, quod tollere licitum est.*

An sit Simonia dare vel accipere aliquid pro officio in Religione, dictum est n.103.

Q. 39. *An consuetudo excusat à Simonia.* R. §.1. Nulla consuetudo vel usus potest excusare à Simonia Juris naturalis, quia Jus naturale est necessarium, nec aboleri potest ; hinc nullâ consuetudine potest

poteſt induci, ut liceat dare vel accipere temporale
tanquam preium ſpiritualis, ita omnes cum Suar.
c.48.n.1. & Pirb.L.5.T.3.n.42.

§. 2. Consuetudo potest excusare à Simonia 192.

Juris tantum positivi, si habeat conditiones
ad præscribendum requisitas, quia ſicut consue-
tudo potest inducere obligationem Legis, ita & tol-
lere, uti dictum eſt L.1.n.572., & ita ſecundum dicta
hic n.160. inducta eſt per consuetudinem obligatio
ad dona quædam ſeu oblationes faciendas Clericis
pro exequiis, benedictionibus nuptiarum, cere-
moniis Baptismi & ſimilibus, etiamſi illi, quibus
dantur, aliunde ſuſtentationem habeant, uti n. 165.
dictum eſt ; exigunt tamen non debent, antequam
functiones illæ fiant, ne ſit ſpecies emptionis, ſed
dantur pro jam factis, ad oſtendendum, quod ori-
ginem habeant à gratuita recognitione : poſſunt
tamen fideles per Epifcopum cogi ad ea de more
danda, nam præscriptio virtute Legum tale Jus
fecit Parochis aut Ministris, ita Silveſt. Suar.
Pirb. n.43 ; idem eſt de conſuetudine exigendi
aliquid in administratione Sacramentorum
in admissione ad Monasterium, Suar. à num. 5.
Laym. L. 4. T. 10. c. ult. §. 2.n.16. Pirb.n.44. Hinc
Dian. P.6. T.8.R.17. & Roccaſ. apud eundem Dian.
P.11. T.6. R.31. abſolutè docent non eſſe Simoniam
dare vel accipere aliquid temporale, quando exhi-
betur spirituale, ſi talis fit conſuetudo, & ſolum
agatur de periculo Simoniae Juris positivi, quia
tum probabiliter judicari potest ejusmodi uſum
eſſe licet introductum, jámque præſcripsiffe,
ad quod in probabili ſententia ſufficiunt anni
tantum decem: addit Engel L.5.t.3.n.16. inter causas,
ob quas tales conſuetudines potuerint introduci,
etiam eſſe hanc, quod multæ Decimæ, v. g. lucri

in negotiatione, pecorum, lini, lanæ, pomorum, ovorum &c, antehac Ecclesiæ dari solitæ, nunc in desuetudinem venerint, adeoque præsumi possit has esse conversas in particulares exactiones tum faciendas, quando exhibentur ministeria quædam spiritualia : notat tamen reetè n. 14. non licere Parochis ob denegatam pecuniam denegare Sacra menta, sed debere aliâ viâ, v.g. apud Episcopū Jus suum prosequi, alioquin non leve foret scandalum speciæque Simoniae, & grave Parochianis detrimentum, si ob negatam modicam pecuniam mediis salutis frustrarentur.

193 §. 3. Licet Cap. Non satis 8 : Cùm in Ecclesiæ 9: In tantum 36 : Sicut pro certo, 39. Jacobus, 44. Tit. de Simonia , & alibi sæpe reprobentur omnes consuetudines accipiendi aliquid pro sepeliendis mortuis, benedicendis hubentibus seu aliis Sacra mentis conferendis seu collatis , tamen in his iterum prævaluit nova consuetudo, scientibus & conniventibus Superioribus Ecclesiasticis , uti n. 192. dictum est.

194 §. 4. Quamvis nunc sit consuetudo fueritque dudum , ut per pecunias obtineantur beneficia Ecclesiastica, hæc tamen consuetudo non excusat, neque præscribit, unde frustra se in talibus excusant aliqui dicentes, *Hoc jam moris est, passim fit, faciunt omnes &c.* Ratio est, quia plerumque est Simonia Juris naturalis, cùm pecunia detur velut premium rei spiritualis, circa Simoniam autem talem nulla præscribit consuetudo. Deinde quamvis non foret contra Jus naturale, est tamen contra Jus positivum, & illi consuetudini constanter reclamat Ecclesia, partim per damnationē propositionum, quæ tali consuetudini favent, partim per Responsa, quæ quotidie dat Curia Romana, quando

quando enim interrogatur , semper declarat ejusmodi facta esse simoniaca , imò rarissimè dispensat, sed præcipit dimitti beneficia & restituī omnes fructus perceptos.

Q. 40. *Quid censeri debeat in dubio.* R. §. I. ¹⁹⁵
 Si probabile sit Simoniam non intervenisse, non est, quòd aliquis sibi scrupulum faciat, tum quia sequi potest probabilem, tum etiam, quia est in possessione suæ innocentiaz, quam adhuc præsumere potest, quamdiu non rescit se nocentem, unde rectè docent Zypæus aliique cum Dian. P. 6. T. 8. R. 17, quamvis secundùm Jus etiam ille sit Simoniacus, qui non intelligit se illicitum agere, si re ipsa committatur simonia, tamen qui processit ex autoritate Doctorum , excusatur à culpa & poena. Vide dicenda à num. 204.

§. 2. Si verum sit dubium, an commissa sit Simonia nec ne, v.g. scis datos esse centum imperiales, sed nescis, an dati sint cum pacto aliquo aut gratis vel alio licito titulo, nec habes prudens motivum pro alterutra parte judicanda, in tali dubio poteris præsumere non intervenisse Simoniam , quia delicta non præsumuntur , & innocentia est in possessione, donec probationes claraz & convincentes afferantur, ita Suar. Pirh. L. 5. T. 3. n. 132. Tamb. in Dec. L. 1. c. 3. §. 7. v. *Simonia.*

§. 3. Ubi verba sunt dubia, Ecclesia præsumit ¹⁹⁷ simoniā, econtrà ubi verba sunt dubia, Jus civile non præsumit Usuram , disparitas esse potest, quòd Usura non sit ita communis , & habeat plures titulos excusantes, Simonia autem nunc sit communissima, nec sint tituli tales excusantes.

Q. 41. *An in simonia detur parvitas materiae.* ¹⁹⁸
 R. Affirmat Alloza v. *Simonia* Sect. 4. n. 29. Item Molin, dicens, quod ad mortale furtum sufficit,

non semper sufficere ad mortalem Simoniam : sequuntur Regin. Merol. Gord. apud Dian. P. 5. T. 5. R. 2. ut (secundum omnes) datur in Sacrilegio, v.g. in modico furto rei sacræ ; sed oppositum dicit esse certum Haunold. de Just. T. 6. T. 2. n. 559, ideoque communiter AA. negant in Simonia parvitatem materiae, Suar. c. 3. à n. 5. Sancb. hic L. 1. c. 4. n. 1. Illsung T. 5. n. 313, quod verum est de Simonia Juris naturalis (de Simonia Juris Ecclesiastici dicetur Lib. IV. n. 632.) Ratio est, quia parvitas non potest provenire ex vilitate ipsius rei spiritualis , quantumcunque enim videatur exigua, est tamen ordinis supremi, tendens ex natura sua ad supernaturalem Dei possessionem, ergo est gravis irreverentia eam pretio temporali veluti proportionato & æquali æstimare , cum hoc pretium sit infinites vilius : neque potest provenire ex parvitate pretii, quia quod minus est pretium, eo minor est æstimatione rei spiritualis , pro qua offertur tam exiguum pretium : idem confirmat Rayn. L. 2. Sect. 1. c. 3 ; quantum autem sit scelus Simonia, satis colligitur ex c. Per tuas literas, 32. de Simonia, ubi Innocentius III. ait, ceteras exceptiones, ut furti, adulterii, propter immanitatem hæresis simoniæ, ad cuius comparationem cætera crimina quasi pro nihilo reputantur, duximus repellendas: Similia habenter caus. i. q. 1. Eos qui. Ideoque Paulus II. Extravag. 2. de Simonia, meritò vocat detestabile scelus : Concilium Lateranense Cap. Cum in Ecclesia, 9. de Simonia, vocat horribile nimis. Eandem malitiam Simoniæ per multa capita sequentia depingit Raynaudus ; denique c. 6. & 7. refert exempla plurima Simonia à Deo gravissimè punitæ.

ARTI-

ARTICULUS II.

Quæ sit pæna Simoniae.

Resp. I. Sola Simonia Confidentiæ & Realis, *cc* 199
in Ordine, beneficio Ecclesiastico & Reli-*cc*
gionis ingressu, pœnas Juris ipso facto indu-*cc*
cit: licet ob ingressum Religionis raro incurra-*cc*
tur, ut dictum, vel ob tenuitatem Monasterii, *cc*
vel contrariam consuetudinem receptam, *Suar.* *cc*
L.4.c.56.&57. Lef. L.2.c.35.d.23. Laym. L.4. T. 10. cc
c.ult. §.7.

Resp. II. Ob simoniacam collationem & *cc*
susceptionem Ordinum, etiam primæ Tonsuræ, *cc*
incurrit excommunicatio & suspensio Papalis, *cc*
Lef. d.24. Laym. l.c.

Resp. III. Ob Simoniam Realem in beneficio *cc*
Ecclesiastico incurritur, 1. Excommunicatio *cc*
Papalis. 2. Irrita est electio, præsentatio, confir-*cc*
matio & institutio: Unde talis non facit fructus *cc*
suos: idque etiam, licet à tertia persona taliter *cc*
provisus, id ignoraverit; nisi tamen contra-*cc*
dixerit, vel nisi à tertio data fuerit pecunia *cc*
per fraudem, ut redderetur inhabilis; vel *cc*
nisi bonâ fide posederit beneficium per trien-*cc*
nium. *Lef. d.25. Laym. l.c. Bonac. d.1. q.7.p.2.n.20. cc*
ex Gomez, Garzia & aliis. 3. Efficitur inhabilis *cc*
ad idem beneficium, etiam per dispensationem *cc*
Episcopi obtainendum: aliis tamen beneficiis *cc*
Jure ipso non privatur; nec ad alia obtainenda *cc*
fit inhabilis ante sententiam Judicis, *Suar. c.57.n.47. cc*

Resp. IV. Simonia Confidentiæ completa *cc*
dato & accepto beneficio, licet accipiens promis-*cc*
sionem vicissim non impleverit, inducit, *cc*

” 1. Excommunicationem Papalem utriusque parti
” contrahenti. 2. Annūllat resignationem & colla-
” tionem beneficii, in quo est commissa, & inhabi-
” litat ad idem postea obtainendum. 3. Privati
” omnibus beneficiis & pensionibus antē obtentis;
” non tamen ante sententiam latam. 4. Beneficia
” sic collata soli Pontifici reservantur, *Lesf. d. 26*

*Ca**aym. §. 8. num. 76.*

A D D E N D A.

200 Q. 42. *Quid sit simonia facta, & an per eam incurvantur pœnae.* R. §. 1. Simonia facta est, quando exteriū fit promissio rei spiritualis pro temporali, vel temporalis pro spirituali, sine intentione implendi promissum vel se obligandi, & hanc non contineri sub ulla specie Simoniæ docent *Cajet. Sot. Ledesm. P. Navar. Escob. Moya T. 6. d. 4. q. 7.* *Castrop. D. 3. P. 6. n. 2.* aliique multi, nam Simonia, quæ dividitur, est vera Simonia, hæc autem non est vera Simonia, quia deest animus implendi vel se obligandi. *Navar.* reducit ad conventionalem, quia licet promissio fuerit facta animo facta, tamen commutatio rei spiritualis pro temporali fuit vera, actio enim illa promittendi, licet sit facta, est vera realis actio & pretio æstimabilis, cùm subjaceat multis oneribus & obligationibus, per hoc autem temporale intendit consequi spirituale: *Suar. c. 42. n. 4. & 5.* sic procedit, i. Quando fictio tenet se ex parte ejus, qui rem spiritualem est daturus, ab hoc tantum committitur mendacium graviter scandalosum & sacrilegum, quia rebus sacris injuriam facit ita eis abutendo, potestque etiam injustitiam committere, si sic intendat premium ab altero rapere; alter vero promittens tempore animo implendi committit veram Simoniam mentalem, fundatam in simili existi-

existimatione de mente alterius, non est tamen conventionalis, quia vera conventio non potest esse ex una parte tantum, sed exurgit ex vero utriusque consensu. 2. Ex quacunque parte se teneat fictio, certissimum est, inquit Moya n. i. sic fingente peccare mortaliter peccato mendacii, & inductonis vel cooperationis ad peccatum Simoniae, quod credit alterum committere. 3. Quando fictio intercedit ex utraque parte, ex neutra parte est Simonia, nisi forte ex conscientia erronea & ratione scandali, in quantum uterque potest putare se inducere alterum ad veram Simoniam. 4. Neque potest esse Simonia conventionalis ratione promissionis fictae, quae videtur commutari cum spirituali vel pro temporali, uti vult Navar: nam licet ille deceptor intendat mediante illâ promissione fictâ obtinere beneficium, non tamen intendit dare ipsammet promissionem ut premium beneficii, sed solum fictè offerre id, quod alter putat esse futurum premium, unde etiam alter non intendit dare beneficium pro promissione, sed pro re promissa, & promissio habet se tanquam conditio conferens certitudinem de pretio: Confirmatur, nam si promissio esset pars pretii, ergo in omni Simonia conventionali, hoc ipso, quod esset facta promissio pro beneficio accepto, jam pars pretii esset soluta, adeoque semper esset Simonia realis utrimque completa, quod nemo dicet. Cum Suar. tenent etiam Less. L. 2. c. 35. n. ii. Alloza v. Simonia. S. i. n. 9. Castrop. d. 3. p. 6. cum multis, quos citat.

§. 2. Per Simoniām fictam non incuruntur pœnæ Juris, ita Suar. Laym. Less. Tolet. Bonac. Tann. Pirb. Rayn. L. 2. S. 1. c. 4. n. i. aliisque cum Dian. P. 7. T. 4. R. 4. Ratio est, quia vel non est vera Simonia, vel est tantum mentalis, quæ non inducit pœnas,

utī statim dicetur; posset tamen semper ejusmodi
conventio ex utraque parte puniri à Judice, ut
iūdem Authores docent.

202 Q. 43. *An simonia mentalis inducat pœna?*
R. Affirmant Sot. Maj. Med. & alii; sed reliqui
communiter cum S. Th. apud Dian. P.4.T.4.R.158
probabilius negant: hinc si quis servivit Episcopo
animo recipiendi beneficium tanquam pretium
servitii, & Episcopus dederit beneficium tanquam
illius servitii pretium, si nullum adfuit pactum, sed
uterque finxit se gratis facere, accipiens beneficium
non tenetur resignare, nec Episcopus tenetur
solvere servitium: circa restitutionem autem

203 disputant Authores, an Simonia mentalis ad illam
obliget, Silvest. & alii absolutè negant: Host. Abb.
& Azor absolutè affirmaunt: Suar. c. 59. n. 45. &
Pirb. L.5. T.3. n. 190, distinguunt, & dicunt, si simul
non fiat injustitia, non deberi restitutionem;
si autem fiat injustitia, tum deberi; tum autem
fit injustitia, si quis, v.g. recipiat pecuniam, credens
dari ut pretium rei sacræ, implicat enim esse ejus
pretium, cùm res sacra pretio sit inæstimabilis,
ergo recipiens nullo justo titulo potest pecuniam
facere suam, sed dominium illius manet apud alterum.

204 Q. 44. *An per simoniam tantum materialē
incurrantur pœnae Juris?* R. §. 1. Tum Simonia
dicuntur materialis tantum, si re ipsa intervenerit,
attamen bonâ fide acta sint omnia, ita ut formale
peccatum Simoniæ non sit commisum.

205 §. 2. Si materialis tantum Simonia intervenerit,
Wames. Cons. 563. n. 2. docet incurri pœnas,
usque adeo etiam irregularitatem, quia Cap.
Per tuas 37, de Simonia, Innoc. III. in casu Ordinis
simoniæ suscepti ab illo, Qui se in hoc egisse
aliquid

aliquid illicitum non intellexerit, sic declarat, quod nisi cum eo fuerit misericorditer dispensatum, nec ad superiores ascendere, nec in suscepto debet Ordine ministrare: idem videntur dicere S.Th.2.2. q.100.a.6.ad 3.Suar.c.57.n.35.aliique communiter: sed Leß.in Auct.v.Simonia c.4.& 5, & Lugo in Resp. mor.L.6.D.4. à n.5.sic distinguunt, si ex nulla parte sit commissa formalis Simonia, ita ut, v. g. nec accipiens beneficium nec conferens nec alias cooperans peccaverit, tum dicunt non incurrit ullam pœnam vel inhabilitatem, sed provisionem esse validam, quia nullitas provisionis est pœna in odium delicti Simoniaci, ergo si ex nulla parte fuit delictum, nullitas non incurritur, multò minus excommunicatio, uti recte Sa v. Simonia n.13,& videtur consentire Suar.de Leg.L.5.c.22.n.3. Econtra quamvis vel solus provisus vel solus collator vel etiam solus aliquis tertius commiserit formalem Simoniam,in odium hujus delicti irritatur provisio, & incurritur pœna, uti q. seq. declarabitur: & de hoc casu explicandum est caput citatum, uti & S.Thom. & Suarez, nam ibi loquuntur de Simonia interveniente per tertium, hinc etiam Cap.De simoniacè ordinatis,22,de Simonia,dicitur : De simoniacè Ordinatis certum tibi non possumus dare responsum, nisi pleniùs cognoscamus, qualiter fuerint ordinati, cùm quidam, licet secundum quandam speciem Simonia, utpote ipsis ignorantibus simoniacè ordinentur, posunt,quia Simoniaci non sunt, in suis Ordinibus remanere.

Vide etiam dicta num. 195.

Q. 45. Quid dicendum sit, si simonia per tertium 206 tantum sit commissa. R. §. I. Si per Collatorem vel per quemcunque tertium commissa sit Simonia, collatio saltem potest invalidari, nisi ille tertius mali-

malitiosè id fecerit ad impediendum valorem collationis, vel nisi ipsem̄ provisus contradixerit uti statim explicabitur, & docent omnes communiter cum S. Thom. & Lugo suprà, patetq; ex Cap. Matthæus 23. Ex insinuatione 26. Sicut tuis Nobis 27. de Simonia, ubi sic habetur: *Nisi constanter illos, qui promisum tale fecerunt, per fraudem in dissennium illius, qui eligendus erat, id malitie fecisse, quamvis ipso tempore promissionis conscientia non fuerit, ejus tamen electio tanquam simonia pravitate presumpta est penitus reprobanda.*

207

§. 2. Si aliquis tertius dedit pretium, ut tu obtineres beneficium, & id certò sciveris, antequam obtinuisses, quamvis contradixeris, collatio adhuc est simoniaca, & assecutio beneficii irrita, qui quando habens illam notitiam nihilominus acceptas, cooperaris saltem quoad executionem Simoniae cognitæ, ita Suar. c. 57. n. 29. Leß. L. 2. c. 3. n. 143. Caſtrop. Rayn. L. 2. S. 1. Cap. 4. n. 8. Pirh. L. 5. T. n. 103: Si autem nihil scivisti & contradixisti, timens ne fortè factum esset aut fieret; vel si suspicatus es, & contradixisti, postea autem deposito suspicione, bona fide admisisti, licet postea certiorescias intervenisse Simoniam, provisio non est simoniaca nec invalida, uti expressè habetur Cap. Sicut tuis, 33. de Simonia.

208

§. 3. Si postea resciens Simoniam intervenis refundas pecuniam nefario mediatori, si hoc facias ante beneficium obtentum, licet contradixeris, hoc ipso revocas contradictionem, & censeris consentire, hinc provisio est simoniaca & invalida: Si facias post obtentum beneficium, & quidem animo ratificandi factum alterius, committis Simoniam, quia approbas, putatque S. Thomas te teneri resignare beneficium & restituere fructus:

ēcontrā

è contrà tamen *Adri. Tanc.* & *Leß. apud Dian. P. II.*
T. 5. R. 16. putant te non teneri resignare, nec ipso
facto incurrere pœnas Simoniae, quia cùm collatio
sit jam completa, non poterit invalidari per factum
simoniacum subsequens: *March. in Trib. T. 3. P. 1.*
T. 10. T. 7. q. 3. tenet cum *S. Thoma*, quia consensus ille
& solutio pecuniæ est moraliter pars contractus
simoniaci, nam mediator ille promittebat pecu-
niam nomine tuo & tanquam refundendam à te,
ideoque tuus consensus & refusio supponebatur
futura, ergo quando refundis, jam prius absolvitur
& completur contractus simoniacus, & ob hanc
rationem videtur hæc sententia esse probabilior.

§. 4. Si refundas, non approbando nec consenti- 209
endo, sed ne dicaris ingratus, aut ne alter propter te
patiatur damnum, non erit Simonia, neque ideo
privari poteris beneficio, quia hoc non est malum,
sicuti malum non est, si pater solvat debita filii
malè contracta, ita *Navar. Leß. n. 144. Suar. n. 72.*
Rayn. & Pirh. suprà. Moya T. 6. D. 4. Q. 7. n. 11. Baun.
apud Dia. suprà. Idem est, si refunderes, quia ad hoc
violentè cogereris, tum enim redimeres vexam,
utì notat *March. suprà.*

§. 5. Si nullo modo sciveris, quod amicus 210
simoniacè tibi quæreret beneficium, ideoque
nullo modo contradixeris, *Nav. Ugol. Adri. Millar.*
Baun. apud Dian. R. 56. putant provisionem esse
validam, & tantum manere infirmandā, si accedat
sententia Judicis, non enim est invalida Jure
naturæ vel divino, utì probat *Suar. n. 15*, nec Eccle-
siastico, cùm ostendi non possit clarus Textus: &
hanc sententiam probabilem esse dicit *Leß. suprà:*
favétque Textus n. 206. relatus, tantum enim dicit
eiusmodi electionem reprobandam: Oppositum
tamen tenent *S. Th. Suar. n. 35. Valer. Henriq. Covar.*
Rayn.

Rayn. n. 9. *Pirb.* à n. 95. & plerique Juris. Periti, docentes provisionem esse ipso Jure & facto invalidam, ita ut quamprimum resciverit, statim teneatur, vel petere dispensationem vel beneficium dimittere & restituere fructus perceptos, iis exceptis, quos bonâ fide consumpsérunt, aut qui respondent ipsi ministerio, quales sunt præsentia, hos enim fecit suos, *Suar.* n. 9. *Pirb.* suprà. Præterea talis provisus illâ vice est inhabilis, ut obtineat idem beneficium: atque hæc veluti pœna infliguntur ob culpam etiam alienam, ut tantò magis removeatur labes simoniaca: notant tamen *Nay.* & *Henriq.* apud *Dian.* suprà non incurri suspensio nem ab eo, qui nescivit Simoniam in sua Ordinatione esse commissam; & idem habet *Castrop.* de censuris d. 5. p. 10. §. 4. n. 1.

211. §. 6. Si tantum per tertium commissa sit simonia, potest ab ignorantे præscribi Jus in beneficio per possessionem triennalem, ut̄ dicetur L. 4. n. 709.

212. Q. 46. An per Simoniam conventionalem necdum realiter completam incurvantur pœna Juris. R. Affirmant Cajet. Garz. Comit. & alii multi cum *Pirb.* Lib. 5. Tit. 3. n. 100, quanvis enim pretium necdum sit traditum, Simonia tamen videtur completa, sicuti contractus venditionis censetur completus, si res sit tradita, quamvis pretium necdum sit solutum: econtrà *Suar.* aliisque 30, apud *Garz.* p. 8. c. 1. num. 19, quibus consentiunt *Ray.* L. 2. S. 1. c. 4. n. 2. *Leß.* c. 35. n. 149. *Regin.* L. 23. n. 171. *Moya.* T. 6. d. 4. q. 7. n. 9. probabilius negant; & hanc sententiam fatetur *Pirb.* in praxi securam esse. Ratio est, quia in odiosis, per Simoniam intelligi debet illa, quæ completa & perfectè est talis, qualis non est, nisi sit utrimque realiter completa: addunt adhuc non esse omnino completam, quamvis

quamvis datum sit chirographum de solvendo pretio, quia illud chirographum non est pars pretii: notant quoque *Dian. Baun. & Rayn. n. 1.* contra *Suarez*, si falsa pecunia daretur, etiam non compleri, quia falsa pecunia non est verum pretium: Quod si pretium non solveretur statim, sed post aliquot v.g. menses, quamvis in foro externo poenae retrotrahantur ad tempus conventionis, non tamen in foro conscientiae, hinc talis non tenebitur restituere fructus interim perceptos, ita *Leß. Castrop. Rayn. n. 3. Dian. P. 10. T. 16. R. 15.* Atque idem est de excommunicatione incurrenda, quae nunquam retrotrahitur, uti iidem Authores habent.

Q. 47. An poenae Juris incurvantur per Simoniam ²¹³
Juris Ecclesiastici tantum. *R. Suar. Rayn. num. 4.*
Pirh. n. 100. & 155. aliique communiis & probabilitius affirmant, quia est vera Simonia, licet non strictissime dicta, & si casus hujus Simoniæ deferratur ad Curiam Romanam, semper declarat subiacere poenis: è contrà *Navar. Leß. num. 141.* *Sanch. in Cons. L. 2. c. 3. d. 118. n. 3. Dian. P. 4. T. 4.* *R. 155. P. 10. T. 16. R. 17. P. 11. T. 5. R. 1. & 20.* Item *T. 6. R. 30.* aliique cum *Castrop. D. 3. P. 15. n. 4.* etiam probabiliter negant, quia non est propriè & strictè dicta simonia, quæ communiter definitur, *studiosa voluntas vendendi spirituale pro temporali,* quod soli Simoniæ Juris naturalis convenit: unde qui, v.g. propriâ autoritate permutant beneficia, quamvis graviter peccent, tamen secundum hanc sententiam non incurvant excommunicationem, nec ipso Jure privantur beneficiis, nec tenentur fructus restituere: excipiunt tamen omnes Simoniæ confidentialiæ, de qua à num. 220; item, si detur aliquid etiam gratis Officialibus Episcopis

occasione susceptorum Ordinum, dimissorialium vel testimoniorum, ubi receptum est Tridentini Decretum hoc expressè vetans Sess. 21. c. 1. de Refor- dicens per hoc utrimque incurti ipso facto pœnas Juris in Simoniacos.

²¹⁴ Q. 48. *Quid præterea sit addendum circa pœna Simoniae communis.* Rx. Seqq. §. 1. Si quis committat Simoniam in Sacramentis aliis, præterquam in Sacramento Ordinis; item si committat in consecrationibus, benedictionibus, dispensationibus, in Officio Ecclesiastico, v. g. Legati vel Delegati, in Jure Patronatus, in Vicaria temporalis, & probabiliter in pensione vendenda, emenda vel redimenda, non incurrit pœnas, quia pœna tantum incurrit per Simoniam in Ordine, Beneficiis & Religionis ingressu, ita Less. Sanch. Tann. & alii cum Dian. P. 11. T. 5. R. 20. Rayn. n. 3 Castrop. P. 25. Pirh. n. 101. 154. & seqq. Alloza v. Simonia Sect. 4. n. 45; unde nec ille incurrit, qui acceptat pecuniam velut premium Missæ, Pasq. de Sacrif. Q. 922. Addit Dian. P. 4. T. 4. R. 157, si Canonici Sede vacante convenienter inter se, ut qui ex ipsis ad interim eligeretur Vicarius Episcopalis, etiam reliquis communicaret partem emolumentorum, non incururos pœnas, quia licet hic Vicariatus sit aliquid spirituale, tamen non est beneficium: & idem est de Officialatu, cum partem contentiousam Jurisdictionis Episcopalis contineat, Laym. Pias. aliquique cum Du Hamel L. 1. c. 7. n. 6, qui clare deducit ex Conc. Turon. c. II. & Lateran. sub Alex. III. c. 15. Quamvis autem officia illa aliisque similia non sint strictè beneficia, tamen Jure divino sunt invendibilia, adeoque materia Simoniae. Addit iterum Dian. R. 167. cum Sanch: si Cajus emat Vicariatum Episcopi, nec Cajum teneri resignare, nec

nec Episcopum teneri reddere pretium, sed de hoc ultimo dicetur postea à n. 237. Quid autem nomine beneficii veniat, diximus à num. 103.

§. 2. Provisio simoniaca est irrita saltem 215
Jure positivo, & quamvis Navar. Felin. & alii
cum Fagn. in Cap. Nobis 27. de Simonia à num. 67.
dicant non esse irritam ipso facto, probabilius
tamen est oppositum, uti docent plurimi cum Pirh.
à n. 97, & ex Canonibus probat Busenb. referendus
n. 236. Similiter licet Nav. Lef. Laym. Castrop. Chock.
apud Leur. P. 3. Q. 847. dicant eos, qui dignitates
vel beneficia permutant propriâ authoritate,
ipso Jure non amittere beneficia, ideoque
posse propriâ authoritate ad illa redire, saltem
pro foro conscientiæ, quamdiu per sententiam
non privantur, uti videtur innui Cap. Cum olim,
de rerum permutatione, tamen oppositum tenent
Suar. Cap. 57. num. 41. Garz. p. 11. c. 4. num. 59.
Pirh. L. 3. T. 19. n. 24. propter Extrav. 2. De Simonia.
Vide dicta L. 1. n. 612. & hīc num. 213.

§. 3. Per Simoniam in beneficio, quamvis incur- 216
ratur excommunicatio, tamen non incurritur ipso
facto suspensio ab officio vel beneficio, de hac enim
nihil habent Jura, ita Suar. Garz. Bonac. Dian. R. 18.
Castrop. de Cens. d. 5. p. 10. §. 4. n. 1. Pirh. L. 5. Tr. 3. n. 164;
manet tamen talis perpetuò deponendus ab altaris
ministerio sive ab officio, & consequenter etiam
à beneficio, Pirh. n. 165.

§. 4. Qui confert Ordines simoniacè, ipso facto 217
suspenditur à collatione omnium Ordinum, saltem
per triennium, & interdicitur ingressu Ecclesiæ;
Ordinatus autem per propriam Simoniam, etiam
ipso facto suspenditur ab Ordine, donec à Papa
absolvatur, uti habetur Cap. Si quis. 45.
de Simonia, & docent Suar. Lef. Pirh. à num. 159:

probabile tamen est ex multis AA. cum Dian. R. 19. suspensionem solùm attingere Ordinem illum, qui simoniacè est susceptus, non autem alios rite susceptos, qui (per se loquendo) licet exerceari poterunt.

²¹⁸ §. 5. Quod ordinatus simoniacè incurrat irregularitatem, docent Alens. Rich. Comit. & alii, sed probabilius negant Suar. c. 56. n. 20. Less. c. 25. d. 24. Fill. Baun. & alii cum Dian. R. 17, item P. 1. T. 11. R. 113, quia id ex nullo Jure probari potest; neque videatur infamia sufficiens, nisi Simonia esset notoria, uti habet Avila, & consentit Megala, si Simoniacus per sententiā fuerit damnatus, quia omnes infames sunt irregulares, per hoc autem esset infamis: hinc Cap. Accusatum 4. & c. Quotiens 5. de Simonia decernitur, ut accusatus & publicè infamatus de Simonia, prohibetur celebrare Missas & administrare Sacra menta, si entique tales Simoniaci irregulares, si in excommunicatione vel suspensione solenniter exerceant actum Ordinis ita suscepti, uti dicetur de Irregularitate.

²¹⁹ §. 6. Docet Baun. apud Dian. P. 4. T. 4. R. 17. non incurri suspensionem per simoniacam collationem aut receptionem primæ Tonsuræ vel minorum Ordinum, nam probabiliter non sunt Sacra menta, nec censentur strictè Ordines; quam sententiam Regin. L. 23. n. 124. vocat probabilem, quod de prima Tonsura admitti potest; oppositum tamen probabilius est de Ordinibus minoribus, uti dicetur de Sacramento Ordinis.

²²⁰ Q. 49. *Quid addendum sit circa paenam Simonia confidentialis.* R. Seqq. §. 1. Per illam, licet ex una tantum parte sit completa, incurritur ab utroque etiam inhabilitas ad quæcunque alia beneficia obtinenda, uti habent Suar. c. 43. num. 13. & alii.

Si tamen Confidentiali recipentes sint Episcopi vel Cardinales, non incurunt excommunicacionem, sed Interdictum ab ingressu Ecclesiaz, Navar. *Suar. Pirb. L.5. T.3. n.115*; fructus autem à tali Simoniaco interim percepti à die commissæ Simoniæ debent applicari Cameræ Apostolicæ, Navar. & *Pirb. suprà.*

§. 2. *Tann.* aliique cum *Dia. P.11. T.6. R.20.* negan, ²²¹ ullam pœnam, præter Excommunicationem ipso facto incurri per hanc Simoniam: *Suar. suprà* *Sanch. de Matr. L.9. D.30. Leß. c.35. n.147. Rayn. L.2.* S. 1. c.4. n.15. *Pirb. suprà* fatentur Confidentialium non excidere aliis beneficiis priùs rite obtentis, nisi accedat saltem sententia declaratoria, quia quando aliquis per pœnam privatur re suâ, non obligatur ad executionem in se faciendam, nisi accesserit sententia Judicis: *Suarez suprà* dicit omnes reliquas pœnas incurri ipso facto.

§. 3. *Navar. Sa & Garz.* apud *Laym. L.4. T.10.* ²²² c. ult. n. 77. docent renunciantem ita simoniacè, posse quidem privari, sed non perdere ipso Jure beneficium, quia renunciatio est irrita, adeoque etiam prærequiret sententiam saltem declaratoriam; consentit *Alloza v. Simonia. S.4.n.47,* dicens *Pium V.* intelligi, non de renunciantibus, sed de acquirentibus beneficium, obtentio enim est prorsus irrita.

§. 4. Communiùs docetur, quod provisus ²²³ per hanc Simoniam, hoc ipso etiam fiat inhabilis ad illud beneficium sine ulteriore sententia, & consentiunt *Tancr.* apud *Dian. P.11. T.5. R. 7. & 18. Pirb. n. 169. & alii: Lesf. tamen & Castrop. P.25.n.8.* dicunt non fieri ipso facto inhabilem ad alia beneficia, quia Usus habet, ut requiratur sententia saltem declaratoria.

224 §. 5. Mediatores, seu qui procurant beneficium sic resignari vel obtineri, excommunicantur ipso facto, sed non prius, quam Simonia illa sit utrumque realis & completa, uti habent *Suar.* n. 15, *Laym.* num. 78. *Pirh.* num. 115.

225 Q. 50. Si actus, in qua committitur simonia, sit invalidus, an poenæ Juris incurvantur. R. Si sit invalidus ratione ipsius Simoniae, patet incurri: Si autem sit invalidus aliunde, quam ratione Simoniae, v.g. si quis pro pecunia renunciet beneficium, non ex animo, sed fictè, absque authoritate Superioris, cum consensus & authoritas requiratur ad valorem istius renunciationis, committi quidem poterit Simonia, sed non incurritur poenæ, quia ut hæ incurvantur, actus debet esse talis, ut nisi Simonia interveniret, foret validus, hic autem actus est aliunde invalidus, uti dictum est, ita *Nav. Sanch.* aliquique cum *Lugo* in *Resp. Mor.* L.2.D.3.

226 Q. 51. An metus gravis excusat, ut quis possit retinere beneficium, alioqui propter simoniam dimitendum. R. Si Simonia sit occulta, & adsint circumstantiae gravis infamiae certò incurrendæ, non videtur esse obligatio dimitendi beneficium, vel in se exequendi alias poenas simoniae; nam in primis docent *Suar.* de Cens. d. 13. Seçt. i. n.ii. & *Diana* P. 4. T. 4. R. 56, si quis, cui offertur occasio beneficii, esset inhabilis, v.g. ob excommunicationem, & subiret periculum infamiae vel scandali, si non acceptaret, non teneri suam inhabilitatem prodere, sed posse sine scrupulo acceptare, cum obligatione petendi dispensationem, quia Ecclesia non censetur velle obligare in tali casu cum tali incommmodo: Deinde idem *Diana* P. II, T.5.R.56. & *Sanch.* in *Conf.* L.2.c.1.d.34. n.14. docent, quando

quando defectus est occultus , & ex dimissione
beneficii vel petitione novæ provisionis magnum
damnum statu vel famæ pateretur , v. g. quia
alii aliquod grave malum de illo suspicarentur ,
eò quòd nullus alius appareret color, cur benefi-
cium illud dimittat, posse illud retinere, nec teneri
dimittere cum gravi famæ jactura. *Confirm.* Nam
diximus L. 1. à n. 775, & docent AA. communiter
cum Sanch. in Dec. L. 1. c. 18. n. 16, Leges humanas
non obligare, ubi est periculum incurriendæ gravis
infamiae vel alterius gravis incommodi : tenere-
tur tamen sic provisus omnes fructus, quos perci-
peret, restituere Ecclesiæ vel pauperibus, & insuper
dimittere beneficium cesante illo periculo.

Q. 52. *An Papa posset incurrire simoniam & pœnas.* 227
R. Potest incurrire Simoniam Juris naturalis &
divini, uti per se patet; an autem etiam Ecclesiastici,
disputant Authores, negant Suarez & Bonacina,
quia hoc ipso, quòd velit hoc vel illud agere,
dispensat in Lege statuente Simoniam: affirmant
Leß. & alii, quia tenetur etiam suis Legibus, saltem
quoad vim directivam , nec ideo dispensat,
quòd contraria agat; quidquid sit de hoc, certum est,
quòd nullas incurrat pœnas Jure Ecclesiastico
etiam contra Simoniam Juris naturalis statutas,
quia vis coactiva Legum propriarum non stringit
Legislatorem, uti dictum est Lib. 1. num. 674.
Quòd si quis cum Papa committeret Simoniam,
secundum communiorum sententiam incurreret
pœnas, nisi Papa antecedenter expressè cum ipso
dispensaret: in hoc tamen contradicunt alii
cum Diana P. 10. T. 16. R. 16, quia putant Pontificem
ipso facto dispensare , secundum illud axioma,
quòd scientia Principis purget crimen, quantum
ad pœnas Juris positivi:

K 4

An

An autem electio Papæ simoniaca, sit irrita,
videri potest Pirb. L. 5. T. 3. n. 104.

218

Q. 53. *Quis dispensare posset in pœnis Simonia?*
R. §. 1. Ab excommunicatione potest absolvere
solus Papa, & illi qui privilegium habent absol-
vendi à reservatis Papæ, & in occultis necdum de-
ductis ad forum contentiosum possunt secundum
Trid. Sess. 24. Cap. 6. de Reformat. Episcopus &
Religiosi Mendicantes per sua privilegia, uti pluri-
bus dicetur L. 6, quando de casibus reservatis,
ubi etiam explicabitur, quid dicatur occultum au-
deductum ad forum contentiosum.

219

§. 2. Ab inhabilitate ad idem beneficium,
si ipse scivit vel tacite consensit, potest solus Papa,
& non Episcopus, quamvis Simonia esset occulta,
uti habet communior contra *Henriq. Sanch. Less.*
Castrop. d. 3. p. ult. Tancr. apud Dian. P. II. T. 5. R. 18,
quorum sententia etiam videtur probabilis : Et
quamvis Diana tantum dicat de habilitatione
ad alia beneficia, *Castrop.* tamen etiam habet
ad idem ; imò & Diana ipse postea R. 56. dicit
in beneficiis simplicibus posse dispensare Episco-
pum, in curatis solum Papam. Si autem provisus
nesciverit & bonâ fide processerit, quando bene-
ficium est Prælatura seu dignitas, vel est curatum,
solus Papa potest dispensare pro illa vice, si tamen
per sententiam publicam non fit condemnatus,
poterit Episcopus dispensare, ut pro alia vice eliga-
tur, unde si hac vice collatum fuerit alteri, & hic
moriatur, poterit prior ab Episcopo dispensatus
ad illud redire. Quòd si beneficium esset simplex,
potest Episcopus post factam liberam ejus resigna-
tionem dispensare cum eo, eique statim iterum
conferre, ita *Castrop. suprà & Pirb. L. 5. T. 3.*
à num. 171.

§. 3

§. 3. Ab inhabilitate ad alia beneficia obtainenda, 230
 Si hæc incurritur ante sententiam Judicis, uti habet
 multorum opinio, poterit dispensare Episcopus,
 dummodo liberè dimiserit beneficium, priusquam
 per publicam sententiam sit condemnatus:
 cum condemnato autem, quia infamis est, potest
 solus Papa, & non Episcopus, nisi in casibus à Jure
 expressis apud eosdem AA: verum etiam proba-
 bile est, quod hæc inhabilitas non incurritur
 ante sententiam Judicis, uti antè dictum est.

§. 4. Secundùm eosdem AA. potest Episcopus 231
 dispensare etiam in suspensione, quæ incurritur
 ob Simoniam occultam, ad hanc enim rectè
 extenditur facultas dispensandi in occultis casibus
 pertinentibus ad absolutionem sacramentalem
 & neandum deductis ad forum contentiosum,
 quam facultatem Episcopis concedit Trid. suprà.
 Nec obstat Bulla Pii V, nam iidem AA. tradunt
 illam quoad istud punctum non esse receptam.

§. 5. Si Simoniacus acceperit dispensationem, 232
 Suarez & alii dicunt finè nova collatione posse
 retinere beneficium, quia sublato vitio convalescit
 collatio: limitant Gonzalez & alii, dummodo
 ad Dispensantem specter collatio; si autem
 ad aliud spectet, dicunt requiri novam, quia prior
 fuit irrita, nec potest convalescere, nisi collatore
 volente: hanc limitationem rejiciunt multi, &
 absolute dicunt convalescere, dummodo vitium
 fuerit occultum, & collatio prior non fuerit
 contra Jus alterius simul electi, tum enim censetur
 moraliter manere voluntas collatoris, quæ
 sublato impedimento vim suam habebit: si tamen
 provisus illam collationem admisisset sciens
 illud vitium suum, jam esset præterea intrusus,
 unde hæc intrusio etiam purgari deberet,

K. 5

hac

hac autem sublatâ, & altero quóque vitio dispensato, manet probabile non esse opus novâ collatione, ita *Castrop.* & *Pirh.* suprà.

233 §. 6. Notant iidem Authores, nullam esse præscriptam formam ad dispensandum in pœnis Simoniae, hinc perinde est, quibuscumque verbis Dispensans manifestet voluntatem, quam habet tollendi talem pœnam.

234 Q. 54. An Papa sanet vitium Simoniae, si in Bulla Confirmationis dicat se supplere omnes defectus, v.g. in Electione communis. R. Negativè, sed tantum intelligit defectus, si forte aliquid neglectum eset in forma Electionis, aut similis error foret commissus, neque enim nomine defectis venit Simonia, quam Ecclesia vocat immane, detestabile, horribile scelus, in cuius comparatione cetera crimina quasi pro nihilo reputentur, uti n. 198. dictum est.

235 Q. 55. Quid notandum circa Judicem, accusatorem, testes & litem in causa Simoniae. R. Hæc pauca, 1. Judex sacerdotalis non potest de Simonia cognoscere, quia est causa spiritualis; est communis & certum *Pirh.* n. 142. Potest etiam videri *Leur.* P. 3. q. 757. 2. Et servus & meretrix & quicunque aliis potest esse accusator in Simonia, uti habetur in Jure apud *Rayn.* L. 2. S. 1. c. 4. n. 14. & *Pirh.* n. 143; admittitur autem sola exceptio capitalis iniuriae & conspiracy. 3. Si in causa Simoniae agatur criminaliter contra aliquem, non admittuntur testes criminosi & infames, *Pirh.* n. 150. Si agatur civiliter contra Prælatum vel alium in dignitate constitutum, etiam non admittuntur, nisi sint emendati de crimine, ubique autem repellitur perjurus, etiam si fuerit emendatus. 4. In crimine Simoniae non datur appellatio, uti ostendit *Pirh.* suprà.

Exci-

Excipit Felin: nisi appelleatur ante sententiam; quales autem probationes requirantur & sufficiant, videri potest apud Castrop. P. 27.

ARTICULUS III.

An & cuirestituendum, quod simoniaca acceptum.

Resp. 1. Nihil spirituale simoniaca acceptum, ^{cc} 236
præter beneficium, (sub quo continetur ^{cc}
pensio, secundum Bonac. Tom. I. l. 1. q. 7. ^{cc}
Diffic. 2. negante Lessio L. 2. c. 35. Dub. 30.) eit resti ^{cc}
tuendum. Ratio, quia cætera vel restituui non pos- ^{cc}
sunt, ut Sacra ^{cc}menta, vel non sunt restituenda ^{cc}
ante sententiam, cum Canones aliud non statue- ^{cc}
rint, ex Lessio n. 168. Suar. Fill. & aliis contra Azor ^{cc}
& Laym. Bonac. P. 3. Diffic. 2. Dixi, præter bene- ^{cc}
ficium: quia hoc retineri non potest etiam ^{cc}
ante Judicis sententiam, ut patet tum ex Cap. ^{cc}
Si quis neque 1. q. 1. tum ex 2. Extrav. Cum detesta ^{cc}
bile, de Simonia. V. Bonac. l. c. Ubi addit etiam ^{cc}
fructus perceptos esse restituendos, tum quia ^{cc}
nullo iusto titulo possunt retineri, cum adeptio ^{cc}
beneficii simoniaca sit ipso facto irrita, tum quia ^{cc}
sic expressè habetur in Extrav. Cum detestabile, ^{cc}
de Simonia, v. D. Th. 2. 2. q. 100. a. 6. Nav. L. 5. Conf. 62, ^{cc}
Lesf. Dub. 31.

Resp. 2. Pretium acceptum pro beneficio, ^{cc}
collatione Ordinum, Sacramentorum & ^{cc}
Sacramentalium, si notabiliter excedat id, quod ^{cc}
pro sustentatione exigi poterat; item pro admis- ^{cc}
sione ad Religionem, Jure positivo restituendum ^{cc}
est. Hoc tamen posterius non nisi post latam ^{cc}
sententiam, si admissus in Monasterium, maneat, ^{cc}
quia plerumque ratione alimentorum retineri ^{cc}
potest, modò in communem usum convertatur. ^{cc}
Vid. Bonac. l. c. Less. Dub. 30.

Resp.

236 *Resp. 3.* Acceptum pro beneficio aliâve re spiri-
tuali, non secutâ collatione, Jure naturæ resti-
tuendum est ei, à quo est acceptum, quia deel
titulus retinendi, cùm non præstetur id, pro quo
est datum. Si verò res tradita sit, Simonis
utrimque completâ, probabilius est resti-
tuendum esse Ecclesiæ, & non danti, quia Ecclesiæ
utrumque punire intendit, v. *Less. Dub.* §.
Laym. L. 4. T. 10. c. ult. §. 9.

ADDENDA.

237 Q. 56. *Quid circa hanc restitutionem sit præteri-
notandum.* Ex. Seqq. §. 1. *Steph.* T. 4. D. II. n. 4.
absolutè docet temporale acceptum non esse resti-
tuendum ante sententiam Judicis in nulla simonia,
præterquam in beneficio; è contrâ *Pirh.* L. 5. T. 3.
num. 176. dicit saltem ex Jure positivo semper esse
obligationem restituendi pretium simoniæ
acceptum pro spirituali, quamvis fortè nihil
faetum esset contra Justitiam, quia Jus facit inha-
bilitatem acquirendi dominium, & re ipsa etiam
spectato Jure naturæ non videtur esse titulus reti-
nendi, cùm temporale non possit esse pretium
spiritualis.

238 §. 2. Si pretium acceptum non excedat
commodum temporale, quod ex beneficio pro-
venit, *Layman* c. ult. n. 82. *Lessius* c. 35. n. 160. dicunt
non teneri restituere, nisi post sententiam Judicis:
Suar. c. 50. n. 16. & *Pirh.* n. 178. dicunt Prælatos teneri
de Jure naturæ & ante omnem sententiam, quia
cùm non sint domini, sed tantum dispensatores
beneficiariorum, faciunt injuriam, si conferant
simoniacè, sed supposito quod in Simonia Juris
naturalis semper interveniat injustitia, ut
à num. 119. dictum est, consequenter dicendum,
restitu-

restitutionem accepti pretii semper esse faciendam
ante omnem sententiam : hinc *Moya* T. 6. D. 4.
Q. 7. Num. 12. dicit in eo convenire omnes, quod
in Simonia circa beneficia sit obligatio restituendi
ante omnem sententiam Judicis , quia etiam
ipso Jure statuta est inhabilitas ad acquirendum
dominium. Vide *Leurenium* P. 3. Q. 755.

§. 3. *S. Th. S. Antonin. Cajet. Tab. apud Moya* suprà 239
dicunt premium pro beneficio acceptum debere
restitui pauperibus : *Jus Canonicum c. De hoc*, II.
de Simonia, jubet restitui Ecclesiæ : *Sot. Bann. Sa,*
Med. Tann. Laym. n. 81. & 83. Diana. P. 4. T. 4. R. 167.
Pirb. num. 182. *Moya* n. 13. dicunt id verum esse
post sententiam , sed ante sententiam pro foro
conscientiæ dicunt posse restitui illi, qui dedit,
unde si restitutio huic fiat, putat *Lessius* num. 172.
hunc posse retinere, quia non abdicaverit se domi-
nio, nec illo exuitur, donec privetur per sententiā,
aut donec jam sit extraditum Ecclesiæ; post senten-
tiam autem docent quoque alii cum *Sa* apud *Lay.*
suprà, quod premium simoniacè acceptum sit resti-
tuendum Ecclesiæ vel Pauperibus , intelligi-
tur autem illa Ecclesia, in qua est beneficium, quia
hæc passa est injuriam. Quod si pactum esset
rescissum ante collationem beneficii , certum est
premium restitui debere illi, qui dedit, uti recte
Alloq. v. Simonia S. 4. n. 24. Vide *Leurenium* à n. 6.

§. 4. Cùm probabile sit premium etiam ante sen-
tentiam posse restitui Ecclesiæ vel pauperibus;
si ille, qui premium accepit, sit pauper, poterit reti-
nere tanquam pauper, ita *Sanchez & Diana* suprà.

§. 5. Premium datum pro divina gratia, v. g. 241
pro absolutione sacramentali , restituendum est
pauperibus , sed datum pro ingressu Religionis
est

est restituendum danti, uti ex Jure probant *Sanche*
& *Diana* suprà.

242 §. 6. Si quis domum nobilem carius vendat propter adjunctum Jus Patronatus, ita ut huic Iuri respondeat pars pretii, *Suarez*, *Layman* aliisque cum *Pirh.* n. 165. dicunt non teneri hanc partem restituere ante sententiam, quia ob adjunctum temporale, quod est pretio estimabile, non videtur facere in justitiam, sed oppositum est probabilius secundum antea dicta, hoc enim pretium, quod superadditur, datur pro spirituali, quod est invendibile, ergo pretium nullo justo titulo retineri potest.

243 §. 7. In Simonia pro collatione Ordinum, si contra Justitiam plus acceptum sit, quam pro sustentatione exigi poterat, de Jure naturae restitui debet illi, qui dedit, quia Jus positivum nihil circa hoc statuit, ita *Less.* num. 169. *Pirh.* n. 184.

An debeatur restitutio propter Simoniam mentalem, dictum est n. 203. Ex hac tenus dictis,

244 Infertur, cum *Rocca* f. apud *Dian.* P. II. T. 6. R. 31. pecuniam seu quid temporale dari & accipi possit aliquando ab uno absque Simonia, quando datur vel accipitur spirituale ab altero, 1. In sustentationem vitae: 2. In stipendium laboris extrinseci conjuncti cum spirituali: 3. Tanquam gratis oblatum: 4. In eleemosynam: 5. Ratione consuetudinis: 6. In poenam, uti quando quis absolvitur à censura, vel dispensatur in delicto, quandoque imponitur multa pecuniaria: 7. In permutationem voti, à quo quis petit liberari: 8. Ad redimendam vexam, secundum antea dicta.

245 Denique hic signanter anno, quod quamvis sententiæ multæ circa Simoniam sint speculative probables, saepe tamen pro multis non sunt probatae.

Probabiles practicè, quia in praxi non adhibentur
caelæ requisitæ ad vitandam Simoniam, unde
qui benignioribus sententiis hic uti volent, utan-
tur simul consilio viri docti & probi, qui discernat,
an hic & nunc ob circumstantias alias vel inten-
tionem minus rectam se non insinuet Simonia.

TRACTATUS II.

De secundo Præcepto Decalogi.

Prohibet hoc Præceptum omnem inordi-
natam usurpationem nominis Dei, qualis
potissimum sit blasphemando, temerè
jurando, vovendo & non servando, de quibus
hic agendum.

CAPUT I.

Quid & quotuplex sit Blasphemia.

RESP. Blasphemia directè opposita laudi Dei, ²⁴⁶
est verbum maledictionis, vel convitii, seu
contumeliae in Deum; sive id fiat attribu-
endo ei falsa, sive negando vera; sive tribuendo
creaturis, quæ ipsi debentur; sive etiam dicendo
vera, sed quæ ad ejus dehonorationem seu vili-
pensione tendant, ut sit per modum ei indignan-
tis, contemnentis, &c. Ita communiter Doctores
S.Th. 2.2. q.13. Bon. Tom. 2. Disp. 3. Q. 8. Sanch. 2. Mor. c. 32. Laym. L. 4. T. 10. c. 6. & alii. Unde resolvēs,

I. Blasphemat, qui contra Deum infrendens
ei maledicit: item qui ait se aliquid acturum
eo invito: item qui eum negat; qui serio jurat
per Deos falsos; qui eum vocat Tyrannum,
injustum; nolle aut non posse nos juvare;
non